

Concina, Daniele,

In rescriptum Benedicti XIV. Pont. Max. ad postulata septem archiepiscopi
Compostellae ieiunii legem spectantia commentarius

Venetiis 1745

4 Mor. 111

urn:nbn:de:bvb:12-bsb10526521-4

40

Mor.
111



Dom, S. S. Adelhaidis et Caietani

Met.

4⁶

Nov 1771

IN RESCRIPTUM
BENEDICTI XIV.
PONT. MAX.

A D

POSTULATA SEPTEM ARCHIEPISCOPI
COMPOSTELLÆ
JEJUNII LEGEM SPECTANTIA
COMMENTARIUS THEOLOGICUS

A U C T O R E

F. DANIELE CONCINA

Ord. Præd. Sac. Theolog. Lect.




VENETIIS, MDCCXLV.

APUD SIMONEM OCCHI

In Via Mercatoria sub Signo Italiae.

SUPERIORUM PERMISSU, AC PRIVILEGIO.



IN RESCRIPTUM
BENEDICTI XIV.

DE PONT. MAX.

N. D.

POSTULATA SEPTEM ARCHIEPISCOPI

COMPOSITAE

JEJUNII REGEM SPECTANTIA

COMMENTARIUS THEOLOGICUS

AUCTOR

F. DANIEL CONNINA

Ord. Publ. Sac. Theolog. Leg.



VENETIS, MDCCXLV.

APUD SIMONEM OGGI

In Via Mercatorie sub signo Iulie.

SUPERIORUM PERMISSU, AC PRIVILEGIO

Bay
Staatsbibliothek
München

VENERABILI FRATRI
ARCHIEPISCOPO COMPOSTELLÆ
BENEDICTUS PP. XIV.



En. Frater salutem &c. Si Fraternitas tua secum reputabit quot gravissimis & maximis curis propemodum obruamur, quantumque, hoc præsertim difficillimo tempore, prorsus Nos teneat imposita tenuitati Nostræ sollicitudo omnium Ecclesiarum, non sane mirabitur, tamdiu sibi procrastinatum fuisse responsum ad eas Litteras, quibus Apostolica auctoritate dissolvendas rogasti obortas in Hispania disputationes aliquas e duabus nostris Epistolis ad omnes Episcopos superioris Annæ 1741. 30. Maji, & 22. Augusti, quibus intra legitimos fines coercuimus invalescentem Ecclesiastici jejunii relaxationem. Potius tibi in mentem veniet cogitare de singulari nostro in religiosissimam Hispanam Ecclesiam amore, unde Nos, immensa licet rerum mole fatigatos, ad expediendum sibi in omni sua perplexitate salutis iter opem nostram præsto habet. Quamquam igitur, dum prænuntiatas Constitutiones edidimus, non aliud propositum Nobis fuerit, ac refrænare

paucorum nimis ingenio fidentium Theologorum licentiam, qui opinionum novitate gaudent: nec otium, nec animus Nobis fuerit definire quicquid subtili indagatione deduci possit ex proposita a Nobis jejunandi regula; tamen eximia paterna charitate complectimur adeo observantissimos Romanæ Sedis Hispanos, tantique facimus obsecrationes tuas, ut occurrere anxietati vestræ libenter adierimus animum, & Nos ipsi quæstiones abs te propositas dirimendas constituerimus. Sic autem se habent.

I. Utrum quæ in antedictis Nostreis Litteris in forma Brevis de unica comestione, & de epulis non permiscendis præscribuntur, sub gravi etiam præcepto prohibeantur?

Respondemus: Concedentes facultatem vescendi carnibus tempore vetito, sub gravi teneri easdem facultates non aliter dare, quam geminis hisce adiectis conditionibus, videlicet unicæ in diem comestionis, & non permiscendarum epularum. Eos vero, qui hujusmodi facultatibus utuntur, sub gravi ad binas ipsas condiciones implendas obligari.

II. An ii, quibus concessum est vesci carnibus, possint in vespertina refectiuncula ea quantitate carnis vesci, quæ jejunantibus permittitur?

Respondemus: Non licere; sed opus habere, eo cibo, eaque uti portione, quibus utuntur homines jejunantes rectæ meticolosæ conscientiæ.

III. An qui jejunii tempore vesci carnibus permittuntur, & unica commestione uti debent, horam jejunantibus præscriptam servare opus habeant? Edicimus, observandam iis esse.

IV. Quænam sint epulæ licitæ, quæ vetantur cum interdictis conjungi?

Respondemus: Epulas licitas pro iis, quibus permissum est carnes comedere, esse carnes ipsas: epulas interdictas esse pisces, adeoque utrumque simul adhiberi non posse. Piscibus tamen edendis non interdiciuntur ii, quibus datur tantum facultas adhibendi ova, & lacticia.

V. An

V. An præceptum de utroque epularum genere non miscendo, dies quoque Dominicos Quadragesimales complectatur? Affirmatur complecti.

VI. Utrum hæc lex ad eos quoque pertineat, qui ex Bulla Cruciata edere possunt ova, & lacticina?

Rescribimus: Nihil in prænunciatis Nostris Apostolicis Litteris statutum esse, quod respiciat gratiosum Cruciata Diploma. Quare qui eo gaudent, illius tenorem stricte, & considerate perpendant, ex ejusque sententia se gerant. Caveant autem, ne inani quapiam excusatione se se solutos esse arbitrentur præscriptis ibi legibus.

VII. Utrum memorata duo præcepta urgeant extra Quadragesimam?

Respondetur: urgere extra Quadragesimam utrumque præceptum: illud scilicet unicæ comestionis cum reliquis legibus in secundo, & tertio ad hæc postulata responso expressis: & alterum non permiscendi epulas licitas cum interdictis, ut in quarto postulato definitum est.

Habeas, Venerabilis Frater, penitus explicatum quicquid apud Vos ex nostris sæpius nuncupatis Apostolicis Litteris dubitationem attulisse scribis. Qua quidem in re laudavimus consilium tuum interrogandæ supremæ Romanæ Sedis, ut libero, & non vacillanti gressu ad Oves sana doctrina imbuendas incedere Pastores queant: in istoque tuo suscepto consilio agnovimus Hispanam religionem, nihil sibi tutum, nisi e Divi Petri Cathedra acceptum, reputantem; qua splendidissima gloria tantum nomen, & incorruptæ Fidei fructum Hispania sibi peperit. Cavendum autem vobis est (idque plurimum ad te pertinet, qui illustris Archiepiscopi, & Inquisitoris geris præcipuum munus) ne in expendendis Apostolicæ Sedis Constitutionibus pro nimia exhaustiendi argumenti sollicitudine nullus fiat differendi, ambigendique modus. Sedula deinde opera conferenda, ut istiusmodi dubia, quæ facile, pro ingeniorum varietate, disputando emergunt, penitus inter vos

diri-

dirimantur, ne diuturna unquam disceptatione fluctuent animi, præsertim cum Constitutiones ipsæ Apostolicæ scopum, quo tendunt, aperte demostrent, & illuc prompte dirigi potest quicquid dubitando intertubare videatur. Id si animadvertissent qui de præsentī negotio plura dubitarunt, nodum sibi exsolvisent. Patebat enim, nihil aliud Nobis in animo fuisse, quam cohibere vivida nonnullorum Theologorum ingenia, qui nimium sacri jejunii fines prætergressi, & non parum obliti, illud ad retinendum in officio corpus divinitus institutum, hosti huic spiritus infensissimo blandiebantur. Statim siquidem comperissent quid in propositis quæstionibus constituendum esset, nec sibi molestiam exhibuissent, nec Nobis, quos gravissimæ undique circumstant curæ, non parum temporis occupassent, quod tamen pro singulari nostro in vestram gentem, studio, atque amore libenter impendimus ad rectum vobis iter monstrandum, in posterum simul præcavescentes, quomodo in hujusmodi quæstionibus firmare gressus vestros in promptu sit. Reliquum est, Ven. Frater, ut tibi, quod facimus ex animo, præcipuæ benevolentiae nostræ pignus Apostolicam benedictionem peramanter impertiamur.

Datum &c. 8. Julii 1744.

I N D E X CAPITULORUM.

C A P U T I.

Necessitas, ratioque scribendi.

Pag. 1.

C A P U T II.

P O S T U L A T U M I.

„ Utrum quæ in antedictis nostris Litteris *in forma Bre-*
„ *vis* de unica comestione, & de epulis non per-
„ miscendis præscribitur, *sub gravi* etiam prohi-
„ beantur. 5

§. I.

Momenta propositi Quæsti excitandi, solutionisque petendæ. 6

§. II.

R E S C R I P. P O N T I F.

„ Respondemus: Concedentes facultatem vescendi carnibus
„ tempore vetito, sub gravi teneri easdem facultates
„ non aliter dare, quam geminis hisce adjectis condi-
„ tionibus: videlicet unicæ in diem comestionis, &
„ non permiscendarum epularum. Eos vero, qui hu-
„ jusmodi facultatibus utuntur, sub gravi ad binas ipsas
„ conditiones implendas obligari. „

In recensito Pontificio Responso nihil novi oneris imponi-
tur, sed verus declaratur: idque præscribitur, quod
iustæ dispensationis Regulæ exigunt. 10

§. III.

I N D E X

§. III.

*Diluitur postremum argumentum §. I. propositum, atque evidenti-
us ostenditur, sub gravi culpa concessioni edendarum
carnium sacre inediae tempore adjiciendam esse limita-
tionem unice comestionis.* Pag. 19

§. IV.

*Peccant mortaliter, qui dispensati in esu carnum simul cum
carnibus pisces comedunt. Peccarent quoque, qui utra-
que has epulas licitas & illicitas permetterent. Idque
Patrum testimoniis, & rationum momentis evincitur.* 23

§. V.

*Decretorum Synodaliū Hispaniarum suffragio nostra sen-
tentia firmatur. Laxa, & festiva quorundam Casuista-
rum doctrina.* 34

§. VI.

C O N S E C T A R I U M I.

*In Pontificio Rescripto jure ac merito sub gravi praecipitur
secunda non permiscendarum epularum conditio. Scrupu-
losae objectiunculae exsufflantur. Nulla jam est adversae
opinionis Probabilitas.* 38

C A P U T III.

*Dispensationes hodiernae carnum edendarum sacro Quadrage-
simali tempore concessae, maxima in parte nullae sunt ob
defectum legitimae causae.* 43

§. I.

*Rationum momenta adversus hodiernas carnum edendarum in
Quadagesima concessiones. Medicorum, & Parochorum
facilitas criminosa.* 44

§. II.

I N D E X.

§. II.

Christianorum præjudicia. Edulia esurialia non sunt noxia, sed consentanea sanitati. Pag. 51

§. III.

Medicorum schedæ, Parochorum dispensationes communiter a culpa non eximunt dispensatos. 57

C A P U T I V.

P O S T U L A T U M II.

„ An ii, quibus concessum est vesci carnibus, possint in ves-
„ pertina refectiuncula ea quantitate carnis vesci, quæ
„ jejunantibus permittitur.

§. I.

Rationes excitandæ quæstiunculæ. 63

§. II.

R E S C R I P. P O N T I F.

„ Respondemus: non licere, sed opus habere, eo cibo, eaque
„ uti portione, quibus utuntur homines jejunantes re-
„ ctæ meticulosæ conscientiæ. „

Origo, & progressus vespertinæ collationis. 67

§. III.

Casuistarum placita super cibi quantitate sumenda in collatione vespertina. 71

§. IV.

Brevis animadversio in recensitas opiniones. 76

§. V.

R E S P O N S U M P O N T I F I C I U M

Excludens carnum esum a collatione vespertina invictis argumentis evincitur consentaneum tum antiquæ, tum ho-

*diernæ disciplinae. Nec ipsi laxiores Casuistæ repugnant,
immo communi assensione hoc idem docent, & potissimum
Theologi Hispani.* 78

§. VI.

R E S C R I P. P O N T I F.

„ Sed opus habere, eo cibo, eaque uti portione, quibus
utuntur homines jejunantes rectæ meticolosæ conscientiæ.
Qualitas & quantitas cibi sumendi in collatione vespertina. 88

C A P U T V.

P O S T U L A T U M III.

„ An qui jejunii tempore vesci carnibus permittitur, & uni-
„ ca comestione uti debent, horam jejunantibus præ-
„ scriptam servare opus habeant?

§. I.

*Rationes, quæ præfata quæstioni viam aperire fortasse potue-
runt.* 98

§. II.

R E S C R I P. P O N T I F.

„ Edicimus observandam iis esse „. *Hora solvendi jejunii
Ecclesiastici est præter propter meridiana.* 99

C A P U T VI.

P O S T U L A T U M IV.

„ Quanam sint epulæ licitæ, quæ vetantur cum interdictis
„ conjungi?

§. I.

Proponendæ quæstiunculæ momenta: 106

§. II.

§. II.

R E S C R I P. P O N T I F.

„ Respondemus: Epulas licitas pro iis, quibus permiffum est
 „ carnes comedere, effe carnes ipfas: Epulas interdictas
 „ effe pisces, adeoque utrumque fimul adhiberi non pos-
 „ fe. Piscibus tamen edendis non interdiciuntur ii, qui-
 „ bus datur tantum facultas adhibendi ova, & lacticia. „
*Quibus permiffa sunt jejunorum tempore lacticia, non pro-
 hibentur pisces. Rationes dubitandi resolvuntur.* 108

§. III.

R E S C R I P. P O N T I F.

„ Respondemus: Epulas licitas pro iis, quibus permiffum
 est carnes comedere, effe carnes ipfas. „
*Epulae licitae Dispensatis permiffae, sunt carnes salubres. Pec-
 cant qui quocumque carniū etiam insalubrium genere
 vescuntur.* III

C A P U T VII.

P O S T U L A T U M V.

„ An praeceptum de utroque epularum genere non miscendo
 „ dies quoque Dominicos Quadragesimales complectatur?
Affirmatur complecti.

§. I.

Dubitandi conjecturae indicantur. 117

§. II.

*Praeceptum de non permiscendis epulis jure complectitur dies
 Dominicos aequae ac ferias Quadragesimae.* 119

C A P U T VIII.

P O S T U L A T U M VI.

„ Utrum haec lex ad eos quoque pertineat, qui ex Bulla Cru-
 „ ciatae edere possunt ova & lacticia. „

I N D E X.

„ Rescribimus: Nihil in prænunciatis nostris Apostolicis Lit-
 „ teris statutum esse quod respiciat gratiosum Crucia-
 „ tæ Diploma. Quare qui eo gaudent illius tenorem
 „ **STRICTE**, & considerate perpendant, ex ejusque
 „ sententia se gerant. Caveant autem, ne inani qua-
 „ piam excufatione se se solutos esse arbitrentur præ-
 „ scriptis ibi legibus. „

§. U N I C U S.

Paucis Quæsitum & Rescriptum perstringuntur. 122

C A P U T IX.

P O S T U L A T U M VII.

„ Utrum memorata duo præcepta urgeant extra Quadrage-
 „ simam? „

§. I.

Dubitandi rationes. 126

§. II.

R E S C R I P. P O N T I F.

„ Respondetur: urgere extra Quadragesimam utrumque præ-
 „ ceptum, illud scilicet unicæ comestionis, cum reliquis
 „ legibus in secundo, & tertio ad hæc postulata respon-
 „ so expressis: & alterum non permiscendi epulas licitas
 „ cum interdictis, ut in quarto postulato definitum est. „
*In cæteris jejuniis ab Ecclesia extra Quadragesimam præscri-
 ptis observanda sunt duo præcepta: unicæ comestionis, &
 de non permiscendis utriusque generis epulis: quantitas
 & qualitas vespertinæ collationis quadragesimalis, hora-
 que meridiana.* 128

I N D E X.

C A P U T X.

R E S C R I P. P O N T I F.

„ Habeas, Venerabilis Frater, penitus explicatum quidquid
 „ apud vos ex nostris sæpius nuncupatis Apostolicis Lit-
 „ teris dubitationem attulisse scribis. Qua quidem in
 „ re laudavimus consilium tuum interrogandæ supremæ
 „ Romanæ Sedis, ut libero, & non vacillanti gressu ad
 „ oves sana doctrina imbuendas incedere Pastores queant,
 „ in istoque tuo suscepto consilio agnovimus Hispanam
 „ Religionem, nihil sibi tutum nisi e Divi Petri Cate-
 „ dra acceptum reputantem, qua splendissima gloria tan-
 „ tum nomen & incorruptæ fidei Hispania sibi peperit. „

*Obsequium Archiepiscopi in Apostolicam Sedem merito com-
 mendatur. Responsa Pontificia perspicua summæque Au-
 thoritatis. Docilitas tamen, & evangelica simplicitas
 necessaria. Adversæ Recentium Casuistarum opiniones
 nulla amplius fruuntur probabilitate. Quæ opponi solent,
 non esse videlicet eorum opiniones proscriptas, in ante-
 cessum refelluntur.*

131

C A P U T XI.

R E S C R I P. P O N T I F.

„ Cavendum tamen est, ne in expendendis Apostolicæ Sedis
 „ Constitutionibus pro nimia exhauriendi argumenti so-
 „ licitudine nullus fiat differendi, ambigendique mo-
 „ dus. Sedula deinde opera conferenda, ut istiusmodi
 „ dubia, quæ facile pro ingeniorum varietate disputan-
 „ do emergunt, penitus inter vos dirimantur, ne diu-
 „ turna unquam disceptatione fluctuent animi, præser-
 „ tim, cum constitutiones ipsæ Apostolicæ scopum, quo
 „ tendunt, aperte demostrent, & illuc prompte dirigi

„ po-

I N D E X.

„ potest quicquid dubitando interturbare videatur. Id
 „ si animadvertissent, qui de præsentî negotio plura
 „ dubitarunt, nodum sibi exolvissent. Patebat enim nihil
 „ aliud Nobis in animo fuisse, quam cohibere vivida
 „ nonnullorum Theologorum ingenia, qui nimium sacri
 „ jejunii fines prætergressi, & non parum obliti, illud
 „ ad retinendum in officio corpus Divinitus institutum,
 „ hosti huic spiritus infensissimo blandiebantur. Statim
 „ siquidem comperissent quid in propositis quæstionibus
 „ constituendum esset, nec sibi molestiam exhibuissent,
 „ nec Nobis, quos gravissimæ undique circumstant cu-
 „ ræ, non parum temporis occupassent &c. „

§. I.

*Documenta saluberrima in ultimo Rescripti Pontificii membro
 contento explicantur. Confectaria ex nimia de jejunio
 disputandi solitudine.* 141

§. II.

*Paralellus, in quo nonnullorum Recentium Theologorum opi-
 niones de jejunio cum Patrum Doctrina conferuntur.* 143

§. III.

*Recentiores non pauci absolunt fere omnes mulieres a jeju-
 nii lege.* 144

§. IV.

*Nonnulli Theologi Recentiores a jejunio absolunt circiter 50.
 hominum status, idest fere omnes.* 147

§. V.

*Adhortatio ad jejunium. Funesta Christianorum illusio, quod
 non distinguunt litteram legis jejunii ab ejusdem spiri-
 tu. Ab illa, non hoc, Ecclesia dispensare valet.* 153

A P P R O B A T I O

Illustrissimi, & Reverendissimi DD.

SILVESTRI EPISCOPI PORPHIRIENSIS

Et Sacrarii Apostolici Præfecti.

Vir Doctissimus P. Daniel Concina Ordinis Prædicatorum, quem alias Probabilistarum, quos dicunt, flagellum appellare consuevi, in Opere, quod novissime inscripsit &c. *In rescriptum Benedicti XIV. P. M. ad postulata septem Archiepiscopi Compostellæ Jejunii legem spectantia Commentarius &c.* tanta eruditionis copia, tanta ingenii vi propositum exequitur, & effrænes quorundam Recentiorum opiniones circa Dispensatorum Jejunium refellit, ut plane gaudendum sit, & D. O. M. gratiæ agendæ sint quam plurimæ, talem ævo nostro datum fuisse Pontificem Zelo, Integritate, Judicio, Doctrinaque Summum, qui puriorem eo in capite disciplinam, edita Lege, instauraret, & depravatis prædictorum Dispensatorum moribus tamdiu optatum modum imponeret.

Dabam pro Censura nuncupati Operis ex ædibus in Palatio Quirinali die
3. Decembris 1744.

*F. Silvester Episcopus Porphiriensis & Sacrarii
Apostolici Præfectus.*

NOI

NOI RIFORMATORI

Dello Studio di Padoa.

A Vendo veduto per la Fede di Revisione, ed Approvazione del P. *Fra Paolo Tommaso Manuelli Inquisitore di Venezia*, nel Libro Intitolato: *In Rescriptum Benedicti XIV. P. M. ad postulata &c. Theologicus Commentarius*, non v'essere cos' alcuna contro la Santa Fede Cattolica; e parimente per attestato del Segretario Nostro, niente contra Principi, e buoni costumi, concediamo Licenza a *Simone Occhi Stampatore in Venezia*, che possa essere stampato, osservando gli ordini in materia di Stampe, e presentando le solite copie alle pubbliche Librerie di Venezia, e di Padoa.

Data li 6. Marzo 1745.

(Gio: Pietro Pasqualigo Riformator,

(Gio: Emo Procurator Riformator,

(

Registrato in Libro a Carte 1. N. 1.

Adi 23. detto

Registrato nel Magist. Eccellentiss. degl' Esecutori contro la Bestemia.

Alvise Legrenzi Segretario,

Michel Angelo Marino Segretario,

COM

*Venerabilibus Fratribus Patriarchis, Primatibus, Metropolitanis,
Archiepiscopis, & Episcopis universis gratiam & communio-
nem Sedis Apostolicæ habentibus.*

B E N E D I C T U S

P A P A X I V.

VENERABILES FRATRES SALUTEM ET
APOSTOLICAM BENEDICTIONEM.

Non ambigimus, Venerabiles Fratres, quin universis Catholicæ Reli-
gionis cultoribus notum sit, a tota per Christianum Orbem Ecclesia
inter præcipua Orthodoxæ Disciplinæ capita perpetuo adnumeratum
retineri Quadragesimale jejunium, quod olim in Lege & Prophetis
primitus adumbratum, ipsius Domini nostri Jesu Christi exemplo ve-
luti consecratum, ab Apostolis traditum, a sacris Canonibus utique præscriptum,
& ab universali Ecclesia, ab ipso sui primordio retentum & observatum est. Hoc
nimirum, ut veteres tradidere Patres, nobis quotidie peccantibus communis pœ-
nitentiæ constituto remedio, per consortium Crucis Christi nos etiam aliquid in
eo, quod ipse propter nos præstitit, agimus; simulque ad recolenda sacratiora
Redemptionis nostræ mysteria, quæ per Dominicæ Passionis, ac Resurrectionis
memoriam, Quadragesimali potissimum tempore solemnitus celebrantur, purificatis
jejuniis corporibus & animis dignius paramur. Hoc veluti nostræ militiæ tessera
ab inimicis Crucis Christi secernimur, flagella Divinæ ultionis avertimus, & cœ-
lesti præsidio in dies adversus Principes tenebrarum munimur. Hoc despectui ha-
bito non contemnendum Divinæ gloriæ detrimentum, non leve Catholicæ Reli-
gioni dedecus, nec dubium animabus Christi fidelium periculum oboritur: nec
aliunde populis calamitates, rebusque publicis & privatis cladem exitiumque im-
portatum esse constat. Ab hac vero insita inhærentique in omnium Catholicorum
hominum animis de sacratissima Quadragesima, aliisque diebus jejuniis consecratis
persuasione & reverentia, quam aliena, quam discors, quam absorta sit hodierna
jejunantium consuetudo, quantum ab ipsa jejuniorum institutione, & servata sem-
per, ubique, & ab omnibus Disciplina quam longissime distet; Vos, Venerabiles
Fratres, qui populorum curæ vestræ commissorum mores, & usus probe nostis,
pro singulari sapientia vestra præ cæteris clarius intelligitis. Nos sane, quibus in
hac sublimi Apostolicæ procuratoris Specula constitutis undique gentium nuntii
afferuntur, lacrymis satis deplorare non possumus, augustissimam Quadragesimalis
jejunii observantiam ob nimiam nullis legitimis urgentibus causis; ubique indiscri-
minatim dispensandi facilitatem plane sublatam esse; ita ut Orthodoxæ quidem
Religionis cultores merito querantur; hæresum vero sectatores illudant & exul-
tent. Perniciosæ huic corruptelæ plurimorum insuper licentiam adjunctam esse
graviter dolemus; quæ usque adeo invaluit, ut nulla Apostolici Instituti sacratissi-
mæque præcepti habita ratione, jejuniorum tempore palam & impune ab iisdem
agitantur convivia, & epulæ interdictæ promiscue inferantur. Ea propter quemad-
modum quibus curis, sollicitudinibus, & angoribus urgeamur, cum Fraternitati-
bus Vestris communicamus; ita facere non possumus, quin pro injuncto Nobis
supremo Sacrosancti Apostolatus officio, & ardentissimum Fraternitatum Vestrarum

rum zelum ad opportunum hisce malis adhibendum remedium excitemus, & ad congruentes hujusmodi abusibus penitus extirpandis leges præscribendas meditemur. Interea, Venerabiles Fratres, gaudium & corona nostra, nobiscum confidentes, nihil Deo acceptius, nihil pastoralis ministerio nostro dignius, nihil gregibus curæ nostræ commissis utilius, quam ut verbo & exemplo præeuntes, Christi fideles ad tam salutarem Christianæ poenitentiae, & pietatis exercitationem alacrius suscipiendam, constantissimæ retinendam, & ea, qua instituta fuit, Disciplina peragendam vehementius inflammemus, omni opera, atque industria studeamus, ut fideles in conspectu Dei per austeriorem jejuniorum observantiam tales permaneant, quales in ipso Paschali festo dignum est inveniri. Debitum igitur Paternæ uniuscujusque Vestrum sedulitatis & caritatis officium jure postulat, ut omnibus notum faciatis & annuntietis, nemini quidem sine legitima causa, & de utriusque Medici consilio; multitudini vero, veluti populo, aut civitati, aut genti indiscriminatim integræ, nonnisi gravissima, & urgente necessitate, & in casibus per Sacra Canonum Statuta præscriptis cum debita Apostolicæ hujus Sanctæ Sedis reverentia a Quadragesimali jejunio dispensationem toties, quoties opus fuerit, concedendam, nec audacter fidenterque usurpandam, nec superbe & arroganter ab Ecclesia, sicut alicubi in more positum esse accepimus, esse postulandam. Gravissimam vero urgentemque necessitatem, etsi non est, cur Vobis explicemus; nolumus tamen Vos ignorare, cum hujusmodi necessitate & servandam esse potissimum unicam comestionem, sicut alias hic Romæ, ac Nos ipsi hoc anno urgentibus causis dispensantes, expresse præscripsimus, & licitas atque interdictas Epulas promiscue minime apponendas esse. Porro quemadmodum de ejusmodi Indulgentia tam caute impertienda, si secus fieret, Nos persuasum habemus, districtam supremo Divino Judici redditum iri rationem, ita conscientiam uniuscujusque Vestrum onerandam esse ducimus. Insimul Fraternitates Vestras rogamus, & in Domino exhortantes, obsecramus, ut populos, qui communem omnium Christi fidelium poenitentiam, ac disciplinam servare nequeant, commovere satagatis, ne per alia pietatis opera, ut sua cuique devotio suggeret, peccata sua expiare, & Deo satisfacere negligant; quinimo sanandis vulneribus, quibus humana infirmitas fauciatur, diligentem adhibere studeant curationem, & culpas de mundano pulvere contractas, dum casta jejunia decoquere non possunt, pia opera, orationum suffragia, & eleemosynæ munera redimant. Interim solatium & levamen non leve mœrori nostro a pastoralis vigilantia, & caritate vestra præstolantes, ac certo Nobis pollicentes; Apostolicam benedictionem cum uberi cœlestium charismatum copia conjunctam in eosdem populos vestros redundaturam, Vobis, Venerabiles Fratres, peramanter impertimur. Volumus autem, ut præsentium transumptis sive exemplis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus ubique fides adhibeatur, quæ præsentibus adhiberetur, & adhiberi posset, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die trigesima Mensis Maji millesimo septingentesimo quadragesimo primo Pontificatus nostri Anno primo.

D. Cardinalis Passioneus.

*Venerabilibus Fratribus Patriarchis, Primatibus, Metropolitanis,
Archiepiscopis, & Episcopis universis gratiam & commu-
nionem Sedis Apostolicæ habentibus.*

B E N E D I C T U S

P A P A X I V.

VENERABILES FRATRES SALUTEM ET
APOSTOLICAM BENEDICTIONEM.

IN suprema Universalis Ecclesiæ procuratione, meritis licet imparibus, per ineffabilem divinæ bonitatis abundantiam ut Orthodoxæ Fidei assertores, sic etiam Ecclesiasticæ Disciplinæ custodes ac vindices constituti, Quadragesimale præsertim Jejunium, quod *inter præcipua orthodoxæ Disciplinæ capita* semper & ubique ab ipso Ecclesiæ exordio numeratum esse nemo ex Catholicis inficiatur, *ab hodierna Jejunantium corruptela vindicare, & in pristinam,* quantum, benedicente Domino, fieri posset, *observantiam revocare cupientes,* per alias nostras in simili forma Brevis literas ad Fraternitates vestras die xxx. proxime elapsi mensis Maji currentis anni datas eximium Fraternitatum vestrarum zelum excitandum curavimus, ut adlaborare studeretur, ne hac in parte & optatum Apostolicæ nostræ sollicitudinis angoribus levamen, & salutare *abolendæ sacratissimi Jejunii corruptelæ* remedium deesset. Quoniam autem paternæ Pontificiæ caritatis, quæ novit imbecillitates infirmorum sustinere, atque etiam cum infirmantibus infirmari, non immemores, quemadmodum a Jejunio aliquando legitima causa, aut gravissima urgentique necessitate exigente dispensandum esse ex apostolica benignitate censuimus; *ita inter cetera præscripsimus Unicam Comestionem servandam,* & licitas atque interdictas Epulas minime esse apponendas. *Hinc factum esse accepimus, quod non desuerunt qui per humanas & hominibus a Christiana penitentia abhorrentibus dumtaxat dignas illationes sibi aliisque persuadeant,* Unicam potissimum Comestionem servari, atque Epulas licitas & interdictas minime apponi debere; cum multitudini quidem indiscriminatim ob urgentem gravissimamque necessitatem, non vero singulis ob legitimam causam & de utriusque Medici consilio dispensatur. *Quam sane persuasionem a sententia nostra alienam* ut ex omnium animis penitus evellamus, Nos quibuscumque quacumque occasione sive multitudinè indiscriminatim ob urgentem gravissimamque necessitatem, sive singulis ob legitimam causam & de utriusque Medici consilio, dummodo nulla certa & periculosa affectæ valetudinis ratio intercedat, & aliter fieri necessario exigat, in Quadragesimæ, aliisque anni Temporibus, & diebus, quibus carni, ovorum, & lacticiniorum usus est prohibitus, dispensari contigerit, ab omnibus omnino, nemine excepto, *Unicam Comestionem servandam,* & licitas atque interdictas Epulas minime esse apponendas tenore præsentium *declaramus & edicimus;* quemadmodum per singulas nostras in pari forma Brevis literas singulis utriusque sexus Christifidelibus ob corporis infirmitates, quibus obnoxii reperiuntur, in sacratissima Quadragesima aliisque Jejunio consecratis diebus vescendi prohibitis licentiam dantes, unicuique *expresse præscribimus atque præcipimus.* Ea propter Fraternitates vestras rogamus, atque in Domino obsecramus, ut populos vestræ curæ commissos ad tam opportunum sanandis vulneribus, quibus per humanam infirmita-

mitatem quisque fauciatur, sanctissimi Jejunii remedium alacriter adhibendum cohortantes, sedulo ac paterne moneatis, rem agi non quidem exiguam, sed longe gravissimam de observando sustinendoque Jejunio purificandis animis corporibusque salutari. In spem igitur illos erigite coelestium præmiorum, quibus assequendis non sunt condignæ passionis hujus temporis; imo leve ac momentaneum non tribulationis, sed modicæ abstinentiæ nostræ incommodum magnum gloriæ pondus operatur in Coelis. Ab omnibus se abstinent, qui in agone contendunt, ut corruptibilem coronam accipiant; pudeat tam imbelles ac delicatos christianæ militiæ milites refugientes a consortio Crucis Christi, qui coronam legitime certantibus propositam sperare præcipit incorruptam; ad cujus auspiciū & pignus Fraternitatibus vestris Apostolicam benedictionem iisdem etiam populis vestris nostro nomine impertiendam peramanter elargimur. Volumus autem, ut præsentium transumptis sive exemplis etiam impressis manu alicujus Notarii publici subscriptis, & Sigillo personæ in dignitate Ecclesiastica constitutæ munitis eadem prorsus ubique fides adhibeatur, quæ præsentibus adhiberetur, & adhiberi posset, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die vigesima secunda mensis Augusti millesimo septingentesimo quadragesimo primo Pontificatus Nostri Anno Secundo.

D. Cardinalis Passioneus.

Errata

Corrige

Pag. 14.	lin. 13.	viridis	vividis
15.	13.	jejunio	jejunio
41.	8.	Ratiunculas	Ratiunculæ
63.	13.	quantite.	quantitate.
81.	26.	quantitatis	qualitatis
88.	21.	collactione	collatione
91.	11.	graviarum	graviorum
98.	17.	propugnant	propugnat
99.	ultima	; ideoque	, ideo
100.	5.	post illorum adde	ciborum
101.	31.	Antiprobabilistæ	Probabilistæ
126.	12.	Dubitanti	Dubitandi
134.	17.	sententiæ	sententias

COMMENTARIUS THEOLOGICO-MORALIS IN RESCRIPTUM PONTIFICIUM BENEDICTI XIV.

FEL. REGNANTIS

AD

Postulata septem Archiepiscopi Compostellæ

SUPER

Nonnullis difficultatibus legem jejunii spectantibus.

CAPUT PRIMUM.

Necessitas, ratioque scribendi.

I.



ETIAM ne de jejunio Disputatio, post duo Pontificia Diplomata edita anno 1741. Non Ambigimus, & In Suprema: post commentarios in eadem evulgatos: post demum omnium Catholicæ Ecclesiæ Episcoporum Edicta ad ejusdem jejunii observationem, & cultum iustaurandum, promovendumque

lata? An tempestate nostra cum Magno Basilio canere non licet? Nec ulla est insula, nec ulla terra continens, non civitas, non gens ulla, non extremus Mundi angulus, ubi non sit auditum jejunii Edictum. Quin, & exercitus, & viatores, & nautæ, & negotiatores omnes pariter audiunt Edictum, & sum-

A

mo

mo gaudio excipiunt. Orat. 2. Quid itaque iterum de jejunio disputando, plus molestiæ auribus exhibes nostris, quam patiatur jejunando palatum? Æquissimæ quærimoniæ, meritæque censuræ, si voluntatis, non necessitatis sermo esset. Jurassem ipse, nunquam me in posterum de jejunio verba facturum post duo edita hocce de argumento scripta. At sic erat in fatis, ut denuo vel invitus hanc susciperem provinciam. Parendum enim fuit quibus & religio, & vota, & grati animi leges jubent. Quare spero fore, ut & benevolos objurgatores placare, & invidos vituperatores refellere valeam, ut alteros reprehendisse pœniteat, alteri se didicisse gaudeant.

II. Et primum, ut ab indicatis censuris hancce opellam vindicem meam, scribendi necessitas, occasioque patefacienda. Evulgatis præfatis Apostolicis Litteris, contraria super earundem intelligentia prodire interpretamenta, in insigni Hispaniarum Compostellana Diœcesi, orta dissidia, institutæ disputationes. Has tanti fecit prudentissimus, atque illustrissimus Archipræsul Compostellæ, ut expediens minime judicaverit, eas ipse componere solus; sed, ut in gravioris momenti controversiis consuetudo semper obtinuit, ad Apostolicam Sedem supremum veritatis Tribunal causam detulit, & Postulata septem Sanctissimo Pontifici BENEDICTO XIV. dirimenda subiecit. Deliberationem obsequii, & maturitatis plenissimam ratam, probatamque habuit Pontifex Summus, qui in suo Rescripto & præstantissimi Archiepiscopi, & universæ inclytæ Hispanæ gentis pietatem, zelum, & Religionem, secundum Deum, erga Divi Petri Cathedram commendavit his verbis: *Qua quidem in re laudavimus consilium tuum interrogandæ Supremæ Romanæ Sedis, ut libero & non vacillanti gressu ad oves sana doctrina imbuendas incedere Pastores queant, in istoque tuo suscepto Consilio agnovimus Hispanam Religionem nihil sibi tutum, nisi e Divi Petri Cathedra acceptum reputantem; qua splendidissima gloria tantum nomen, & incorruptæ fidei fructum Hispania sibi peperit. Si magnum est a magno viro laudari, gloriæ, & ornamento vertere sibi jure valet Archi-*

chipræsul Compostellanus, & generosa Hispana Natio splendidissimum elogium a Sapientissimo Pontifice impertitum.

III. Ad Postulata quod attinet, quamquam Pontifex Maximus immensa negotiorum mole pene obrutus, atque inter sævissimas universæ Europæ ad sui internecionem conspirantis procellas Petri navim dirigere occupatus, non propterea illa dissimulavit, sed singulis singula Responsa luculentissima præbuit. Heinc habes non levem, sed gravem, & illustratione dignam esse causam, quam orandam suscipio. At, inquires, si perspicua sunt, atque comperta Pontificia responsa, interprete non egent; & auctoritate summa cum polleant, rationibus firmari haud postulant. Impleri exacta observantia debent, minime in examen vocari. Bene habet. Verum S. Petrus ipse *epist. 1. cap. 3. v. 15.* jubet: *Parati semper ad satisfactionem omni poscenti vos rationem de ea, quæ in vobis est, spe.* Quem textum hoc pacto exponit S. Thomas in commentariis in hanc Epistolam. *Omni poscenti vos, sive fidei, sive infidei, poscenti scilicet ad dicendum, non calumniandum rationem reddere debemus, ut quærentibus rectas causas spei, & fidei intimemus.*

IV. Duo Interpretum genera distinguas, oportet. Unum eorum, qui legis fundamenta exponunt, ut ejusdem observantiam promoveant, atque inculcent. Alterum illorum, qui verba legis aucupantur, ut legem circumveniant, & seipso, cæterosque a legis onere eximant. Casus, distinctiunculas, quæstiones excitant, disputant, rixantur. Et omnia eo pertinent, ut lex tandem in nihilum occidat. Exempla pervia occurrunt in hac ipsa causa. Primum Diploma *Non Ambigimus* suapte natura perspicuum, exploratumque est, ut ipsi palam fecimus in opere inscripto *la Disciplina Antica, e Moderna &c.* Nihilo secius alterum edere opus fuit inscriptum *In Suprema* ad captiosa labefactanda commenta. Post hæc omnia, en septem excitatæ super utrisque Apostolicis Litteris quæstiones, quæ & Illustrissimo Archiepiscopo molestiam exhibuere, & Pontifici summo gravissimis distento curis non parum temporis surripuerunt.

V. Nec mireris super apertissimis Litteris Apostolicis lites, & controversias excitatas esse. Quoniam nulla lex fuit unquam, eritque in posterum, adeo perspicua, & manifesta, quam in contentions certamen adducere acuta hominum ingenia nequeant. Legislatores quippe communem subditorum felicitatem spectat, eaque præcipit, aut vetat, quæ communiter contingunt. Casus omnes peculiare nemo, quamvis sapientissimus prævidere, & dirimere in antecessum valet. Quid, quod si occurrere omnibus disputationibus vellent, non Constitutiones, aut Bullas, vel Litteras, sed ingentia volumina edere Pontifices, & Legislatores deberent. Et tum confusionem majorem, atque incredibilem inveherent. Nam si brevis, & clara constitutio viridis ingenii vitilitigandi, & contendendi occasio est; quem vastum, interminatumque disputandi campum non aperirent prolixæ, & pluribus distinctionibus, & casibus involutæ leges? Quare sapientissime S. Thomas docet, haud expedire, ut Legislatores, etiam si posset, omnes casus exprimeret. *Dicendum, quod nullius hominis sapientia tanta est, ut possit omnes singulares casus excogitare: & ideo non potest sufficienter per verba sua exprimere ea, quæ conveniunt ad finem intentum: & si posset legislator omnes casus considerare, non oporteret, ut omnes exprimeret, propter confusionem vitandam; sed legem ferre deberet secundum ea, quæ in pluribus accidunt.* 1.2. q. 96. a. 6 Regulam prudentis, & sinceræ interpretationis ibidem Angelicus ex S. Hilario subministrat. Spiritum legis, & scopum, quo potissimum lex spectat, diligentissime considerandum admonet, & nos infra ostendemus. Si quis verborum apices perscrutari velit, neglecto legis spiritu & fine, nullus erit contentions modus. *Intelligentia dictorum ex causis est assumenda dicendi; quia non sermoni res, sed rei debet esse sermo subiectus. Ergo magis est attendendum ad causam, quæ movit legislatorem, quam ad ipsa verba legis.* Sed de his plura sub finem commentarioli nostri, ubi palam fiet, simplicitatem, atque docilitatem necessariam esse ad veram legis intelligentiam assequendam. Vix de lege controversantur, qui sincero im-

plen-

plendæ legis desiderio flagrant. Sed ii acriter de lege disputant, & innumeras super legitimo legis sensu sophisticas argutationes, & difficultates movent, quibus legis solvere pensum displicet. Hi cum cavillari verba legis nequeunt, legislatoris intentionem & finem in discrimen adducunt, & ad sua interpretamenta detorquere omnia student. Si quid ergo fastidii, si quid molestiæ tibi allatura sit hæc repetita de jejunio disputatio, id non in præclarissimum Archiepiscopum Compostellanum, qui, ut contentionibus finem imponeret, supremum adiit Tribunal: non in me, omnia alia præter sermonem de jejunio cogitantem, regeras velim; sed in illos dumtaxat, qui has quæstiones suscitaverunt, atque ad easdem refellendas coegerunt.

VI. Paucis consilium meum habeto. Tametsi Pontificia Responsa clara, pervia, atque evidentia sint, tamen si ex præteritis ominari futura licet, non deerunt qui aut nimii rigoris eadem causentur, aut veluti arbitraria traducant. Quapropter operæ pretium me facturum existimavi, si inconcussa, quibus vertuntur, fundamenta manifestavero. Illuc omnis mea tendet oratio, ut evincam talia Pontificem Summum propositis sibi quæsitis præbuisse responsa, qualia & legis natura, & justæ dispensationis regulæ necessario postulabant. Nil novi oneris Pontifex in suis responsis præscribit, sed id declarat, quod sacræ inediæ, temperantiæ, & sobrietatis leges præcipiunt. Hæc de genere universo: mox sigillatim omnia expendam.

C A P U T II.

„ Utrum quæ in antedictis nostris Litteris *in forma Brevis*
„ de unica comestione, & de epulis non permiscendis
„ præscribuntur, *sub gravi* etiam prohibeantur.

I. **O**Rdo in hoc nostro commentario servandus ejusmodi erit. Antequam Pontificium Rescriptum exponam, rationes, quæ quæstiunculis excitandis occasionem, quatenus

nus conſicere mihi licuit, dedere, in medium afferam. Poſt, Reſponſa Pontificia adjiciam, & quam firmis, atque inconcuſſis ſint nixa momentis, palam fiet. Hac via non auctoritate modo, verum etiam rationum vi, lectorum mentes in obſequium ſubigam veritatis. Rem ipſam ingredior.

§. I.

Momenta propoſiti Quæſiti excitandi, ſolutioniſque petendæ.

II. **D**UO in *Quæſito* propoſito reſolvenda. Alterum, ſitne unica comeſtura cum eſu carnum conjungenda ſub gravi præcepto in litteris Apoſtolicis præſcripta? Alterum, prohibeatur ne ſub gravi itidem præcepto cum illicitis epulas permiscere licitas? Momenta de his duobus controverſandi ſunt, niſi conjectura aberrem, quæ ſequuntur.

III. Et ad primum quod attinet, nonnullis minorum gentium Auctoribus, recentibuſque Scriptoribus viſum eſt, carnum eſum cum jejunii lege ſociari minime poſſe. Jejunium enim, inquiunt illi, conflatum quoddam metaphyſicum eſt, ſeu *ens individuum*. Ergo potiori ſublata parte, tota corruat jejunii natura oportet. Potior autem pars, ſeu forma ſubſtantialis jejunii, abſtinentia a carnibus eſt. Ergo uſu carnum conceſſo, tota aufertur jejunii eſſentia. Nequeunt itaque Superiores unum ſine altero concedere; quoniam haud eſt in eorundem poteſtate rerum permutare naturas. Hac munitus ratione P. Andreas Mendo contendit, Gregorium XIII. in privilegio carnum edendarum Hiſpanis conceſſo, non juſſiſſe unicam ſervandam comeſturam, quod, aut jejunii naturam permutaſſet, aut novam jejunii formam invexiſſet. Hæc ſunt recentis Theologi verba. Pontifex in præſenti non inſtituit de novo aliquam jejunii eſſentiam: alioquin vel mutaſſet ejuſmodi eſſentiam, cujus conſtitutivum eſt abſtinentia a carnibus, ut diximus cap. I. vel auxiſſet formam jejunii, duplicem conſtituendo: aliam quæ adhuc erat, aliam quam denuo

in.

instituit, primam immutatam relinquens: utrumque autem est absonum, & non auditum. Disput. 17. cap. 2. n. 11. Hæc est prima, & unica ratio ab intimis rei principiis arcessita.

IV. Accedit, quod si Superior ab esurialibus escis dispensans, præciperet unicam Refectionem, nihil jejunii imponeret. Hoc quippe jejunii nomen toti, non parti convenit. Ergo prostrato toto composito, unica pars totius nomen subire minime valet. Numquid dempta anima rationali, hominem appellabis cadaver?

V. Postremam disputandi rationem ab ipsis Litteris Apostolicis repetere student. Tametsi, inquiunt, concedatur, posse Pontificem esum carnum impertiri, præscripta jejunii forma, id tamen minime præcepit **BENEDICTUS XIV.** in suis Apostolicis Litteris. Idque hoc pacto evincunt. In primo Diplomate Pontificio inscripto: *Non Ambigimus*, verba non habentur, quæ præceptum prodant. Minime quippe hæc leguntur: *Jubemus, præcipimus, imperamus. Teneantur omnes. Obligentur omnes. Prohibemus. Nemini liceat, & id genus similia.* Accedit, quod etiam si in secundo Diplomate Apostolico verbum *præcipimus* occurrat, non propterea infertur edici præceptum: aut si præceptum præscribatur, non continuo colligitur, illud sub gravi culpa onus imponere, ut docent Juniores non pauci. Unius, præcæteris, rescribere verba sufficiat, nempe P. Thomæ Tamburini inquiringis Meth. Commun. cap. 4. num. 49. & 50.

„ Doctores quærunť universaliter, an verba imperativi Mo-

„ di, & in actu exercito præceptum indicantia, absolute

„ prolata præceptum contineant, qualia sunt: *Facite. Sol-*

„ *vite. Abstineant omnes. Nemo audeat,* & his æquipollen-

„ tia. Et primo sunt alii, qui putant *Probabiliter* hæc ne-

„ quaquam continere præceptum, sed *consilium* . . . Alii

„ secundo *probabiliter* censent quidem præceptum contineri,

„ *sed solum sub veniali, non autem sub mortali.* Alii deni-

„ que tertio *Probabiliter* dicunt prædicta imperativa verba,

„ tunc solum præcepta indicare *sub mortali* quando sunt in

„ materia gravi . . . Si sequamur *primam* opinionem, non

„ in-

inveniemus, nisi consilium Si sequamur *Secundam*, non erit obligatio, nisi sub veniali. Si sequamur *tertiam*, non erit mortale, quia, ut probabimus, materia in casu nostro non est gravis.

Secundo. In casu dubio, an verba aliqua legis præceptum obligans importent, an consilium; tanquam Regulam certam ponunt Doctores reputanda esse consilia, & non præcepta : & ratio est, quia cum lex sit gravis, & onerosa, semper in benigniorem partem est interpretanda. Adde, quod in dubio melior est conditio possidentis. Ergo in dubio, lex ne sit obligans, aut non obligans, melior erit conditio humanæ libertatis.

VI. Paucioribus verbis rem totam dirimunt alii inquiennes : præceptum de quo in utramque partem disputant Theologi, non est præceptum. Disputatur autem, utrum præfata Pontificia Diplomata sub gravi noxa unicam comesturam imponant : & quidem adeo acris arsit contentio, ut Archiepiscopus Compostellanus coactus fuerit ad Supremum Tribunal litem deferre, judiciumque implorare. Nullum ergo præceptum est, lex nulla. Lex enim dubia non est lex. Dubia vero est, dum in controversiam a Theologis vocatur.

VII. Non minori contentionis æstu disputant Casuistæ super secunda *quæsitæ* parte, de permiscendis cum vetitis licitis epulis. Negantem sententiam tenuisse Navarrum adfirmant P. Vincentius Filliucius, Trullenchus, Fagundez, Villalobos, Diana. *Sed male omnes*, inquit P. Leander a Sanctissimo Sacramento *tract. 5. disp. 2. q. 29.* Nec falso id asserit Leander, nam reapse Navarrus hanc quæstionem non versat *tom. 1. Consil. 5 n. 2.*

VIII. Adfirmantem sententiam de jejunantium escis cum carnibus, jejunii tempore conjungendis propugnant Filliucius *tract. 27. p. 2. cap. 3 num 55.* Fagundez *lib. 1. de 4. præcept. Eccles. cap. 2.* Reginaldus *lib. 4. cap. 14.* Azorius *lib. 7. cap. 10. q. 5.* Diana *tom. 4. tract. 6. Res. 77.* Trullenchus *lib. 3. in Decal. cap. 2. dub. 2.* Villalobos *tract. 23. diff. 8.* & alii, quos allegat

gat *Leander*. Sed minus exacte, nam aliqui, ut *Azorius*, lacticiniorum tantum cibum cum piscibus permisceri licite posse asserunt.

IX. Sed rationem audiamus, qua Recentes isti Theologi sacrae abstinentiae tempore utrasque epulas licitas, vetitasque manducari indiscriminatum posse contendunt. Ne iisdem imponere videar, verba transcribo ejusdem *Leandri loco cit.* inquentis., Sed tanquam *mibi certum* respondeo, posse :
,, quia qui dispensat, ut quis possit in diebus prohibitis co-
,, medere carnes, nullo modo prohibet, ne simul cum illis
,, comedat pisces : ergo cum alias horum comestio sit lici-
,, ta, in ipsismet diebus, in quibus prohibentur carnes, li-
,, cite poterit carnes, & pisces simul comedere, si alias ex
,, comestione piscium non proveniat comedenti aliquod dam-
,, num.,

X. Limitatio isthæc minime arridet P. Thomæ Tamburino. Piscium epulæ noceant comedenti. Quid heinc? In temperantiam is, secus in jejunii legem peccabit. Sic ille scribit *lib. 4. in Decalog. cap. 5. num. 6.* „ Quarto dispen-
,, fatus ad carnes, potest simul comedere pisces, quia nul-
,, la lex adest, quæ hæc simul comedere prohibeat. *Quod*
,, si saluti noceant, fiet quidem contra temperantiam, non
,, vero contra legem Ecclesiasticam jejunii.,

XI. Hæc sunt rationum momenta, quæ suadere videntur, nec unicam comesturam sub mortifera noxa præcipi iis, qui carnibus ex dispensatione vescuntur; nec graviter epularum permixtionem interdici.

§. II.

R E S C R I P T. P O N T I F.

„ Respondemus : concedentes facultatē vescendi carnibus
 „ tempore vetito, sub gravi teneri easdem facultates non
 „ aliter dare, quam geminis hisce adjectis conditionibus :
 „ videlicet unicæ in diem comestionis, & non permiscen-
 „ darum epularum. Eos vero, qui hujusmodi facultati-
 „ bus utuntur, sub gravi ad binas ipsas conditiones im-
 „ plendas obligari „.

*In recensito Pontificio responso nihil novi oneris imponitur, sed
 vetus declaratur : idque præscribitur, quod justæ
 dispensationis Regulæ necessario exigunt.*

XII. **P**ontificium Responsum adeo planum est, atque ex-
 ploratum, ut nulla valeat vel sophistica arguta-
 tione eludi. Bene habet, inquit, fortasse non pauci. At
 pro supremæ voluntatis arbitrio potestatem impertiendi eden-
 darum carniū licentiam coarctat, angustisque terminis cir-
 cumscribit. *Novum jus* condit, novumque onus hominum hu-
 meris imponit. Parendum est Legislatori quia jubet, non
 quod ipsius dispensationis natura id postulet, exigatque.

XIII. Commenta isthæc extremam legislatori invidiam
 conflant, tetricæ severitatis notam illi inurunt, subditorum
 affectum in eundem extenuant, legemque ipsam despicabi-
 lem efficiunt. Pugnant enim mutuo lex, & libertas. Quam-
 obrem nihil intentatum homines negligunt, ut vel legis ju-
 gum excutiant, vel in Legislatoris nimiam severitatem il-
 lud regerant. Clementia, mansuetudo, benignitas sunt, in-
 quunt, characteres optimi Legislatoris, nullaque re Deo,
 cujus vices gerit, propius accedit, quam lenitate, miseri-
 cordia, atque benignitate in aptandis suis hominum imbecil-
 litati mandatis. Anticipationes istæ in causa nostra ex illa
 opi-

opinionem, quam §. I. descripsi, ortum ducunt. Adeo siquidem illa inveteraverat, ante duo Regnantis Pontificis BENEDICTI XIV. Diplomata, inscripta *Non Ambigimus*, & *In Suprema*, ut pro lege eam haberent benignioris ethices assertores, & vindices, quemadmodum eorum libri testes sunt. Porro, ne se errasse sincere fateantur, novum jus conditum adfirmant. Quod quam sit falsum continuo evincam.

XIV. Eo itaque cum primis tendit oratio nostra, ut palam faciam, Regnantem Pontificem BENEDICTUM XIV. in hoc suo *Rescripto* vetus explicasse, minime novum condidisse jus. Declaravit id, quod & legis vis, & justæ dispensationis natura postulant. Ante hoc Rescriptum tenebantur concedentes facultatem vescendi carnibus præfatas duas condiciones apponere. Si ignorantia & bona fides a crimine excusare tum poterint negligentes, cæteri viderint. Nulla revera nunc opitulatur ignoratio. Hæc ego evincenda suscipio, & nisi me omnia fallunt, evidenter. Quod ut facilius præstem, altius arcessenda sunt & legum, & dispensationum principia.

XV. Legis finis commune subditorum bonum est. Huc lex omnis pertinet, ut communem felicitatem promoveat. Interdum tamen accidit, ut bono communi expediat legem ipsam non observari. Hæc est doctrina S. Thomæ 1.2. q.96. a.4. *Omnis Lex ordinatur ad communem hominum salutem. Contingit autem multoties, quod aliquid observari communi saluti est utile, & in pluribus: quod tamen in aliquibus casibus est maxime nocivum Unde si emergat casus, in quo observatio talis legis sit damnosa communi saluti, non est observanda.* Quemadmodum lex, ita & legis relaxatio seu dispensatio bonum commune spectat. Quoniam vita, & sanitas subditorum boni communis naturam ingrediuntur. Sublatis quippe subditis concidit omnis lex. Quoties legis observatio manifeste opposita bono communi est, seu quando subditis graviter noxia est, reipsa cessat, quia necessitas legem non habet. Contra, dum oppositio legis ad bonum commune, &

exemptio subditi a lege dubia sunt, tum Superioris est sententiam ferre, dubitationes dirimere, & dispensationis privilegium impertiri. Judicium istud adeo est arduum, ut Evangelista Lucas exclamet c. 12. *Quis putas est fidelis dispensator, quem constituit Dominus super familiam suam?* Hinc Doctor Angelicus colligit, graviter Superiorem delinquere, qui in dispensatione concedenda, aut bonum commune, quod est justæ dispensationis regula & mensura, non respicit, aut hanc doctrinam, sine qua munus dispensationis exercere juste nequit, ignorat. Quisque enim, quæ sui status sunt, & officii scire debet. (*Si autem* (subdit S. Thomas 1. 2. q. 97. a. 4.) *absque hac ratione pro sola voluntate licentiam tribuat, non erit fidelis in dispensatione, aut erit imprudens: infidelis quidem si non habet intentionem ad bonum commune: imprudens autem si rationem dispensandi ignoret.* Tanti hanc doctrinam Angelicus facit, quo iterum ibidem ad primum Superiores admonet, ut semper in dispensatione quaque præ oculis habeant boni communis incrementum. *Quando cum aliquo dispensatur, ut legem communem non servet, non debet fieri in præjudicium boni communis, sed ea intentione, ut bonum commune proficiat.*

XVI. Concinnunt Angelico Patres omnes, qui argumentum istud versarunt. S. Bernardus præ cæteris illud exponit, manifestamque in relaxanda lege boni communis compensationem requirit. Sic enim scribit lib. de Præcept. dispensat. cap. 2. *Sed non omnibus in hujusmodi credita est dispensatio, nisi in his dumtaxat, qui cum Apostolis dicere possunt: Sic nos existimet homo, ut Ministros Christi, & Dispensatores Mysteriorum Dei. Novit autem fidelis servus, & prudens, quem constituit Dominus super familiam suam, ibi tantum usurpare dispensationem, unde bonam habere possit compensationem. Hoc quippe quæritur inter Dispensatores, ut fidelis quis inveniatur.* Neque doctrinam hanc, ut concludit sub ejusdem capitis finem, solus ipse invexit, sed a prioribus Patribus haustam in nos derivavit. Numquid autem hoc ego, vel solus sentio, vel primus dico? An non hoc ipsum & Papa Gelasius

latus sensit? Ait siquidem: ubi necessitas non est, inconvertibilia maneant Patrum Sanctorum decreta. Leo quippe Papa: Ubi, inquit, necessitas non est, nullo modo Sanctorum Patrum statuta violentur. En infert: Ubi ergo necessitas fuerit ad utilitatem Ecclesiae, qui potestatem habet ea dispenset. Ex necessitate enim fit mutatio legis.

XVII. Innumeros alios Sanctorum Patrum textus huc adferre possem: sed ut prolixitatem declinem unicum sacrosanctae Tridentinae Synodi testimonium, quod omnibus praevalet, transcribo ex sess. 25. de Refor. cap. 18. *Sicut publice expedit legis vinculum quandoque relaxari, ut plenius evenientibus casibus, & necessitatibus pro communi utilitate satisfiat: Si frequentius legem solvere, exemploque potius, quam certo personarum, rerumque delectu, petentibus indulgere, nil aliud est, quam unicuique ad leges transgrediendas aditum aperire. Quapropter sciant universi, sacratissimos Canones exacte ab omnibus & quoad fieri poterit indistincte observari. Quod si urgens, iustaque ratio, & major quandoque utilitas postulaverit, cum aliquibus dispensandum esse, id, causa cognita, ac SUMMA MATURITATE, atque gratis a quibuscumque, ad quos dispensatio pertinebit, erit praestandum; aliterque dispensatio subreptitia censeatur.*

XVIII. Prosper Fagnanus Doctissimus Canonista, & Disciplinae cum Ecclesiasticae, tum Monasticae praefervidus vindex testatur *Cap. Nimis. de fil. Presbyt.* Omnium Conciliorum, Canonistarumque auctoritate ad justam licitamque dispensationem, causam praerequiri magnam, urgentem, maximam. *Causa in dispensatione debet esse magna, seu quod idem est, major, maxima, iusta, evidens, urgens, & his consimilis Alioquin si huiusmodi causa desit, non est dispensatio, sed dissipatio.* Disputant Theologi, & Canonistae, queat ne Pontifex ipse, ceu Supremus Legislator, a legibus Ecclesiasticis cum aliquibus dispensare omni sublata rationabili causa. Et tamen super dispensationis valore dissideant, convenit tamen penes illos, eundem absque causa dispensantem peccare, illicitamque dispensationem ejusmodi fore.

fore. Dispensationes vero ab inferioribus Papa, absque iusta causa concessas, & illicitas, & nullas esse ajunt omnes. Quæ omnia confirmantur auctoritate Sapientissimi Pontificis feliciter Regnantis, qui in suo primo Diplomate *Non Ambigimus* hanc præscribit clausulam. *Nemini quidem sine legitima causa, & de utriusque Medici consilio &c.*

XIX. Heinc colligas velim tria. Alterum, quo majoris momenti lex est, eo graviolem pro illius relaxatione causam necessariam esse. Alterum, jejunii legem gravissimam esse, utpote jure naturali, Divino, & Ecclesiastico, vario respectu habito, præscriptam, ut docet S. Thomas 2. 2. q. 147. a. 3. *Unusquisque autem ex naturali ratione tenetur tantum jejuniis uti, quantum sibi necessarium est ad prædicta. Et ideo jejunium in communi cadit sub præcepto legis naturæ. Sed determinatio temporis, & modi jejunandi, secundum convenientiam, & utilitatem populi Christiani, cadit sub præcepto juris positivi, quod est a Prælati Ecclesiæ institutum: & hoc est jejunium Ecclesiæ: aliud verò est naturæ.* Hæc generalis jejunii, ab ipsa lege naturæ præscripti, notio, cilicia, flagellationes, & quodcumque opus exterius corpus affligens, carnisque petulantiam cohibens, complectitur. Si plura cupis, consule opus nostrum inscriptum. *La Disciplina Antica, e Moderna della Romana Chiesa intorno al Saggio Diggiuno Quaresimale cap. 3.* ubi fuse punctum istud dispexi. Tertium atque potissimum ejusmodi est. Non plus oneris a lege præscripti remittendum est, quam necessitas illius, cum quo dispensandum est, exigit, nimirum aut in totum, aut in partem. Si necessitas talis fuerit, ut subditus omnino a tota lege eximatur, absoluta dispensatio impertienda est. Si lex dividua fuerit, & subditus non egeat tota exemptione, pars oneris remittenda erit, ut mox evidenter ostendam.

XX. Prejacta hac inconcussa doctrina, quæ Sillogismi nostri primam veluti propositionem format, ad secundam nunc evincendam accedo: nullam scilicet occurrere necessitatem, nullam urgere rationabilem causam, cur concedentes esum car-

carnium, sacrae inediae tempore, impertiri quoque duplicis comesturae privilegium debeant. Quam propositionem, ut evincam, pauca perstringere cogor ex iis, quae fusiore calamo explicui in libro inscripto, *La Quaresima Appellante*. Illud verò in antecessum admoneo, quod ibidem dictum est, sermonem nunc esse de carniū esu, permissō Christianis illis, quibus piscium escā incommodant, aut qui eorūdem & lacticiniorum caritate laborant: secus de infirmis, & debilibus, qui aequē repetita refectiōe, ac selectioribus epulis recreari indigent. Absolutam, & illimitatam dispensationem istis esse impertiendam fatentur omnes. His delibatis, propositionem meam evinco.

XXI. Verbum *jejunio* non edere significat. Prima ergo jejunii notio abstinentia a cibo est. Quoniam vero vitam agere absque esu homo nequit, iccirco tum in veteri, tum in novo fœdere, unicum in die esum jejunantibus lex praecipit. Hæc unica comestura duo præstat, nimirum vitam alit, & carnis rebellionem coercet, ut docet Angelicus 2. 2. q. 147. a. 6. *Jejunium ab Ecclesia instituitur ad concupiscentiam refrænandam, ita tamen quod natura salvetur. Ad hoc autem sufficere videtur unica comestio, per quam homo potest & naturæ satisfacere, & tamen concupiscentiæ aliquid detrahit, diminuendo comestionum vices. Et ideo Ecclesiæ moderatione statutum est, ut semel in die a jejunantibus comedatur. Huic unicæ comestioni adjectus est ciborum delectus, seu abstinentia a carnibus. Harum ergo duarum partium, quibus constat jejunium, potior est unica comestio, posterior vero carniū privatio. Quamobrem Cajetanus inquit 2. 2. q. 147. a. 7. Quoniam jejunium Novi Testamenti ex abstinentia carniū, & unica comestione constat tanquam ex partibus substantialibus, ita quod unica comestio est ESSENTIALIOR jejunio, utpote a principio jejunii instituta in Veteri Testamento. Sententiam hanc evidenter, ut ego quidem arbitror, demonstravi, citato opere *La Quaresima Appellante*. Si plura cupis, illud consule. Ergo, hac admissa sententia, omnium Theologorum consensu, grave peccatum peccat, qui*

qui esum carniū permittens, eo ipso iteratam comesturam impertit. Quis Theologorum unquam asseruit, concessionem minoris majorem quoque partem secum trahere? Ciborum delectus minor est jejunii pars, ut probatum est. Ergo istius concessio nullo modo infert potioris partis permissionem, nisi peculiaris ratio infirmitatis urgeat, quemadmodum non urgere in nostro casu convenit penes omnes.

XXII. Non arridet laudata sententia? Esto. Ordinem inverte. Fac carniū esum principem in jejunio partem esse: posteriorem unicam comestionem. Quid inde? Non ne penes Catholicos omnes certum est, jejunium Romanæ Ecclesiæ duo complecti præcepta, quorum alterum iteratam comesturam, alterum carnes vetat? Præcepta hæc utpote humana, liberaque auctoritate invecta, separabilia sunt, nemine refragante. Quo inconcusso principio posito, sic arguo. Dispensatio quæque, ut licita sit, & valida, ex justa, & rationabili causa concedi, communeque spectare bonum debet. Incommodum quod cibi quadragesimales stomacho inferunt, sufficiens dispensandi a carnibus causa est. Ut vero alterum unius comesturæ mandatum relaxetur, quænam causa? Christianus carniū esu ob stomachi defectu indigens, sanus est, atque robustus. Quid ergo causæ occurrit, cur licite cum eodem super unica refectiōe dispensari queat? Alter Christianus ejusdem sanitatis, qui esuriales comedit escas, semel in die reficitur. Ille vero selectioribus epulis recreatus, esusiterabit? Præcepta, ut dixi, separabilia sunt, unumque sine altero consistere valet. Ergo graviter delinquit Superior, sui que ministerii prævaricator efficitur, cum alterum præceptum unius refectiōis relaxat, cujus relaxandi causa occurrit nulla.

XXIII. Major, inquis, pars minorem absorbet. Abstinētia a carnibus major est jejunii pars ergo: hac sublata, necessario aufertur altera unius comestionis. Doctrina hæc proscripta ab Innocentio XI. est in hac propositione 54. *Qui non potest recitare Matutinum, & Laudes, potest autem reliquas horas, ad nihil tenetur, quia major pars trahit ad se minorem.* Quo-

ties ratio damnatae thesis militat pro altera consimili thesi, hæc in illa damnata intelligitur. Eadem est utriusque propositionis Divini Officii, & Ecclesiastici jejunii ratio. Ergo utraque damnata. Eandem esse rationis, ut ajunt, identitatem patet. Quin validior respectu jejunii ratio urget. Unicum quippe præceptum est canonicas horas præscribens. At quia hæc distinctæ sunt, & in qualibet illarum finis elucet præcepti; idcirco proscripta doctrina est illorum Theologorum, qui contendebant horarum Canonicarum pensum individuum esse, majoremque partem absorbere minorem. At duo, ut minus sunt, omnium consensu, jejunii præcepta, quorum alterum unicum esum præcipit, alterum carnes vetat. In utralibet parte præcepti finis, qui conflictatio carnis est, consistit. Quis enim Catholicorum ibit inficias, abstinentiam a duplici comestura partem esse exterioris pœnitentiæ? Quin si hæc duo comparentur, magis prohibitio iteratae refectionis, quam interdictio carnum gulam torquet, & concupiscentiæ rebellionem comprimit. Plus itaque Ecclesiasticum jejunium, quam Divinum Officium dividuum est. Ergo vi justii ratiocinii in proscripta horarum Canonicarum doctrina, proscripta est hæc altera, quæ docet, dispensationem a carnibus secum trahere dispensationem ab unica comestione. Evidens igitur est gravi scelere inquinari eum, qui a præcepto unicæ comestionis Christianos absolvit, non alia ductus ratione, nisi, quod facultatem carnum edendarum impertiit.

XXIV. Heinc profligata omnino remanet prima ratio supra §. i. relata, quæ excitandæ quæstioni, sedemque Apostolicam pro ejusdem solutione adeundi causam dedit. Quid enim sensui communi repugnantius, quam individuum asserere jejunii naturam, illamque metaphysico composito assimilare? Istius partes non aliena voluntate, sed natura sua junctæ sunt. Jejunium totum morale est pluribus conflatum partibus, pluribusque præscriptum mandatis reapse disjunctis. Nonne juvenes a carnibus abstinent, & ad vigesimum primum annum usque duplicato pastu reficiuntur? Nonne Quadragesimales dies Dominici a jejunio, secus ab abstinentia soluti sunt? Dierum

Sacrorum observatio duo complectitur. Ab opere servili abstinentia, & Sacrosancto Missæ Sacrificio adesse. Nonne frequentissime, unum sine altero consistit? Nonne Theologi omnes adfirmant, graviter Superiorem peccare, qui Christianum absolveret ab onere audiendi Sacrum, quia illi facultatem indulget, ut opera agere servilia queat? Qui ære gravatus alieno centum solvere nequit, valet autem quinquaginta: numquid non tenetur solvere partem, quia non valet totum? Nonne infidelitatis, & injustitiæ argueretur villicus, qui debitores dispensaret a solutione dimidii debiti, propterea quod impotentes sunt ad integram solutionem? Infidi ergo Sacrorum Canonum custodes, Divinique Ministerii prævaricatores habendi sunt Superiores illi, qui exigere a subditis negligunt unius præcepti debitum pensum, quod duo præcepta observare isti nequeant.

XXV. Tandem Responsum Pontificium BENEDICTI XIV. Antecessorum Pontificum, & Synodorum Decretis inhæret. Gregorius XIII. in Bulla Cruciatæ hæc præscribit. *Ita quod, qui carnes comederint, servata in cæteris jejunii Ecclesiastici forma, dicto jejunio satisfecisse censeantur.* De hoc Diplomate sermo redibit, dum sextum quæsitum exponam. Alexander VII. in privilegio Romanis concessio an. 1657. edendarum carniū, hac clausula limitat dispensationem. *Etiam si carnis usum concedat, neminem tamen a jejunii lege solvere intendit.* Sapiens æque ac pius Pontifex Clemens XI. in suo Edicto an. 1703. hæc adjecit. *Tenantur observare jejunii legem, cui devincti illi sunt, quibus ob justam causam permittitur, ut tempore quadragesimali carne salubri vescantur.* Decreta Synodalia prætereo, ne in re perspicua æquo prolixior sim. Illud dumtaxat addiderim, quod benignioris ethices cultoribus maximi erit ponderis, nimirum P. Claudium La Croix testari communiter Episcopos concedentes carniū cibum adjicere limitationem unicæ comestionis. *Hoc ipsum (inquit lib. 3. q. 140. n. 1269.) communiter declarant Episcopi dispensantes pro carnibus, se non aliter velle dispensare, quam relinquendo obligationem jejunii, quoad refe-*
ctionem

etionem unicam. Qui plura avet, adeat laudatos libros nostros *La Quaresima Appellante*, & *La Disciplina Antica, e Moderna* &c. Eorum, quæ itidem dicta sunt, isthuc transcribere nonnulla coactus fui necessitate ejusdem versandi argumenti cogente. Quod ideo repeto, ne me actum libere agere accusent morosi aliqui critici.

XXVI. Perpendas nunc obiter velim, quam prævalida sit secunda ratio §. I. indicata, videlicet, jejunium cum esu carnum conjunctum appellandum jejunium non esse. Nam jejunium vocant Pontifices Summi, & graviores Theologi. Quod si tu præceptum unicæ comestionis jejunium vocare recusas, nulla ego tibi intentabo litem. Illud dumtaxat jure postulo, ut exacte unicam comesturam serves, teque ab iterata abstineas. Hanc vero abstinenciam, quocumque malis nomine appella. Nec enim nomina, sed res nos sollicitos habent.

§. III.

Diluitur postremum argumentum §. I. propositum, atque evidentius ostenditur, sub gravi culpa concessionem edendarum carnum sacre inediae tempore adjiciendam esse limitationem unicæ comestionis.

XXVII. **P**riusquam argumento recta occurro illud clarius explico. Scimus, inquiunt, in utroque Diplomate BENEDICTI XIV. & præcipue in secundo unicam juberi comestionem. Hoc Lippis & tonsoribus compertum. Illud quod facessit negotium, & quod supremum adire Tribunal coegit, est, utrum hæc unica comestio *sub gravi culpa* præcipiatur? Aiebant alii, negabant cæteri, atque adeo dubia, & controversa res evasit. Porro *in casu dubio* (inquit P. Thomas Tamburinus *loc. cit.*) *an verba aliqua legis præceptum obligans importent, an consilium, tamquam REGULAM CERTAM ponunt Doctores, reputanda esse consilia, & non præcepta.* Lege integrum textum §. I. descriptum. Eam-

dem Doctrinam prius docuerat P. Thomas Sanchez *de Matrim. Disp. 41. n. 36. Quoties dubium est, an impositum sit præceptum naturale, Divinum, vel humanum de aliqua re, non obligari dubitantem, quia donec constet de præcepto, possidet voluntatis libertas. Et P. Antonius Terillus cum cæteris Probabilistis legem controversam, non esse legem pugnacissime defendit. de Regul. Mor. 1. p. q. 2. n. 45., & p. 2. q. 43. Tandem licet constet de præcepto, dubitari de obligatione potest sit ne gravis, an levis.*

XXVIII. Ut ab hoc ultimo, quod est potissimum controversiæ caput, orsa capiam. Duo sunt principia unde Theologi, & Canonistæ gravem legis obligationem colligunt. Alterum legislatoris voluntas: alterum materiæ præscriptæ magnitudo. Hæc duo principia mutuo sese juvant, unumque aliud infert. Materiæ gravitas ambiguam sæpe legislatoris voluntatem, claram efficit. Et voluntas legislatoris severioribus expressa formulis, materiæ gravitatem patefacit. Disputant Theologi, valeat ne legislator in materia gravi levem imponere obligationem, aut in materia undequaque levi graviter astringere? Ajunt isti, negant illi. Verum penes omnes convenit, in materia suapte natura gravi legislatorem gravem præscribere obligationem, nisi conceptis verbis oppositum exprimat. Quoniam legislatoris voluntas respondeat rei magnitudini fas est.

XXIX. Unica resectio est omnium assensione Theologorum pars substantialis sive magis sive minus præcipua Ecclesiastici jejunii. Nemo est Catholicorum, qui vel in dubium revocet, eos lethaliter peccare, qui jejunii tempore hanc iterant comestionem. De materiæ itaque gravitate nulla remanet ambigendi ratio. Materiæ magnitudini congruere legislatoris verba constat ex utroque Diplomate. In primo *Non Ambigimus* hæc habentur. *Nolumus autem vos ignorare, cum hujusmodi necessitate & servandam esse POTISSIMUM unicam comestionem, sicut alias hic Romæ: ac nos ipsi hoc anno urgentibus causis præscripsimus Porro quemadmodum de ejusmodi indulgentia tam caute impertienda, si secus fieret,*

nos persuasum habemus districtam Supremo Judici redditum iri rationem, ita conscientiam uniuscujusque vestrum onerandam esse ducimus. Quibus verbis significantius gravis exprimi obligatio poterat?

XXX. Verum nil tam perspicuum, apertumque est, quod novus opinandi modus adducere in controversiam non auit. Tot subtilia commenta adversus laudatum primum Diploma evulgata fuere, ut ad ea labefactanda secundum edere opus fuerit inscriptum *In Suprema*, in quo hæc habentur. *Hinc factum esse accepimus, quod non defuerunt, qui per humanas, & hominibus a Christiana pœnitentia abhorrentibus dumtaxat dignas illationes sibi, aliisque persuadeant &c.* Quibus interpretamentis indicatis, ut eadem ex hominum animis evellat, gravioribus utitur formulis. Sic enim pergit Pontifex Summus. *Quam sane persuasionem a sententia nostra alienam, ut ex omnium animis penitus evellamus, nos quibuscumque, quacumque occasione, sive multitudini indiscriminatim, ob urgentem, gravissimamque necessitatem, sive singulis ob legitimam causam, & de utriusque Medici consilio, dummodo nulla certa, & periculosa affectæ valetudinis ratio intercedat, & aliter fieri necessario exigat, in Quadragesimæ, aliisque anni temporibus, & diebus, quibus carniū, ovorum, & lacticiniorum esus est prohibitus, dispensari contingat, ab omnibus omnino, nemine excepto, Unicam comestionem servandam, & licitas, atque interdictas epulas minime esse aponendas, tenore præsentium declaramus, & edicimus.*

XXXI. Habemus ergo conditionem unicæ comesturæ non consilii esse, sed præcepti graviter obligantis. Neque gravis hæc obligatio nova est, sed ex ipsa jejunii Ecclesiastici justæ dispensationis natura ortum ducit. Summus Pontifex in hoc suo *Rescripto* declarat sub gravi culpa adjiciendam esse unicæ refectiois limitationem, quia ipsa materiæ gravitas, & licitæ dispensationis regulæ id exigunt. Quod evidentius confirmo. Ab integro, & amplius sæculo fervebat Theologos inter disputatio, utrum nec ne præceptum urgeret conjungendi cum carniū esu concesso ob evitandum

dum esurialium escarum grave incommodum, unicam refectiorem. Illi adfirmabant : isti negabant. Disputationis materia non erat consilium, sed præceptum graviter coarctans. Ergo Judex litem dirimens, & pro parte adfirmante sententiam rogans, non jus *novum* imponit, sed *vetus* declarat, docetque quid agere dispensatores debeant, ne legum dissipatores efficiantur.

XXXII. Quæ hæcenus dixi penitus profligant ea, quæ ex PP. Tamburino, Sanchez, & aliis objecta sunt. Et cum primis capitale illud principium, quod præceptum, de quo Probabiliter in utramque partem Theologi controversantur, desinat esse præceptum, falsum prorsus esse evincit Præstantissimus Archiepiscopus Compostellanus, evincunt cæteri Episcopi universæ Catholicæ Ecclesiæ, qui super controversiis gravioris momenti ad Sedem Apostolicam omnium Ecclesiarum Magistrum sententiam imploraturi accedunt. Si hi autumarent, præceptum in disputationem a Theologis vocatum, non esse præceptum, profecto nullam super eodem implorarent decisionem. Verum illi in Scripturis Sanctis instructi a præfata doctrina abhorrent. Perspectum quippe habent Domini mandatum *Deuteron. cap. 17.* latum, quo omnes subditi consulere in rebus dubiis Superiorem jubentur. Et hæc doctrina communis est penes omnes graviores Theologos, ut testatur doctissimus Inclitæ Soc. JESU Theologus Franciscus Suarez *lib. 6. de leg. cap. 8. n. 10.* *Dicendum est de casu dubio, in quo judicari non potest probabiliter, an casus comprehendatur sub legis obligatione, nec ne. In quo sententia communis est, recurrendum esse ad Superiorem, si fieri possit; vel si non possit, servandam esse legem. Ita D. Thomas, Corradus, Cajetanus &c. Quæ sententia per se evidens est in casu patiente moram, ut consulatur Princeps. Nam si in casu tantum formidoloso, & probabili hoc fieri debet, multo magis est in casu dubio.* Autoritas solius Suarez viri gravissimi, atque pii, ut ex ejus operibus constat, prævalet centum Terillis, aliisque oppositæ sententiæ Patronis.

XXXIII. Nulla ergo ad perfugium latebra superest. Regulæ

gulæ justæ dispensationis non plus relaxandum legis rigorem sinunt, quam necessitas postulat. Christianus firmæ valetudinis indigens ob piscium sive nauseam, sive penuriam, carniū esu, non eget iterato pastu. Qui ergo utrumque concedit, non fidelis dispensator, sed iniquus prævaricator; non custos, sed perditor legum est. Materia suapte natura gravis est: verba legis comperta atque luculenta. Omnia itaque concurrunt ad mortiferi criminis gravitatem manifestandam. Ergo Responsum Pontificium id tantum faciendum decernit, quod & legis, & justæ dispensationis natura necessario requirit. Siquidem tam lex, quam dispensatio bonum commune Reipublicæ Christianæ spectant. Numquid Sacræ abstinentiæ tempore bis in diem mensas opipare instruere, iterare pastus, carnesque sero, & mane comedere, Ecclesiæ Catholicæ commune bonum promovet, splendorem disciplinæ auget, pietatem ciet, fratresque ad ferendum pœnitentiæ jugum provocat? Verum de hoc mox plura.

§. IV.

Peccant mortaliter, qui dispensati in esu carniū simul cum carnibus pisces comedunt. Peccarent quoque, qui utrasque has epulas licitas & illicitas permetterent. Idque Patrum testimoniis, & rationum momentis evincitur.

XXXIV. **S**ecundam Postulati propositi partem examinandam suscipio. Quæstiunculam excitarunt Casuistæ Recentiores. Altum de eadem apud Patres, priscosque Theologos silentium. Non eo istorum tempore collapsa jejunii disciplina erat, ut ejusmodi opus esset disputationibus. Quoniam vero hodierna Christianorum jejunandi consuetudo adeo distat ab antiqua, ut vix veræ majorum nostrorum abstinentiæ imago appareat; heinc lata aperta via est, qua sanctiores jejunii Regulæ in sophistica discrimina revocantur, & illegitimis dispensationibus in nihilum fere rediguntur, ut amaris lacrymis deplorat ipse. Regnans Sanctiss.

etiffimus Pontifex BENEDICTUS XIV. in suo primo de hoc argumento Diplomate . *Quam aliena , quam discors , quam absona sit hodierna jejunantium consuetudo , quantum ab ipsa jejuniorum institutione , & servata semper ubique , & ab omnibus Disciplina quam longissime distet ; vos Venerabiles Fratres . . . pro singulari sapientia vestra præ cæteris clarius intelligitis .*

XXXV. Clamant Recentiorum Theologorum plures, Patrum testimoniis haud posse præsentium temporum casus dirimi. Quod partim verum, partim falsum est, ut *cap. i.* jam admonui. Verum est, quatenus nec antiquiorum Christianorum mores tam soluti erant, quo ea agerent, quæ nunc communi fere usu obtinent: nec Patres aut quæstiunculas movebant, ut Christianis ipsis aberrandi a vera disciplina authores forent: aut inflectere, & accomodare Christianorum moribus evangelicam legem subtiliter contenderent. Partim falsum est, quoniam sin minus expresse, & ut ajunt in terminis, resolvunt præsentis quæstiunculas, ea tamen principia ponunt, quæ quid consentaneum, vel oppositum legi atque Disciplinæ sit, palam faciunt. Quod ut evincam, Doctrinam Patrum huc adferam, ex qua evidenter, nisi nimius me amor fallit, inferre volo, mortiferam esse corruptelam illam permiscendi esuriales escas cum carnibus.

XXXVI. Tempore SS. Augustini, Hieronymi, Ambrosii, Leonis, aliorumque Patrum a pristino deferbuerat ardore exterioris pœnitentiæ consuetudo. Deliciis, & voluptatibus vel in ipsa Quadragesima fidelium plures indulgebant. At quas delicias, quas epulas damnabant Patres? Audi primum omnium magnum Parentem Augustinum *serm. 207. alias 71. de Diversis in Quadragesima 3.* hæc scribentem. *Cavendum est, ne mutes, non minuas voluptates. Videas enim quosdam pro usitato vino inusitados liquores exquirere, & aliorum expressione pomorum, quod ex uva sibi dene-gant, multo suavius compensare: cibos extra carnes multiplici varietate, ac jucunditate conquirere: & suavitates, quas*
alio

alio tempore consecrari pudet, huic tempori quasi opportune colligere: ut videlicet observatio Quadragesimæ, non sit veterum concupiscentiarum repressio, sed novarum deliciarum occasio. Hæc, Fratres, ne vobis persuasa subrepant, quanta potestis vigilantia, providete. Parsimonia jejuniis coniungatur. Sicut ventris castiganda saturitas, ita gulæ irritamenta cavenda sunt.

XXXVII. Similia scribit *serm. 210. de Divers. alias 74. cap. 8.* ubi quasi futurarum laxitatum augur, sic orditur.

„ Propter hominum errores, qui per vaniloquas seductiones, &
„ pravas consuetudines nobis molestam pro vobis curam infer-
„ re non cessant, tacere non possum. Sunt quidam observa-
„ tores Quadragesimæ deliciosi potius, quam Religiosi, ex-
„ quirentes novas suavitates magis, quam veteres concupi-
„ scentias castigantes, qui copiosis, pretiosisque apparatus
„ fructuum diversorum, quorumlibet obsoniorum varietates,
„ & sapes superare contendunt. Vasa in quibus coctæ sunt
„ carnes tanquam immunda formidant, & in sua carne ven-
„ tris, & gutturis luxuriam non formidant. Jejunant, non
„ ut solitam temperando minuant edacitatem, sed ut immo-
„ deratam differendo augeant aviditatem. Nam ubi tempus
„ reficiendi advenerit, opimis mensis tanquam pecora præse-
„ pibus irruunt: numerosioribus ferculis corda obruunt, ven-
„ tresque distendunt, artificiosis, & peregrinis condimento-
„ rum diversitatibus gulam, ne vel copia compescatur, ir-
„ ritant. Denique tantum capiunt manducando, quantum
„ digerere non sufficiant jejunando. Sunt etiam, qui vinum
„ ita non bibunt, ut aliorum expressione pomorum, *alios si-*
„ *bi liquores*, non salutis causa, sed jucunditatis exquirant:
„ tanquam non sit quadragesima piæ humilitatis observatio,
„ sed novæ voluptatis occasio. Quanto enim honestius si sto-
„ machi infirmitas aquam potare non tolerans, vino usitato,
„ & modico sustentetur, quam quærantur vina, quæ vinde-
„ miam nesciunt, quæ torcularia non noverunt, non ut po-
„ tius mundior eligatur, sed ut frugalior improbetur? *Quid*
„ *autem absurdius, quam tempore, quo caro arctius castiganda est,*

„ *tantas carni suavitates procurare , ut ipsa faucium concupi-*
 „ *scentia nolit quadragesimam præterire ? Quid inconvenientius,*
 „ *quam in diebus humilitatis , quando pauperum victus om-*
 „ *nibus imitandus est , ita vivere , ut si toto tempore sic*
 „ *vivatur , vix possit divitum patrimonia sustinere ? Cavete*
 „ *ista dilectissimi , cogitate , quod scriptum est : Post con-*
 „ *cupiscentias tuas non eas . Quod saluberrimum præceptum ,*
 „ *si omni tempore observandum est , quanto amplius his die-*
 „ *bus , quando ita turpe est , si cupiditas nostra ad inusitatas*
 „ *laxetur illecebras , ut merito culpetur , qui non restrinxerit*
 „ *usitatas , .*

XXXVIII. Item serm. 208. alias 72. de Diversis. *Ideoque cavendum est , ne pretiosas escas , vel pro aliis alias , veletiam pretiosiores sine carnibus animalium requiratis . Cum enim corpus castigatur , & servituti subjicitur , restringendæ sunt deliciae , non mutandæ . Quid enim interest , in quali cibo concupiscentia immoderata culpetur ? Non utique de solis carnibus , sed etiam de quibusdam pomis , & de agriculturæ alimentis Israelitarum concupiscentia divina voce damnata est . Et Esau non propter offam suillam , sed propter lenticulam defricatam sua primogenita perdidit .*

XXXIX. Antequam aliorum Patrum testimonia refero , ex hac S. Augustini doctrina hanc elicio adversus Recentiorum laxam sententiam argumentationem . Augustinus improbat vel ipsas esuriales epulas aut nimio studio conquistas , aut exquisitiori condimentorum artificio præparatas . Illorum detestatur superstitionem , qui a carnibus abstinentes vel ipsas , in quibus coquebantur , ollas formidabant . Interea vero esuriales escas , & majoris pretii , & difficilioris præparationis conquirebant . Quid , quod non selectiores pisces modo , sed etiam delicatiores terræ fructus improbat ? Respondeant nunc velim Recentiores Leander , Diana , Tamburinus , aliique multi . Si Augustinus vel licitas escas delicatiores damnat , probaret ne hodiernas catholicorum mensas carnum pisciumque dapibus extructas ? Si liquores ex domesticis terræ fructibus expressos detestatur , permetteret

ne peregrinum, seu indicum potum? Verum camarinam hanc ne moveamus, ut id quod est in manibus fortius urgeam. Paucis ergo Augustini doctrinam perstringo. Jejunium nostrum eo pertinet, ut carnem comprimat, concupiscentiam cohibeat, poenasque Divinae justitiae ob commissa crimina persolvat. Qui delicatioribus vescuntur epulis, tametsi esurialibus mutant, non minuunt voluptates: gulam non coercent, sed irritant: non spiritui concupiscentiam, sed concupiscentiae spiritum subigunt. Quid refert si ve carnibus, si ve terrae frugibus palatum demulceas, atque irrites? Iterum ergo ad respondendum Recentiores urgeo. Si esuriales Augustinus delicias damnat, approbabit ne esuriales simul & carnales? Numquid qui minora perhorrescit, graviora laudabit scelera? In promiscuum carniū, pisciumque esum non est S. Augustinus invectus, quod tam effrenis voluptatis libido suo tempore abstinentiae Christianae disciplinam non invaserat. Verum quantum haec escarum diversarum conjunctio christianorum jejunio repugnet, suis adversus exquisitiores esuriales epulas praefervidis invectivis palam facit. Evidens ergo est, atque ineluctabilis argumentatio nostra, videlicet Recentiorum opinionem de epulis licitis cum illicitis permiscendis, Augustini doctrinae hostiliter adversari.

XL. Augustino concinunt caeteri Patres. Una est omnium hoc de argumento doctrina. Hieronymus epist. ad Nepotian. *Sint tibi pura, casta, simplicia, moderata & non superstitiosa jejunia. Quid prodest oleo non vesci, & molestias quasdam, difficultatesque ciborum quærere, caricas, piper, nuces, palmarum fructus, similam, mel, pistacia? Tota hortorum cultura vexatur, ut cibario non vescamur pane: & dum delicias sectamur a Regno Caelorum retrahimur. Audio praeterea quosdam contra rerum, hominumque naturam, aquam non bibere, non vesci pane, sed sorbitiunculas delicatas, & contrita olera, baccarumque succum, non calice sorbere, sed concha. Proh pudor! Non erubescimus istiusmodi ineptiis, nec tædet superstitionis. Insuper etiam famam abstinentiae in deliciis quærimus. Fortissimum jejunium est aqua, & panis.* Fusius hoc argumentum versat lib. 2. ad-

versus Jovinianum Lutheranorum, & Calvinistarum præcur-
forem. Lege M. Basilium *de jejun. hom. 1. & 2.* Ambrosium
de jejunio, & Elia, Joannem Chrysostomum *hom. 8. in Gen.*
Leonem Magnum *ser. 41.*

XLI. Audio Recentiores Casuistas inclamantes, Patres con-
cionatoria eloquentia in noxas, vel leviores e suggestu decla-
masse, secus e cathedra præcisas definitasque rogasse senten-
tias. Abstinentiæ perfectionem & jejunii severitatem suase-
runt illi, promoveruntque : haudquaquam vero definierunt
quænam epularum permixtio mortifera sit, quænam innocens.
Hæc sunt consueta effugia, quibus eludere Patrum testimo-
nia non pauci adnituntur. Sed frustra. Non aliam Patres e
suggestu, aliam e cathedris tradidere Theologiam, qua &
fidei articulos, & morum præcepta fideles condocerent.
Porro nemo non videt, quam sit inepta, ut levissime dicam,
hæc illorum responsio, quam in publicum evulgare non ve-
rentur. Nobis tamen sat est Recentiores fateri, Patres San-
ctos oratorio sermone permixtas dictarum epularum illece-
bras reprobare. Idque nec in dubium revocare queunt, cum
apertissimi sint illorum textus.

XLII. Verum, ut ad incitas adversarios redigam rationum
aculeis urgere eosdem juvat. Quod ut fortius præstem, sophi-
sticis cavillationibus occurrere, in antecessum operæ pretium
existimo. De absoluta itaque utriusque generis epularum per-
mixtione nobis sermo est. A materiæ parvitate a casu aliquo
fortuito præscindimus. Disputationis sensus est, utrum abso-
lute feriis esurialibus mensas extruere piscium, carniunque
dapibus lethalis culpa sit. Et de hoc controversantur Recen-
tiores nostri. His positis, manus confero. Dispensatio volun-
tatis Dispensatoris confinia non transilit. Porro utriusque ge-
neris epularum usum concedere Dispensator non intendit :
mortiferus ergo est earumdem usus. Fallax est, inquiunt, ar-
gumentatio. Dispensator carniū esum concedit : nec pisces
vetat : Porro pisces sunt natura sua licitæ jejunantium escæ.
Ita ne vero? Valent ergo dispensati in esu carniū piscibus
vesci, quin incommodum patiantur. Immo hoc tantum in sen-
su

su P. Leander a Santissimo Sacramento cum suis Probabilistis hanc opinionem defendit. *Licite poterit, inquit, carnes, & pisces simul comedere, si alias ex comestione piscium non proveniat comedenti aliquod damnum. Tract. 5. Disput. 2. q. 29.* Si res ita se habeat. Ergo, fraude summa extorta dispensatio est. Ideo enim dispensantur, quia nocumentum ex esu piscium stomacho illatum pro dispensationis causa adducitur. Nullum nunc adesse stomachi damnum asserunt. Ergo dispensatio ex falsa causa concessa nulla est. Si nulla est dispensatio, carnum comestio mortifera est. Ergo & qui concedunt, & qui utuntur facultate utrasque epulas pertermiscendi graviter delinquunt.

XLIII. Falleris, reponit P. Leander *loc. cit.* cum cæteris suis Recentioribus, quorum hæc sunt verba ex ipso Leandro transcripta. *Si vero ei non nocent pisces, non peccat, nec ullam legem violat, quia utitur suo privilegio, & privilegium Principis valet quando solum suæ legi derogat, non juri divino, aut naturali.* Verba transcripsi, ne imposturæ suspicioni locus sit ullus. Incredibile enim est talia obtrudi a Theologis posse. Dispensatio hæc, non gratiosum Principis privilegium, sed juris communis, & quidem gravissimi, relaxatio est. Theologi omnes fatentur, Episcopos, Parochos, Prælatos, & Superiores quosque Papa inferiores, peccare mortaliter, si absque legitima causa a lege gravissima jejunii dispensant. Quis Casuistarum vel in dubium hanc revocare doctrinam ausus fuerit? Quid ergo Principis Privilegium obtrudunt? Quid nullam violari legem clamitant? Nulla est omnino dispensatio, dum esuriales cibi nullum damnum inferunt. Ergo peccant carnes cum piscibus comedentes. Nulla hic ad effugium rima. Nam vel nulla est carnum concessio, aut si valida est carnum permissio, mortifera est piscium comestio.

XLIV. Sed oppositum P. Tamburini responsum in examen veniat. *Quod si saluti noceant pisces, fiet quidem contra temperantiam, non vero contra legem Ecclesiasticam jejunii.* Hoc responsum prius dederant Azorius Pasqualigus, & Filiucius.

liucius. Quid heinc? Licita ne erit epularum permixtio, propterea quod peccatum est tantum contra temperantiam, secus contra jejunii legem? Si dixerimus ejusmodi distinctiunculis morum regulas eludi, & perverti, forte non abludemus a vero. Sermo in præsentia est, peccent ne ii, qui sacro abstinentiæ tempore epulis utriusque generis mensas extruunt. Quod porro peccatum istud sit contra temperantiam aliquo in casu, vel contra jejunii legem, quid amabo refert, si scopus spectetur disputationis? Accedit exploratum esse etiam hoc in casu legem jejunii violari. Nam dispensator si unum concedit, alterum negat, cum nequeat utrumque extremum simul impertiri. Si concedit carnes, pisces subtrahit: si pisces permittit, carnes negat, sic exigente justæ dispensationis natura. Quid, quod ita conceptis verbis decernit Summus Pontifex in Responso ad IV. quæsitum. *Respondemus, epulas licitas pro iis, quibus permissum est carnes comedere, esse carnes ipsas: epulas interdictas esse pisces, adeoque utrumque simul adhiberi non posse.* Quamquam, ad hoc quod attinet, longiorem contentionis funem ducere nolim; illud nobis fat est, Adversarios fateri criminofam graviter esse præfatam permixtionem. Nam, si pisces leviter nocent, dispensatio nulla est, utpote levi causa obtenta. Si grave incommodum pisces inferant, concessio carniū valida est, sed interdicti pisces remanent, quantum ad permixtionem præfatam.

XLV. Ultimum audiamus responsum. Esurialium ciborum continuus usus, inquiunt, & solus, stomachum interturbat, sanitatemque lædit, secus dum pisces una cum carnibus comeduntur. Hæc sunt verba P. Leandri voce aliorum Probabilistarum loquentis *loc. cit.* Ad hæc addunt alii, quod *pisces vere nocerent si continuo comederentur, aut si soli, quæ est justa causa ad dispensandum. Sed dum comeduntur simul cum carne, non nocent, quia caro supplet defectum nutrimenti, quod a piscibus haberi non potest.* Sic Filliucius, & Pasqualigus.

XLVI. In votis erat hoc responsum ad Ipocratis, Gale-
ni,

ni ; Plutarchi omniumque Medicorum Tribunal revocare. Omnes quippe , teste Paulo Zacchia celebri Medico Romano, docent cibum eo esse salubriorem, quo simpliciorum. Idque manifesta experientia palam est . Verum S. Doctor Hieronymus responsum istud ad arrham ipsius Epicuri advocat, ut illud refellat . Inquit ergo lib. 2. adversus Jovinianum: *Quidque mirandum sit, Epicurus voluptatis assertor omnes libros suos replevit holeribus, & pomis : & vilibus cibis esse vivendum, quia carnes, & exquisitæ epulæ ingenti cura, ac miseria præparentur, majoremque pœnam habeant in inquirendo, quam voluptatem in abutendo : Corpora autem nostra cibo tantum, & potu indigere. Ubi aqua & panis sit, & cætera his similia : ibi naturæ satisfactum. Quidquid supra fuerit, non ad vitæ necessitatem spectare, sed ad vitium voluptatis ... Dicæarcus in libris antiquitatum, & descriptione Græciæ refert, sub Saturno, idest aureo sæculo, nullum comedisse carnes, sed universos vixisse frugibus, & pomis, quæ sponte terra gignebat. Persarum Regis Cyri vitam Xenophon octo voluminibus explicat, polenta, & cardamo, & sale, ac pane cibario eos victitare. Lacædemoniorum mensæ frugalitatisque & superscriptus Xenophon, & Theophrastus, & omnes penes scriptores Græciæ testes sunt Hæc de argumentis Philosophorum, exemplisque differui : nunc ad exordium generis humani, idest ad nostra transiens docebo, primum Adam in Paradiso accepisse præceptum ut jejunaret Et tamen ejectus non protinus accepit licentiam carnum vescendarum ; sed tantum poma arborum, & fruges segetum, & herbarum olera ei traduntur in cibum.*

XLVII. Plura ibidem S. Hieronymus habet, quæ brevitate gratia prætereo. Nullus enim dubito, quin laudatum Recentiorum responsum omnibus, quibus Ecclesiasticæ disciplinæ decus cordi est, sit displiciturum. Ideone benigna Mater Ecclesia carnes in Quadragesima quibusdam concedit, ut una cum piscibus eadem ad majorem corporum voluptatem manducentur? Pisces permittuntur ad exacuendum palatum, ut juncti carnibus gulam suavius demulceant, ut
Chri.

Christiani lautius & opipare epulum celebrent? Huc spectat Sanctæ Matris intentio? Iste dispensationis & indulgentiæ finis? Helluonum, & Parasitorum loco habentur, qui vel extra Quadragesimam piscium carniūque epulis convivia parant. Et has blanditias, voluptates, comestationesque sacræ inedia diebus Recentiores nostri Christianis sua mirifica & retro sæculis inaudita benignitate concedunt? Est ne in universum Patrum choro quidpiam, quod tantæ faveat benignitati?

XLVIII. Verum, ut tantæ corruptelæ contagium penitus profligetur, lubet nonnulla alia ex Patribus afferre documenta. Sicut nec canis vicino lepori, nec ignis proximæ stipulæ, ita nec gula præsentibus escis parcat. Inexplebilis enim est gulæ aviditas, & dum carnibus vescitur piscium epulas, si adfuerint, hinc atque inde ligurire solet, occasione irritante. Quam occasionem, atque scandalum, ut tollerent Patres, constituerunt, ut qui carnes comedunt, separatim a communi domestica mensa refectionem capiant. S. Cæsarius Arelatensis sermone olim sub nomine Augustini 62. *de temp.* nunc in appendicem rejecto 142. hæc scribit. *Qui jejunare non prævalet, secretius sibi soli, aut si est alius infirmus cum ipso sibi in domo sua præparet quod accipiat: & illos, qui sani sunt, & jejunare prævalent, ad prandium non invitet; quia si hoc fecerit, non solum Deus, sed etiam homines intelligere possunt, illum, non pro infirmitate non posse, sed pro gula jejunare non velle. Cum solis infirmis tum in esu carniū dispensabatur. Concilium Tolosanum anno 1590. celebratum p. 2. cap. 13. Qui carnem prohibitis diebus ex licentia comedent, soli, ne ulli scandalo sint, locoque separato comedent. Et tandem S. Carolus Borromæus in Concilio Mediolanensi 2. p. 1. Decret. 20. hanc Regulam tradit. Quibus ob infirmam valetudinem, aut aliam justam causam, permissum erit Quadragesimæ diebus carne, aut aliis, eo tempore, vetitis cibis vesci: eos Parochi pie illud admoneant, ne publice, neve etiam cum domesticis, sed separatim in remotiori ædium loco ejus generis cibum capiant, ut ob corporis imbecillitatem, aut morbum potius, quo laborant, quam*
ob

ob ingluviem, facere cognoscantur. Non ideo hæc testimonia retuli, quasi essent ejus, quod evincendum proposui, decretoria argumenta: sed, ut omnibus compertum fieret, antiquos Christianos carnes jejuniorum tempore comedere solitos fuisse, quemadmodum eisdem vesci ægroti solent: videlicet, non quo epularum diversitate ingluviem foverent, sed ut infirmo corpori succurrerent.

XLIX. Tandem ad communem fidelium sensum, ad sacras Christianæ prudentiæ, pietatis, & æquitatis leges, li-tem hanc, si opus foret, appellarem. Quid? An non perhorrescit communis Christianorum sensus tantam in Quadragesima epularum diversitatem, tantumque in conviviiis luxum? Hæc ne æquitatis lex, ut ejusdem sanitatis Christiani, illi ob extortum privilegium opipare conviventur: isti esuriant, quia piscibus vescuntur? Ubi prudentiæ consilium, ubi catholicæ Disciplinæ decus, & amor? An non heinc Hæretici nostri contermini ansam Romanam calumniandi Ecclesiam arripiunt? Quin. An non tantus abusus justi scandali causam præbet & Catholicis, & paganis? Quod his voluptatum illecebris operam dent solutioris vitæ homines, non valde communi causæ nocet, sed solos helluones propriæ professionis violatores patefacit. At quod tantam corruptelam a Theologis Catholicis adprobari hæretici audiant; hoc est, quod ipsorum effusis sibilis Romanam Ecclesiam deridendam exponit. Ne multa. Dispensationes quæque, & misericordes Ecclesiæ indulgentiæ in fidelium ædificationem, non scandalum impertiuntur. Eo pertinent, ut succurrant indigentibus, non ut foveant voluptuosos. *Novit fidelis dispensator*, inquit Bernardus, *ibi tantum usurpare dispensationem, ubi bonam possit habere compensationem. Infidelis est*, subdit S. Thomas, *dispensator, si non habet intentionem ad bonum commune: imprudens autem, si rationem dispensandi ignorat*. Tandem Augustinus. *Quid inconvenientius, quam in diebus humilitatis, quando pauperum victus omnibus imitandus est, ita vivere, ut si toto tempore sic vivatur, vix possit divitum patrimonia sustinere*. Honestas ipsa sacrae abstinentiæ tot epu-
E la-

larum conjunctionem non recipit, aspernatur, repellit.

§. V.

Decretorum Synodaliū Hispaniarum suffragio nostra sententia firmatur. Laxa, & festiva quorundam Casuistarum Doctrina.

L. **S**YNODUS Hispalensis *tit. de fer. & observat. jejun. cap. 9.* sub excommunicationis pœna permisceri epulas e-furiales cum carnibus vetat, ut fatetur etiam P. Thomas Sanchez *lib. 5. consil. cap. 1. dub. 14. n. 6.* Hæc eadem permixtio sub anathemate vetatur in Diœcesibus Toletana, Abulensi, & aliis, ut fatentur Joannes Sanchez *inselec. Disp. 51. n. 20. & 21.* Leander a Santissimo Sacramento *tract. 5. Disp. 2. q. 30.* P. Antoninus *Diana Coord. Tom. 4. Resol. 77.* Quantum ex his Synodalibus Decretis nostræ sententiæ ponderis, & ornamentum accedat, nemo non videt. Quin & ipse Archiepiscopus Compostellanus gaudio sibi vertet, quod Diœcesanos suos, qui quæstiones super hac re excitarunt, valeat inclytæ suæ nationis exemplis & veluti domesticis documentis in ordinem redigere, & in ampla sua Diœcesi pœnitentiæ quadragesimalis cultum ferventius promovere.

LI. Sed utinam in omnibus Casuistis Hispanis idem sanioris ethices zelus, ac in ejusdem nationis Synodis arderet. Abundat dubio procul sicut in omni scientiarum genere (sit diverticuli loco dictum) ita etiam in sacra morum facultate sapientissimis viris acutissima Hispana gens. Testes hujus rei sunt Michael Elizalde, Tyrsus Gonzalez, Ignatius de Camargo, Thomas Munieffa omnes sapientissimi Jesuitæ. Polancus Minimus professione, sed sapientia, & pietate maximus. Joannes a S. Thoma Dominicanus vir sane præclarissimus, & inter Scholasticos nemini secundus, qui Christianam Doctrinam, præter ingentia volumina, edidit profunda, cœlestique sapientia refertam. Joannes Baptista de La Naza Dominicanus, qui

qui disciplinam jejunii Patrum doctrina exornavit. Bartholomeus de Martyribus Archiepiscopus Bracharensis Ecclesiasticæ Disciplinæ instaurator. Ludovicus Ganatensis Evangelicam morum doctrinam ad portentum exposuit. Eminentissimus Cardinalis de Aguirre Benedictinus, doctissimus unaque piissimus, qui lamentari solitus erat se tardius agnovisse, Christianam Theologiam e Patrum, Conciliorumque fontibus hauriendam esse, aridis nulliusque rei speculationibus, quæ semitheologorum deliciae sunt, de medio sublatis. Prætereo innumeros aliorum Ordinum præstantissimos viros de morum scientia optime meritos. Verum eadem sinceritate fatemur, præfatam Gentem suavioris ethices Casuistis redundare. Intellectus acumen, quo revera Hispani mirum in modum excellunt, occasionem puto fuisse aliquibus plus justo speculandi in morum Regulis. Petrum Godoy Ord. Præd. Episcopum doctissimum, atque Scholasticorum acutissimum, dixisse ferunt, noluisse quidquam in morum scientia scribere, quod scholasticis certaminibus innutritus verebatur, ne omnia in disputationem revocaret. Cujus regulæ veritas penes relatores sit. Interim ego ab opportuna digressionem in semitam rediens, quod proposui probare aggredior.

LII. Hispani itaque Casuistæ super laudatis Synodorum Decretis controversantur, sit ne peccatum mortale piscatum una cum carnibus manducare. Et primo ajunt, nil haberi criminis, si ad vellicandum palatum, ad exacuendum appetitum quidpiam piscium manducetur, quia hoc, inquiunt, naturæ jure permissum est. Secundo ajunt, peccare qui in præfatis Diocesis, in quibus lata excommunicatio est in edentes *piscatum*, & *carnes*, manducant pisces minus salubres, minusque selectos & delictos, seu sanitati incongruos. Quid si piscium esus leve afferret saluti incommodum? Levem tum culpam patrari subdunt. Quod acriter disputant est, peccent ne illi, qui ad satietatem edunt una cum carnibus pisces *selectos*, atque *suaves*? Hoc in casu nullum admitti grave crimen propugnant. Hui tantum imposturæ? Recte & bene. Incredibile quippe est tam peregrinum commentum. Idcirco transcribo

Testimonium P. Leandri a Santissimo Sacramento, sententiam Joannis Sanchez referentis tract. 5. Disp. 2. q. 30. his verbis. *Addit tamen Sancius non peccare mortaliter, nec incurre- re dictam excommunicationem illum, qui dictis diebus ad excitan- dum appetitum, ad cibum parum piscati sumeret, quia id con- cessum jure naturæ, contra quod prævalere nequit positivum. Papæ! Vellicare appetitum, exacuere palatum piscium esu, ut edacius sit ad convivandum, jus naturæ est, cui prævalere jus positivum nequit. Mirum, quod nec Ethnicorum nemo, nec vel ipsi Epicurei hoc jus exposuerint? Sed persequamur Leandri textum. Nec illum qui pisce suavi vulgo Trucha (italice Trota) vesceretur, etiam sine necessitate erigendi ap- petitum ad cibum, & in magna quantitate, QUIA ex esu il- lius nec salus, nec temperantia læditur. Hæc Sancius.*

LIII. Audistin? Licitum est edere una cum carnibus pisces, dummodo sint suaves, *Trucha, Truta*, quia tum nec salus læ- ditur, nec temperantia. P. Antoninus Diana hanc eandem sententiam Sanchez exponit Tom. 4. tract. 6. Res. 77. n. 4. his verbis. *Obiter inquiri, An dispensatus ad edendas carnes possit simul pisces comedere, si ab Episcopo fuerit hoc prohibi- tum sub pœna excommunicationis? Et affirmative respondet Sancius in select. disp. 51. Si causa excitandi appetitum comedas pisces non peccabis: Quia præceptum positivum abrogare non debet quod jure naturali debetur. Neque item, si comedas pi- sces SUAVES, ETIAM ABSQUE CAUSA, vel in ea quan- titate, quæ tuæ saluti non noceat. Quare, inquit prædictus Author, hoc præceptum violare tantum censeberis, quando pi- sces simul cum carnibus edes, quorum esus grave tuæ saluti nocumentum inferat.*

LIV. Peregre gie. Si cujusque culpæ expers est esus *Trutæ* quia suavis, actus virtutis, & quidem pœnitentiæ erit esus *Acipenseris* quia suavissimus. Dii meliora! Dum hæc legebam in mentem venit festiva altera doctrina, quæ vulgo circum- fertur de potu indico. Ajunt enim, hunc suavissimum potum jejunium Ecclesiasticum haud frangere, si exquisitæ sit bonita- tis: tum autem illud graviter violare, si inferioris sit qualita- tis,

tis, quod corporis sanitati noceat. Tantum præjudicatæ opinioniones possunt, ut per derisionem fere de jejunio disputetur. Et sunt qui invidentiæ, charitatisque læsioni vertunt, dum opinioniones ejusmodi sibilandas propinari inaudiunt. Nec est quod sancte jures, non ob alium id præstari finem, quam quod via hæc aptior sit & ad confutationem, & ad fideles erroribus subtrahendos. Obstantur illi in Casuistarum defensione, & quamvis benignissimi, nec tantillum commoventur, dum vident sanctiores Christianæ Disciplinæ Regulas, & Conciliorum Decreta deridiculariis commentis contemni, atque adeo populi Christiani salutem periclitari?

LV. Si vel ipsa luculenta, & explorata Synodorum, & Episcoporum Decreta, quæ conceptis verbis excommunicationis mucrone jugulum petunt: & commessatores piscium & carnum jejunii tempore a Christi fidelium cœtu segregant: si hæc inquam Decreta, paucis distinctiunculis, vanisque commentis nauci faciunt, collige quæso, quis sit illorum Mercurius. Quæ lex, quod præceptum vel apertissimum ab istorum interpretamentis immune erit? Decreta Synodalia sub excommunicatione epularum permixtionem vetant. Et acuti juniores respondent, hæc sacra Decreta tum habere locum, cum pisces viliores sint, minusque faucibus jucundi: secus si fuerint suaves, ut *Trucha*? Eo ergo Apostolica Episcoporum & Synodorum sollicitudo pertinet, ut corporibus saginandis, faucibusque demulcendis congruas escas præscribant sub anathemate? Prohibent Episcopi & Synodi esuriales escas viliores, minusque voluptarias, quæve corpora affligant, appetitiones cohibeant, viresque, sanitatemque extenuent: minime vero suaves, delicatasque *Trutas*, *Cyprinos*, *Rhombos*, *Acipenser*es? Excommunicationis fulmine ne opus erat, ut ad tam egregia facinora erigerentur fideles? Nec solus Sanchez laudatam opinionem defendit. Ipse P. Leander, quamvis sub initium responsionis a Sanchez recedere videatur, continuo tamen subdit., Dum, modo id faciat sine necessitate: & ita in magna quantitate, ut salus, & temperantia graviter lædatur: alias mini-

„ *me*. Ratio est. Quia ad incurrendam excommunicationem
 „ majorem, necessum est, ut quis prius incurrat peccatum
 „ mortale : ergo, ut quis incurrat excommunicationem la-
 „ tam contra comedentes carnes, & piscatum simul in præ-
 „ assignatis diebus, *necessum erit, ut ita abundanter comedat, ut*
 „ *graviter periclitetur salus comedentis, & temperantia : & i-*
 „ *deo graviter ex hoc capite peccet. Ergo si secus faciat, nec*
 „ *peccabit mortaliter, nec incurret consequenter latam excommu-*
 „ *nicationem.* Dispendium operæ facerem si tempus tererem
 in commentis tam peregrinis, & a Christianæ poenitentiae re-
 gulis tam absonis. Quis enim Catholicorum instructione eget,
 aut stimulis, ut talia detestetur paradoxa?

§. VI.

CONSECTARIUM PRIMUM.

*In Pontificio Rescripto jure ac merito sub gravi præcipitur secun-
 da non permiscendarum epularum conditio. Scrupulosæ obie-
 ctiunculæ exsufflantur. Nulla jam est adversæ opinionis Pro-
 babilitas.*

LVI. **E**X iis, quæ dicta sunt hætenus, illud evidenter
 colligitur, ideo Summum Pontificem feliciter Re-
 gnantem BENEDICTUM XIV. servandas præscripsisse præ-
 fatas duas conditiones, & unicæ comesturæ, & non per-
 miscendarum epularum, quod & lex jejunii, & justæ Di-
 spensationis regulæ easdem exigunt. Primam conditionem
 sub mortali & præscribendam, & servandam esse supra
 ostensum est. Paucis nunc palam faciam, sub gravi quoque
 culpa hanc posteriorem exequendam esse. Duo, ut diximus,
 sunt principia, unde gravis obligatio legis eruitur. Materiæ
 magnitudo, & voluntas Præcipientis: quæ duo sese mutuo
 roborantur, & alterum alterum infert. Absolute tamen men-
 sura majoris, aut minoris obligationis & materiæ gravitas
 est, cui voluntas Legislatoris respondeat fas est. Epula-
 rum

rum permixtio jejunii tempore suapte natura gravitatem prodit. Nam omnium sententia carnum esus mortalis est, nisi dispensatio accedat. Si escæ esuriales sanitatem non lædunt, nec grave incommodum stomacho inferunt, Dispensatio nulla est, quoniam ob falsam causam extorta. Nec leve incommodum, seu levis causa sat est, ut lex gravissima jejunii relaxetur. Justa enim Dispensatio boni communis compensationem ferre secum debet, ut Bernardus, & Thomas docent. Contra si graviter corporis sanitatem piscium cibus lædit, grave peccatum patrare eum, qui præfato cibo vescitur, convenit penes omnes. Ergo evidens est, hanc quoque posteriorem conditionem sub gravi culpa a Medicis, Parochis, cæterisque Superioribus præscribendam, fervendamque sub eadem culpa a Christianis esse. Heinc est, quod *hanc permixtionem* laudatæ Synodi, & Episcopi Hispaniarum excommunicationis pœnam tulerunt in eos, qui jejunii tempore ejusmodi diversas epulas permiscerent. Accedit scandalum tum Catholicorum, tum hæreticorum, quod familia convivia pariunt.

LVII. Peccabit ne peccatum grave, inquires, qui dispensatus in esu carnum aliquid esurialium escarum comedet? Tantum ne facilitatis in multiplicandis mortiferis culpis? Quid si ciborum appetitio deperdita sit? Peccabit ne mortaliter qui ad excitandam edendi cupiditatem aliquid quadragesimalis edulii sumpserit? Si adfirmes, scrupulorum aculeis vel ipsos moratos Christianos torques. Si neges, non ergo mortifera est eduliorum permixtio.

LVIII. Lemures ejusmodi sunt, & nugæ jam sub ipsius disputationis initium exsufflatæ. Morum Regulæ, quæ proxim dirigunt, plura complectuntur. In istarum executione, & observantia, æquitas, bona fides, & prudentia requiruntur. Mensas absolute, & indiscriminatim extruere licitis, interdictisque epulis, sacræ abstinentiæ diebus, crimen est. Hic enim splendidus mensarum apparatus, & tantus epularum luxus, ipso sacro tempore, quo humilitatis, pœnitentiæ, & afflictionis argumenta præbere Christiani debent, e-

pi-

picuræ voluptatis, impotentis gulæ, effrenis concupiscentiæ signa sunt, atque impudentem sacrarum legum contemptio- nem manifesto præseferunt. Cæterum, cuinam vel in men- tem venit, eum, qui ob stomachi invaletudinem, carnibus approbante utroque Medico vescitur, graviter delinquere, si, ut prostratam cibi cupiditatem recreet, quidquam esurialis e- scæ manducaverit? Poterit iste unam & alteram haleculam, conditas oleas, & quid edulii quadragesimalis simile absque ullo scrupulo sumere. Hoc quippe in casu edulium esuriale medicina est reparandæ ciborum cupiditati peridonea, si ve- rum sit escarum cupiditatem prostratam esse. Si contra cibi appetitio vigeat, aut escas jejunii leviter attingis: aut co- piose capeffis æque, ac carnes. Si primum, levem tantum noxam contrahis ob materiæ parvitatem. Si secundum, tum inquiri: aut ea cibaria permixta vehementer valetudini in- commodant, aut parum. Si primum, mortaliter peccas ut minus adversus temperantiæ præceptum, legemque valetudi- nis tuendæ. Si parum obsunt, mortifere peccas adversus je- junii Ecclesiastici legem, a qua minime dispensatus es ob de- fectum gravis causæ, sine qua dispensatio nulla est. Quis e- nim Prælatorum carnum edendarum facultatem impertiret illis, quos sciret absque gravi incommodo nutriri jejunii cibis posse? Porro ea non intelliguntur in dispensatione concessa, quæ expresse postulata denegarentur. Denique: Si Christia- ni, qui ob afflictam stomachi valetudinem vescuntur carnibus, juxta Sanctorum Patrum Regulas separatim a communi men- sa soli veluti infirmi comederent; nulla esset degustandi mo- do has, modo illas escas occasio. Si se peccatores agnoscerent, & Divinæ Justitiæ debitores, qui nisi in hoc mundo eam, quam valent, debitorum partem solvant: nisi pœnitentia car- nem configant, concupiscentiam reprimant, jugibusque preci- bus gratiam vitandorum criminum implorent, æternas pœnas dubio procul dabunt. Audiant tandem isti, qui maris, terræ- que animantibus gulam saturare suam curant, ipsius Senecæ increpationem. *Ad vos deinde transeo, quorum profunda, & insatiabilis gula hinc maria scrutatur, hinc terras. Aliaba-*
mis;

mis, alia laqueis, alia retium variis generibus, cum magno labore persequitur. Nullis animalibus, nisi ex fastidio pax. Infelices etiam, quod intelligitis vos maiorem habere famem, quam ventrem. Epis. 66.

LIX. Planum nunc est, nullius omnino esse Probabilitatis adversam Recentiorum Casuistarum opinionem. Quoniam nullo ea nititur rationis momento gravi, firmoque. Ratiunculas, quæ olim fucum imperitis facere poterant, penitus convulsæ sunt. Nulla quoque autoritate fulcitur opinio illa, cum duobus Summi Pontificis feliciter Regnantis Diplomati- bus, & tandem hujus Rescripti apertissimo responso penitus in nihilum redacta sit. Laurentius Cozza Cardinalis in suo de jejuniis Tomo p 3. *dub. 7.* postquam Recentiorum opinio- ni subscripsit, addit. *Cæterum in PRAXI tutius agit ille, qui dispensatus in esu carniū se a piscibus abstinet.* Ex citatis ver- bis collige, Recentiorum Plures morum quæstiones versari a- cuminis ostentandi gratia, praxi neglecta. Prius enim abstra- cte disputant, quasi Morales Quæstiunculæ natura sua non spectarent praxim: & postquam semina laxitatis projece- runt, tum advertunt praxim oppositam tutiorem esse. At peractum jam malum est. Non nego tamen præfatam di- stinctionem interdum locum habere: in præsentia autem minime, quia nunquam comestio abstracte peragitur. Scio reposituros fore, ut alicujus probabilitatis larvam etiamnum propugnent, non esse illorum opinionem solemni ritu dam- natam. Verum de hoc infra. Interim Summo Pontifici res- pondenti pareant.

Respondemus: Concedentes facultatem vescendi carnibus tem- pore vetito, sub gravi teneri easdem facultates non aliter dare quam geminis hisce adiectis conditionibus, videlicet unicæ in diem comestionis, & non permiscendarum epularum: eos vero, qui huiusmodi facultatibus utuntur, sub gravi binas condiciones im- plendas obligari.

LX. Ultimo loco addiderim, eos, qui carnibus vescun- tur ob solum esurialis edulii fastidium, non modo ad binas præfatas condiciones implendas sub culpa gravi obligari,

quando concedentes easdem præscribunt; verum etiam graviter peccare si eas implere negligant, in hypothesi, qua Medici, Parochi, Episcopi apponere conditiones istas omitterent. Peccarent utique & quidem gravius dicti Superiores, qui proprii officii inmemores limitare edendarum carniū concessionem binis conditionibus negligerent. At non propterea a peccato immunes essent Christiani, qui dispensatione utentes ab iterata comestura, & permixtis epulis non abstinere. Quisque enim, quæ sui status sunt, & professionis scire, & exequi astringitur. Quid? Ignorationem ne obtrudent? An mussitabunt? Nostrum non est Superiorum potestatis confinia figere. Si indefinitam nobis dispensationem concedunt illi, nostra ne erit illam coarctare? Et quid ni? Si villicus partem dumtaxat debiti a te Domino solvendi exigeret, liber ne iccirco tu fores a toto integroque reddendo? Quis te melius agnoscit quid evangelici jugi humeri ferre tui queant? Quisque sibi in hac materia doctior Medicus, quisque melior Theologus, si sinceritas, si bona fides, si æqui bonique lex, si denique æternæ salutis propriæ amor & desiderium animum occupaverint. Si hæc defint, frustra sunt omnia.

LXI. Quid tandem de illis Patribus familias dixerim, qui carnibus vescentes ipsi, cæteros domesticos comedere easdem carnes cogunt, iniquæ œconomix, & sordidæ, dixerim potius, avaritiæ prætextu? Res familiaris, inquiunt, nostra duplicem mensam non fert. Audisti hætenus, Christianæ lector, gulæ lenociniis epularum permixtionem fucari. In præsens avaritiæ fraudibus epulas simplices apponendas esse inaudis. Illi, ut corpus saginent suavius carnes, & pisces una comedunt. Hi ne crumena damnum subeat, omnes domesticos simplices carniū escas manducare volunt. Qui sunt hi œconomi? Ignoras? Qui bacchanaliorum tempore in ludis, luxu, pompis, conviviiis profanisque paganorum diverticulis patrimonium effundunt, prodigunt. In Quadragesima vero criminofam affectant parsimoniam, quæ Divinæ abstinentiæ legem contemnit, conculcatque. Cohi-
beant

beant gulam, ambitionem, libidinem : sobrietatem in victu, & vestitu servant; & illico res familiaris ditior evadet, patrimonium læsum instaurabitur. Carnes necessitate vera cogente comedant illi, sed ut infirmi, separatim, & soli, ne aliis scandalo sint, ut S. Carolus Borromæus, alique Patres docent.

C A P U T III.

Dispensationes bodiernæ carniū edendarum sacro Quadragesimæ tempore concessæ maxima in parte nullæ sunt ob defectum legitimæ causæ.

I. **H**OC est potissimum causæ caput. Opponent, de hoc in Pontificio Rescripto nec verbum occurrere. Quod verum habet, sed illud altius inculcatur in utrisque Litteris Apostolicis ad omnes Romanæ Ecclesiæ Episcopos datis. Quin Santissimus Pontifex in primo Diplomate *Non Ambigimus* acerbissimo dolore se tactum fatetur, quod fere obsoleverit quadragesimalis jejunii observantia ob nimiam dispensandi facilitatem. Nos sane, inquit, quibus in hac sublimi Apostolicæ procurationis specula constitutis undique gentium nuntii afferuntur, lacrymis satis deplorare non possumus, Augustissimam quadragesimalis jejunii observantiam, ob nimiam, nullis legitimis urgentibus causis, ubique indiscriminatim dispensandi facilitatem, plane sublatam esse : ita ut Orthodoxæ quidem Religionis cultores merito querantur.

II. Nos fuso calamo argumentum hocce dispeximus in opere vulgari sermone scripto *La Disciplina Antica, e Moderna della Romana Chiesa intorno al Quaresimale Digiuno*. Ibi perpetuo commentario utrasque Apostolicas Litteras *Non Ambigimus*, & in *Suprema* interpretati sumus. Porro occasione exponendi præsentis Pontificii Rescripti communi utilitati opportunum atque expedientissimum fore duxi summæ necessitatis punctum versare. Quæ in laudato opere latius hoc de argumento dixi, paucis hic perstringam. Dicant

morosi Critici, me actum agere : nihil moror. Communis utilitas, non istorum censuræ, me sollicitum habet. Quid quod in illorum manus liber iste incidet, ad quas fortasse non perveniet alter. Scio abusum, seu corruptelam Dispensationum adeo inveteravisse, ut exigua sit futuri profectus spes. Sed nostrum est legem Dei, & Ecclesiæ exponere, Dei pœnitentiæ spiritum infundere, & corda immutare, Rem ingrediamur,

§. I.

Rationum momenta adversus hodiernas carniū edendarum in Quadragesima concessionēs. Medicorum, & Parochorum facilitas criminosa.

III. **U**T quisque evidentius percipiat, nullas communiter esse edendarum carniū concessionēs in Quadragesima dari solitas, nonnulla in antecessum præmittam oportet. Et principio illud est præ oculis habendum, gravissimam esse jejunii Quadragesimalis legem. Hanc appellat S. Ignatius Martyr *Epist. ad Phil.* (aut quicumque sit istius Epistolæ Author) Christi abstinentiæ similitudinem. *Quadragesimam nolite pro nihilo habere. Imitationem enim continet Domini conversationis.* Tertullianus *de Res. car. Sacrificia Deo grata dico jejunia.* S. Basilus or. 2. *Jejunemus, ut Passionis Christi participes simus.* S. Hieronymus *Basim virtutum.* Sileo aliorum Patrum prolixiora encomia.

IV. Penitius legis istius gravitatem, atque necessitatem deprehendes, si in memoriam revocaveris ejusdem originem & principia. Ipsum naturæ jus jejunium absolute spectatum præcipit, quatenus instrumentum est peridoneum concupiscentiæ subigendæ rationis fræno, ut fuse *loc. cit.* palam feci. Hanc legem in veteri, novoque Testamento Deus rogavit. Ecclesia tempus, in quo jejunandum sit, determinat, ut in Quadragesima, in quatuor anni temporibus. Cæterum jejunium in communi ipso naturæ jure præscriptum est, ut
cum

cum S. Thoma docent Theologi. Heinc est, quod majores nostri, nisi infirmos, & quidem graviter, ab esurialibus escis eximebant in Quadragesima. Quid, quod Ecclesia Græca nec ipsis graviter ægrotantibus carniū esum permitebat? Balsamon Patriarcha Antiochenus in Responsis ad Patriarcham Alexandrinum hæc scribit. *Carnes enim, vel caseum, aut ovum attingere non fuerit concessum, licet extremam efflet animam, neque in magna Quadragesima, neque in qualicumque Mercurii, vel Veneris die. Sufficit enim ei, qui necessario per aridorum esum magnificare debet dies Mercurii vel Veneris, per oleum, vel pisces morbi acerbicatem mitigare. Quem disciplinæ rigorem obtinuisse anno 1336. narat Mathæus Balastarus Canonista Græcus. Disciplina Ecclesiæ Occidentalis mitior. Nonnisi tamen in gravi, evidentique infirmitate carniū esum permisit Quadragesimalis jejunii tempore. Opportuna sunt Concilii Toletani VIII. verba. Can. 9. *Quisquis absque inevitabili necessitate, atque fragilitatis evidenti languore, seu etiam ætatis impossibilitate, esum carniū diebus Quadragesimæ præsumpserit attentare, non solum reus erit Resurrectionis Dominicæ, verum etiam alienus ab ejusdem sancta communione.**

V. Prima ergo permittendarum carniū jejunii tempore ratio, est corporis sanitas, a gravi nocumento, quod cibi esuriales inferre queunt, præservanda. Sed distinguenda est corporis sanitas ab ejusdem conflictatione, atque concupiscentiæ refrænatione. Cibi esuriales eo pertinent, ut reapse cupiditatum vim extenuent, humores evacuent, corpus torqueant, ipsasque vires carnales moderate ad tempus debilitent, ut inde tamen firmior tum corporis, tum animæ valetudo succedat. Nonne medica purgatio corporis vires extenuat, ut reparet? Præfata incommoda, quæ sunt proximi jejuniorum fructus, opponunt voluptarii Christiani, ut sanitatis hostes. Hæc ut evitent, dispensationem impetrant. Quod perinde est, ac si dicerent: Quia jejunium gulæ non arridet, carniū postulamus concessionem. Necessitas ergo aut expellendi morbi, aut præservandæ sanitatis a probabili futu-

futuro incomodo, unica est ab escis esurialibus dispensandi ratio.

VI. Et ne opponere valeant Theologorum non esse iudicium ferre de corporum sanitate, lubet insignium Medicorum auctoritate, quæ indicavimus, confirmare. Perdoctus Paulus Zacchia *lib. 5 tit. 1. q. 5.* *Non quilibet morbus legitime a jejunio excusare potest. Neque etiam idem morbus, qui ab una obligatione solvit, ab omnibus solvere potest.* Quin addit non omne sanitatis incommodum ab ipso jejunio derivatum sufficiens esse dispensandi momentum. *Ante omnia, pergit ibidem, admonendum primo: non omne sanitatis incommodum a jejunio proveniens, illico hominem a jejunio excusat: Nam vix dici potest jejunare, qui ex jejunio nullum perceperit corporis incommodum: Idcirco enim jejunium definitur maceratio, seu afflictio corporis.* Heinc Medicos admonet, ne continuo a jejunio dispensent ob quodlibet incommodum. Quædam edulia esurialia sanitati obsunt, secus alia. Non illico carnes concedant, sed jejunii cibos quærant salubres. *Ex quibus discant tam Medici, quam eorum consultores, non esse petendam absolutionem a jejunii obligatione, illico, atque læsum quis se sentiat a jejunio; sed potius quærendum, an aliqua ratio jejunandi sit, quæ sit magis salubris, quam præterita.* Sunt enim qui ab aliquo cibo particulari in jejuniis consueto noxam percipiunt: hi si hunc abusum omiserint, jejunium de cætero commodissime servare possunt. *ibid.* Tandem concludit summo studio invigilandum Medicis esse, ne a voluptariis Christianis illudantur. Recogitent serio varios esse morbos, quorum unus carnes, alius lactinia, alius plures comestiones, servato ciborum delectu, alius omnia simul postulat. *Videant ergo Medici, ac rigoroſe insistentes examinent, an aliquid simile irrepere possit in his, qui jejunare obligati, ab ea obligatione se eximere student hujusmodi illegitimis excusationibus* Non enim quivis morbus a quavis jejunii conditione excusare debet indifferenter: sed aliter quidem ab esu carnum: aliter ab esu tantum ovorum, non carnum: aliter ab unitate comestionis, aliter ab hora refectionis, aliter

ter ab omnibus simul immunem reddere hominem potest. ibidem

VII. Alter non minus celebris Medicinæ professor Condronchius Hispanus in sua *de Christ. medend. rat.* apud Hecque p. 1. c. 32. præfatam doctrinam confirmat. *Medicus perperam, & inique agit, cum se valetudinario, & morbofo, vel debili, qui se ovis, & lactariis cibis tueri facile potest, esum carnis etiam concedit, maxime in Quadragesima.* Similia docet laudatus Hecquet, & Theologus Pasmans prævaricationis damnat tum concedentes, tum utentes manducandarum carniū facultate falsis prætextibus extorta. *Prævaricantur quam plures, qui ex præpostera valetudinis cura esum piscium sibi officere illico causantur: & ideo ad abstinendum carnibus se non obstringi dicunt: prævaricantur inquam, etsi Medicos consulant, a quibus schedulas, quibus impetrant facultatem edendi ova aut carnes, obtinent, vel saltem extorquent. Neque a violati jejunii peccato immunes sunt ejusmodi Medici, qui indulgentius, quam par est, agunt cum multis, v. g. Nobilibus. De Jejun. Thes. 5.*

VIII. Duo heinc colligas velim. Alterum, Dispensationem non egredi necessitatis confinia. Quemadmodum nulla est, si absque gravi, & manifesta causa ab universa jejunii lege dispensat: ita nulla est, si carnes impertit, quando solis lacticiiniis, vel si lacticia concedit, quod solis eduliis jejunii subveniri Christianorum incommodis valet. Alterum, nullas communiter esse maxima in parte hodiernas a quadragesimali abstinence dispensationes. Vix quatuor in centum eorum, qui dispensantur ob fastidium edulii esurialis, vera necessitate premuntur. Norunt hoc Medici, sed causantur fraudes Christianorum, qui exaggerant incommoda, falsosque prætextus allegant. Norunt Confessarii, & Parochi, sed reponunt, se attestationibus Medicorum niti. Et Christiani opipare edunt utriusque Medici suffragiis muniti. Omnes plus, minusve prævaricantur, & vicissim variis ducti respectibus ad peccandum se se incitant, urgentque.

IX. Experientiam consulamus. Qui sunt, qui facultatem carniū edendarum in Quadragesima obtinent? Divites,

No.

Nobiles, formosuli, & thorosuli, qui toto anno sani sunt; & potissimum bacchanaliorum tempore, qui diu, noctuque nil intentatum negligunt, nullumque non movent lapidem, ut sanitatem lædant, prodigant. Quadragesima recurrente ad omnia sani sunt: solum ad jejunandum infirmi. Ex tanta piscium diversitate nihil occurrit illorum stomacho consentaneum. Fac pisces omnes etiam delicatos, etiam saluberrimos tibi esse infestos: non ne præsto sunt pulmenta plurima, & innumera herbarum, fructuumque genera? Sint quoque ista omnia minus congrua: an non abundant lacticia, ex quibus tot selectæ, suavesque epulæ compinguntur? Escis ex puro, putoque lacte coagmentatis vivunt plures menses homines delicatissimi, & valetudinarii, qui morbo ethico obnoxii sunt. Et ut a mortifera scelerum infirmitate convalescant, nihil tot escarum illorum stomacho opportunum est, nihil salubre? Quis ratione præditus tantum adfirmaverit paradoxum? Ergo, experientia teste, nullæ communiter sunt facultates edendi carnes in Quadragesima, ob solam edulii esurialis fastidium concessæ.

X. Nec communiter Medicorum, aut Parochorum excusationes consistunt. Quoniam, aut ignorant Medici statum Christianorum, qui schedulas testimoniales petunt, aut secus. Si primum peccant, quod testimonio jurato adfirmant morbum, de quo minime sibi constat. Si secundum, certius peccant. Falleris, inquiunt: nostrum est valetudinariorum incommoda audire, & juxta Professionis regulas judicium ferre. Si falsum narrant, ipsi viderint. Vah turpem illusionem. Cæci isti sunt in Meridie. Annon vident, manibusque tangunt, sanos, robustosque esse homines, qui carnes vescendas petunt? An ignorant, pisces plurimos ipsis carnibus salubriores esse, ut mox palam faciam? Ineptiora sunt Parochorum effugia. Hi quippe sunt, & dispensatores, & consultores. *De utriusque Medici consilio.* Si fidere Medicorum attestationibus Parochi omnino deberent, frustranea esset dicta clausula *de utriusque Medici consilio.* Pastorum potissimum interest internoscere oves suas, earumque

que statum . Ignorare istarum indigentiam grave crimen Ministerii proprii est . Si ergo sanos noverint Parochianos , qua conscientia illis carnum esum permittunt ? Odium , inquis , invidiam , persecutionemque subirem extremam , si habito Medicorum testimonio , dispensationem negarem . Numquid tantum calamitatis & indignationis ipse mihi parabo ? Tantos adversarios in me ipse concitabo ? Hæ voces , non Pastorum , sed mercenariorum . In hos invehitur Dominus per Jerem. c. 10. *Stulte egerunt Pastores Propterea non intellexerunt , & omnis grex eorum dispersus est . Item cap. 50. Pastores eorum seduxerunt eos . Item per Ezechielem cap. 34. Væ Pastoribus Israel , qui pascebant semetipsos . Et per Isaiam . cap. 56. Canes muti non valentes latrare . videntes vana , dormientes , & amantes somnia Ipsi pastores ignoraverunt intelligentiam : omnes in viam suam declinaverunt , unusquisque ad avaritiam suam . Qui tanto pectore non sunt instructi , quo & odium , & persecutiones tolerare , & gregem ab urfis , & lupis defendere non audent , ovium regimen non suscipiant .*

XI. Pater Michael Elizalde Soc. J. Hispanorum Theologorum Sapientissimus in suo opere *de Reg. Mor. 2. p. lib. 6. q. 17. §. 11.* docet in hoc negotio potiores partes Parochi esse . Salus quippe animæ excellentior est corporis sanitate . „ Duæ ergo scientiæ , cognitionesque in utroque Medico de-
„ siderantur : alia corporis , alia animæ . Hanc jure supponit
„ Ecclesia in Parocho . Nam bonus Pastor , & qui Merce-
„ narius non est , cognoscit oves suas , & ob hoc ejus licen-
„ tiam requirit . Quare licentia ista non est clavis gravis
„ potestatis , sed clavis scientiæ saltem principalius . Nec
„ item pendet a sola scientia , cognitioneque Medici corporis :
„ cum in hac re solum sit Parochi , scilicet videre quid Medicus
„ corporis existimaverit , & subscribere ejus dicto . Tractatur
„ itaque de duplici salute , corporis quippe , & animæ : &
„ ideo utriusque Medici judicium requiritur , & potior est
„ Medicus animæ : & si huic unum , alterum illi videre-
„ tur : & invaletudo corporis aliqua peteret , Petrum non

„ jejunare, sed lætari, & epulari : multitudo autem pec-
 „ catorum ejus magna pœnitentiam postularet : item si in
 „ concupiscentiis totus arderet, & in magno esset periculo;
 „ postponi corpus debet & Medicus ejus, & Medico ani-
 „ mæ standum est, & jejunandum, & corpus affligendum,
 „ & castigandum, quousque in debitam servitutem rediga-
 „ tur : nec animas nostras, idest vitam nostram, pretiosio-
 „ rem facere debemus, quam nos, idest quam salutem ani-
 „ mæ nostræ, idest nostram „.

XII. Ob oculos ergo Medici, & Parochi sibi proponant, Sanctam Matrem Ecclesiam non eo instituisse jejunia, ut homines efficeret illo ipso, quo jejunant, tempore, robustiores, formosiores, vegetioresque, sed ut affligeret animas, concupiscentiam cohiberet, carnem comprimeret. Recogitent se tot criminum reos constituere, quot homines a delectu ciborum, absque gravi, & legitima causa, absolvunt. Scandalum serio meditentur, quod illegitimis dispensationibus pariunt. Sciant non alio validiori fræno indomitam concupiscentiam subigi, quam moderata cibi subtractione. Contra verò : *Incrassatus, impinguatus, dilatatus, dereliquit Deum factorem suum, & recessit a Deo salutari suo. Deut. 32.* Quæso altius animo imprimant, duo esse vitiorum genera, quæ homines ad inferna detrudunt. Concupiscentia carnis, & divitiarum. De hac alibi : de illa nunc. Quænam itaque effrenis concupiscentiæ immanisque luxuriæ efficacior causa, validiusque fomentum, nisi gula, nisi saturitas? Clamat Dominus per Jerem. c. 5. *Saturavi eos, & mæchati sunt, & in domo meretricis luxuriabantur. Equi amatores & emissarii facti sunt. Unusquisque ad uxorem proximi sui biniebat.* Inclamat Propheta Ezechiel. *Hæc fuit iniquitas Sodomæ sororis tuæ, satietas panis, & abundantia.* Plenæ sunt Scripturæ sanctæ similibus testimoniis. Patres sancti volumina hoc de argumento scripserunt. Unum S. Augustini textum apprime opportunum dumtaxat huc transcribo ex *serm. 2. Dom. 1. in Quadrag.* *Moyse ergo quia jejunavit, Deum vidit: Populus quia manducavit, idola fabricatus est. Sed quid de*

de Moyse & multitudine Israelitica loquar? Princeps ille humani generis Adam quandiu jejunavit, in Paradiso fuit; ubi vero comedit, ejectus est de Paradiso. Et qui in Paradiso Dei virgo fuerat, ejectus de Paradiso cognovit uxorem. Semper enim juncta est saturitati lascivia. Vicina sibi sunt venter, & genitalia, & pro membrorum ordine ordo vitiorum intelligitur. Ejecit ergo nos de Paradiso cibus, reducat esuries, reducat jejunium. Sed missis Scripturis, & Patribus; qui sunt, qui communiter quadragesimalis abstinentiæ legem violant? Nonne fornicatores, luxuriosi, voluptarii, & impudentiores peccatores? Porro isti præ omnibus pœnitentiæ corporalis, & severioris abstinentiæ fræno atque jejunii medicamine magnopere indigent. Ergo Medici, & Parochi non modo proprii ministerii prævaricatores fiunt, dum illegitimas dispensationes impertiunt, non modo in Ecclesiæ leges peccant: sed crudelitatis & inhumanitatis fontes evadunt, dum videntes fratres suos incendio concupiscentiæ, & pice sulphureque luxuriæ ardere, exuri, non aquam porrigunt, ut ignem extinguant, sed adipem, & pinguedinem aspergunt, ut crudelius, & immanius ardeant, æternunque pereant.

§. II.

Christianorum præjudicia & effugia. Edulia esurialia non sunt noxia, sed consentanea sanitati.

XIII. **P**rimum præjudicium, quod mentem Christianorum occupat, est immoderata & effrenis hujus vitæ cupido, quæ carnis macerationem, & concupiscentiæ refrænationem tamquam sanitatis hostes effingit. Quare Seneca ipse scribit *epis. 101. Excutienda vitæ cupido est, discendumque nihil interesse, quando patiaris, quod quandoque patiendum est. Quam bene vivas referre, non quamdiu: sæpe autem in hoc esse bene, non diu. Vanus amittendæ sanitatis amor, omnium in hac causa malorum origo est.* Heinc de-

licia, & ventris idololatria. *Hujusmodi enim* (inquit Paulus ad Rom. 16.) *Christo Domino nostro non serviunt, sed suo ventri*. Isti aperti hostes sunt Evangelii Christi, & Crucis subdit idem Apostolus ad Philip. 3. *Multi enim ambulant, quos saepe dicebam vobis (nunc autem flens dico) inimicos Crucis Christi, quorum finis interitus, quorum Deus venter est*. Viridis coloribus hos depingit Tertullianus lib. de jejunio. cap. 16. & 17. ubi Christianos istos Ethnicis peiores asserit. *Ethnicus idolo gulam mactat: Tu Deo non vis. Deus enim tibi venter est: & pulmo templum, & aqualiculus altare, & Sacerdos cocus, & Sanctus Spiritus nidor, & condimenta Charismata, & metus Prophetia.... Apud te Agape in cacabis fervet, Fides in culinis calet, Spes in ferculis jacet*.

XIV. Nimium itaque tuendae sanitatis studium eo homines malorum praecipites agit, ut perpetuis blanditiis, atque illecebris carnem nutriant: & unde longiorem sibi parare vitam homines credunt, breviorum efficiunt. Istius porro generis homines Evangelicum jugum omnino excutunt, nihilque ipsis penosius est poenitentia, abstinentia, carnisque maceratione. Quare extra viam salutis perpetuo ambulant, & propriae conversioni, & saluti januam sibi claudunt. Quae enim ad amicitiam redintegrandam cum Deo viam parant, sunt fletus, maceratio corporis, jejunia, & ab illecebris, blanditiisque abstinentia. *Convertimini ad me in toto corde vestro in jejunio, & in fletu, & in planctu*. Joel. 2.

XV. Alterum Praejudicium est, esuriales escas corporis sanitati atque adeo longiori vitae infestas esse. Quod erroneum praejudicium promovere studuerunt Leonardus Fuschius, & Janus Cornarius Catholicae Religionis desertores. Istorum futilia commenta penitus labefactarunt non Theologi modo, sed Medici Catholici, quos inter Paulus Zacchias lib. 5. tit. 2. ubi & haereticos & catholicos quosdam Medicos in Epicuro potius, quam in Hypocrate, & Galeno versatos refellit, carpitque. *Haec, inquit, & alia, quae impia, ac temeraria procacitas effutire docet contra jejunia, nonnulli Medici, alique Haeretici objiciunt, vel objicere possent: Quae tamen*

tamen cum omnia, ac singula, vana, futilia, insulsa, ac ab omni veritate sint alienissima, firmanda hæc conclusio est: ieiunium & animæ & corpori esse proficuum & salutare. Sanguinem purum, defœcatum, mediumque, crassum inter, & subtilem piscium esum progignere Galenus testatur *lib. de suc. bon. cap. 9* *Piscium universorum propemodum succus bonus est.* Maritimos potissimum pisces præfert, & ex illis eos, qui pinguedine carent, squamisque teguntur. *Culpa enim prope omni vacant, quicumque in mari versantur, pelagii, saxatiles: tales igitur sumpsisse perpetuo tutissimum fuerit.* Non minus salubres ejus pisces asserit, ac aves. *Aves autem, & pisces ferme omnes boni succi censentur.* Hinc Galenus infert piscium esum non modo esse facilis digestionis, sed corporibus saluberrimum. *Alimentum, quod ex saxatilibus sumitur, non modo ad coquendum est facile, sed hominum etiam corporibus saluberrimum, ut quod sanguinem medium generat sanguinem laudatissimum progignit.* *De anim. facul. cap. 26, & 28. apud cit. Zacch.* Animadvertit laudatus Zacchias, & post ipsum Hecquet, antiquos celebrioresque Medicos piscibus, non carnibus aluisse ægrotos. Quam ob rem hodiernos Medicos vellicat Cardanus, quod infirmos suos carnibus alant. Nec aliam excusationem Zacchias allegat, nisi pusillum animi. *Cur vero nos pisces nostris ægrotis interdiciamus, dictum difficile est, nisi confiteamur nos in multis esse antiquioribus timidiores.* *lib. 5. tit. 1. q. 2.* Terrestria animantia contagio, morbisque gravissimis obnoxia sunt, secus pisces. Ex quo ortum est proverbium illud: *Sanior es pisce.* Quare in hodiernos Medicos his verbis Zacchias invehitur. *Quid tantopere carnes in cibis suis verbis extollunt carnivori isti recentiores Medici? loc. cit.* Legant isti Plutarchum Ethnicorum doctissimum *lib. de tuend. valet.* Legant Lancisium nostrum pariter doctissimum de mortibus subitaneis, adversus quas efficacius remedium sobrietate, & parsimonia haud potuit reperire.

XVI. Sed Medicis missis, quorum tamen in hac causa iudicium magnæ est authoritatis, pauca ex sacra Theologia

gia promam. Et primum Quadragesimalem abstinenciam Ecclesiae suae organo Deus praecipit. Qui hanc supra vires effutiunt esse, vel sanitati incommodam, in Deum ipsum blasphemant. Ignorat ne ille, quid ferre hominum humeri valeant? An ne tyrannidis, & crudelitatis arguendus, quod impossibilia jubeat? Catholicorum nemo tam perverse de Deo sentit. Legem jejunii pleno ventre plures exaltant, sed opere & legem, & Deum contemnunt. Illis molestum jejunium est, qui in vitiorum coeno volutantur, qui gulae & concupiscentiae mancipia sunt, quique voluptatis lue inquinati gustare sacrae inediae saporem nequeunt. Caeterum Quadragesimale jejunium, non modo jugum est hominum viribus consentaneum, sed instaurandae prostratae sanitatis pharmacum est. Moderata fame, sitique, lautiorisque victus subtractione palatum exasperatur, caro torquetur, appetitiones reprimuntur. Sed sobrietas haec, & maceratio & sanitatem quam invenit firmat, & deperditam instaurat. *In multis enim escis erit infirmitas*, inquit Salomon *Eccl. c. 37*. Addit ibidem. *Propter crapulam multi perierunt: qui autem abstiens est adjiciet vitam*. Item cap. 31. *Sanitas est animae & corporis sobrius potus*. His effatis plenus est liber Ecclesiastici. Quare Ecclesia canit in publicis precibus. *Adesto Domine supplicationibus nostris, & concede, ut hoc solemne jejunium, quod animabus, corporibusque curandis salubriter institutum est, devoto servitio celebremus*. Quid si Patrum testimonia afferre vellem? Pauca cursim delibabo. Pronuntiatum Ambrosii omnium animis insculptum vellem. Neminem vere sobrium, jejunatoremque apoplestiae ictu correptum asserit *lib. de Elia & jej. cap. 8*. *Jejunium est infirmitatis levamen, alimentum salutis*. Nemo in cruditatem jejunando incidit. Nullus per continentiam *ICTUM* sanguinis sensit. S. Basilius omnium Graecorum Patrum, ut ego quidem arbitror, eloquentissimus, tanta argumentorum copia hanc veritatem evincit, ut omnes gulae advocati obmutescant necessum est. Pauca transcribo ex *homil. 1. de jejunio*. *Ne causeris corporis infirmam valetudinem. Ne dixeris jejunium, te ferre*

ferre non posse. Neque enim mihi istas excusationes profers. Sed juxta proverbium scienti loqueris, nimirum Deo, quem nihil fugit. Age dic mihi: jejunare non potes: & potes expleri eduliis? Potes conficere corpus escarum pondere? Atqui infirmis non variam ciborum copiam, sed inediam, & abstinentiam a Medicis solere præscribi scio. Qui fit igitur, ut cum ista poscis, illa te non posse causeris? Utrum ventri facilius est tenui victu transmittere noctem, an copia ciborum gravatum iacere? Immo nec iacere quidem, sed crebro buc, & buc verti distentum, ac gementem. Nisi forte simul dicturus es illud, quod Naucleri facilius servant Navim sarcinis onustam, quam eam, quæ ad cursum expedita est ac levis: nam oneris magnitudine gravatam, quamvis exiguus fluctus adoriens demergit. Contra, quæ modicis sarcinis temperata est, facile suffert undarum impetum: eo quod nulla res impediatur eam, quominus fluctumin altum surgentem superet. Eundem in modum & hominum corpora assidua expletione gravata facile a morbis demerguntur. Cæterum, quæ facili, levique utuntur alimonia, non modo malum, quod ab imminente morbo expectabatur, veluti tempestatis assaltum, effugiunt: verum etiam præsentem iam ægritudinem veluti turbinem quemdam exorientem discutiunt. Lege Joannem Chrysostomum *Fer. 4. in cap. ieiun.* Hieronymum *lib. 2. adversus Jovinianum*, cæterosque omnes.

XVII. Tertium præjudicium est, ea, quæ hæctenus produximus momenta, id dumtaxat evincere, opportuna jejunia fuisse præscæ ætatis hominibus robustioribus, longiorisque vitæ. Imbecillio: nunc natura est, vitæque brevior. Quamobrem Antiquorum abstinentiam, severaque jejunia ferre hodierni homines nequeunt. Quid ergo vetusta priorum sæculorum monumenta produntur, ut hujus miseræ ætatis homines jejuniorum severitate opprimantur? Stultitiæ arguit Salamon opinionem hanc. Quid putas causæ est, quod priora tempora meliora fuere, quam nunc sunt. Stulta est enim ejusmodi interrogatio? *Eccles. 7.* Et sane antiquitatis crassam produnt ignorantiam illi, qui autumant, arctiora nunc esse humanæ vitæ

vitæ confinia, quam fuerint tempore, quo Christus ipse quadragesimalis jejunii exemplum posuit. Livius mortem M. Tullii narrans, hæc scribit. *Vixit tres & sexaginta annos, ut si vis abfuisset, ne immatura quidem mors videri possit.* Imperator Augustus longiorem omnium aliorum Cæsarum vitam protraxit. Vixit quippe 76. annos. Quænam illius epulæ? Audi Svetonium in ejus vita. *Cibi minimi erat, atque vulgaris fere, secundarium panem, & pisciculos minutos, & caseum bubulum, manu pressum, & ficus virides, biferas maxime appetebat, vescebaturque, vini quoque natura parcissimus erat.* Sed Senecam audiamus, qui brevi sermone plura comprehendit, quæ pudore perfundere Christianos, eosque veluti ex amentiae somno excitare deberent. *Audies plerisque dicentes: a quinquagesimo in otium secedam. Sexagesimus annus ab officiis me dimittet. Et quem tandem longioris vitæ prædem accipis? Quis ista, sicuti disponis, ire patietur? Non pudet, te ad reliquias vitæ, te tibi reservare, & id solum tempus bonæ mentis destinare, quod in nullam rem conferri possit? Quam serum est, tunc vivere incipere, cum desinendum est. Quæ tam stulta mortalitatis oblivio in quinquagesimum, & sexagesimum annum differre sana consilia, & inde velle vitam inchoare, quo pauci perduxerunt?*

XVIII. Verum quid prisca quæritamus, si quæ ob oculos sunt patefaciunt, nos neque in longitudine vitæ, neque in ferenda severiore abstinence, inediaque, antiquis esse inferiores. Conferatur vita agricolarum, servorum, operariorum, nautarum, militum, cum priscorum laboribus, & conatibus. Severissima erat primæ ætatis aureæ Christianorum Disciplina. Cibus parcus, & vilis, severa jejunia, juges preces, aspera cilicia. At numquid mitior est tot sacrorum Ordinum Disciplina? Numquid tot Congregationum Benedictinorum, Camaldulensium, Carthusianorum, Trapensium, aliorumque innumerabilium Monachorum jejunia, abstinentiæ, vigiliæ nocturnæ, diurnæque, non æquant antiquorum mores? Quid de immensa Sanctissimi Patriarchæ Francisci sobole dicam? An lautior victus, mollior lectus, splendior

dior vestitus Cappucinatorum, Reformatorum, Alcantarinarum, aliorumque florentis Disciplinæ Institutorum, quam fuerit victus, vestitus, lectus primorum fidelium? Ubi vero provecior senectus, ubi firmior sanitas, ubi robustiores vires, quam in his sacris Cœnobiis? Ubi tot septuagenarii, octogenarii, & nonagenarii? Desinant ergo gulæ, & voluptatis vindices vitæ brevitatem viriumque imbecillitatem obtrudere, ut se a sacro Quadragesimali jejunio eximant. Desinant in populo Dei scandala ferere, & sanctissimis Ecclesiæ præceptis invidiam conflare, ut heinc excusandæ propriæ gulæ, & voluptatis prætextus captent.

§. III.

Medicorum schedæ, Parochorum dispensationes communiter a culpa non eximunt dispensatos.

XIX. **N**obilior Christianorum pars sub initium Quadragesimæ ab utroque Medico facultatem comedendi carnes postulat. Qua concessione obtenta, non minus se securos in conscientia reputant, ac illi, qui diploma a Principe impetrant non solvendi tributa. Theologi Medicos, Medici Casuistas arguunt nimie facilitatis in eximendis a lege fidelibus. Sacri Canones adversus Medicos *dist. 5. can. contraria* hæc habent. *Contraria studiose sunt Divinæ cognitioni præcepta Medicinæ. A jejunio revocant, lucubrare non sinunt, ab omni intentione meditationis abducunt. Itaque, qui se Medicis dederit, seipsum sibi abnegat.* Hoc idem adfirmat S. Ambrosius. *Contra Divinæ conditionis præcepta sunt ea medicinæ, quæ a jejunio revocant. in Psalm.* Ex Theologis celebris Theophilus Raynaudus tom. 10. in sua Ros. Med. collapsæ Quadragesimalis observantiæ Medicos accusat. Certum est, sanctum per Quadragesimam abstinendi, ac jejunandi usum, non aliunde magis eviguisse in Ecclesia, quam ex laxitate per Medicos inducta: sive quod minus digne de hac praxi catholica sentirent, sive quod abblandientes iis, qui suam ignaviam

CTORIO necessitatis obducebant, per humane gratiæ cum Divina se collidentes captationem, & ob corporis statum optimum, quem Medici propositum habent, animam negligentes: parvi fecerunt legum sacrarum severitatem. Theologis concinunt Alphonsus de Fontechio, Baptista Condronchius, aliique celebriores Medicinæ artis Professores. Duo Medicorum genera distinguit perdoctus Paulus Zacchias. Alterum illorum, qui & suæ artis, & legis Christianæ æquæ ignari, minus salubria jejunia reputant. Alterum eorum, qui nomen sibi, & famam, & lucra, & patrocinia captare student. Lege Zacchiam laudatum *lib. 5. tit. 1. q. 2. n. 1.* Celebris Medicus *Hecquet* in suo Opere de *Dispensationibus* in disputationem vertit, utrum faciliores *Casuistis* Medici fuerint in laxanda jejunii lege. Contendit ille, severius de jejunio scripsisse Medicos, quam *Casuistas*, hosque laxiores dispensandi regulas præscripsisse. Dirimere in præsens hoc problema nolim, ut quod proposui continuo manifestem.

XX. Compertum itaque est, utriusque facultatis Professores non paucos reperiri, qui nulla legitima causa a jejunii lege dispensent. Quot sunt divitum, & nobilium Christianorum, qui in Quadragesima a carnibus abstineant? Nonne, ut cautissime loquar, major altioris conditionis hominum portio carnibus vescitur? Per quindecim & amplius integra Christianæ Religionis sæcula, solis ægrotis, quorum infirmitas gravis esset, & evidens, carniū esus concessus. Nullibi legitur, ob solam escarum esurialium nauseam, & fastidium, laxatam fuisse abstinentiæ legem. A duobus circiter sæculis, postquam novus opinandi modus sacram invasit Theologiam, obtinere abusus cœpit dispensandi fideles in esu carniū ob solum piscium, oleique fastidium, seu ob nocumentum, quod inde proficisci superstitiose pavent. Corruptela isthæc adeo inveteravit, ut Christiani divites, nobilesque, quasi dedecori sibi vertant a carnibus abstinentiam. Mirantur, obstupescunt, si videant prænobiles, divitesque solo sacro edulio vesci. Et tamen hi omnes sani sunt, & robusti ad forum, ad negotia, ad lites, ad ludos, ad omnia vitæ civilis munia.

Por-

Porro vix istorum est, qui utriusque Medici consilio, & dispensatione carnes non comedat. Quis autem dixerit, hos omnes legitime dispensatos? Quis dixerit hos non esse legis Ecclesiasticæ vinculo devinctos? Evidens ergo est, Medicorum, & Parochorum dispensationes plurimas nullas esse.

XXI. Quam nunc excusationem dispensati, & dispensatores obtrudent? An ignorant ipsi corruptelam hanc? An manibus abusum non tangunt? An oculis non vident, non aliud communiter pro dispensatione exigere, quam quod postuletur. Opportuna sunt verba sapientissimi P. Michaelis Elizalde Soc. J. 2. p. lib. 6. q. 17. §. 11., Quicumque enim quærat, utrum
 „ ad jejunium teneatur, & an ab esu carnis abstinere debeat;
 „ ferme semper ab obligatione liberatur, & tot ferme sunt
 „ opiniones excusandi, quot rationes dubitandi. Satis notæ
 „ vulgaresque sunt opiniones, quas proinde referre, super-
 „ vacaneum sit; & alios propter nocumentum salutis liberan-
 „ do, pauciores, miserioreque quidam sub obligatione relin-
 „ quuntur.... illud mirum est, quod nihil promptius habent
 „ & magis in ore, *quam peccatum mortale*, consilium peten-
 „ ti in his, & similibus sæpe respondentes, ipsum non solum
 „ non teneri jejunare, sed peccaturum mortaliter, si jejunet.
 „ Imo adeo a recto distamus, ut homines etiam professione
 „ Theologi non vereantur aliquando dicere.... Medicum sibi
 „ dixisse, peccaturum se mortaliter, si jejunet, aut carne
 „ non vescatur. Et quid, rogo, non dicat similiter æger,
 „ Theologum sibi dixisse, moriturum se, nisi venam scin-
 „ dat? Haud enim opinor Hypocrates, & Galenus de pecca-
 „ to mortali magis tractarunt, quam Apostoli nostri de scis-
 „ sione venarum. Atque hæc tria citra aliam impugnatio-
 „ nem demonstrant, quo in loco sint, & qualiter tractentur
 „ res conscientiae, ac morum altissima, profundissimaque
 „ scientia,,. Heinc concludit, magno in errore eos versari,
 „ qui sibi non peccare blandiuntur, quod utriusque Medici suf-
 „ fragio carnes manducant. *Quod vero multi causent, se habita-*
licentia utriusque Medici, peccare non posse, falsissimum est,

ut supra de Magistris ostensum est : & uterque Medicus peccare potest, & etiam qui sequitur. loc. cit.

XXII. Celebris Theophilus Raynaudus proluxa, & acri oratione primum in Medicos, qui nimia facilitate carniū e-
sum concedunt in Quadragesima, quosque *Pecunosos* & *Caco-
medicos* appellat : post in Confessarios, Parochos, & Supe-
riores omnes, qui ejusdem facilitatis fontes sunt, invehitur.
Tandem Christianos dispensatos perstringit, carpitque, quod
Medicorum, & Confessariorum, seu Parochorum consilio
mensas opipare in Quadragesima instruant. Medicorum, &
Theologorum plures ad aurem, ad gratiam, ad ventrem lo-
qui. Quapropter cum Nazianzeno *ventriloquos* appellat. Tex-
tum P. Raynaudi transcribo, eumque legendum commendo
Authori libelli inscripti. *Giustificazione di più Personaggi*, de quo
nonnulla infra., Non est plerumque securior *Medicorum spi-
ritualium* allegatio, intelligendo hoc nomine conscientiarum
arbitros, etiam si Confessarios. Multi enim liniunt parietem
absque temperamento, consuuntque pulvillos sub omni cu-
bito manus in exitium & suum, & eorum, quorum con-
scientiam onerant, ac *specie directionis implanant*. Itaque
nisi vera legis violandæ necessitas sit explorata : aut ita pro-
babilis, ut in propria causa, deposito sensu suo, standum
sit judicio prudentis, nec palpantis Directoris conscientiae,
frustra ejus sensus allegatur. Neque vero est Confessario,
ex eo quod Confessarius sit, plus in hac parte potestatis,
quam cuivis probo, simul & docto viro ad præbendum
consilium de rebus ad conscientiam spectantibus idoneo. At
hos videmus, lugemusque non raro ad gratiam loqui, ac mol-
les sententias captare, & conniti, ut loquantur placentia :
quod in antiquæ legis Doctoribus sæpe improbat Dominus,
quæstus nominatim per Jeremiam, quod ab hujusmodi Do-
ctoribus egressa est pollutio super terram. In superbiam, &
honoris appetentiam horum malorum Doctorum vaniloquium
refert Author operis de malis Doctoribus. Cui corrupto ac
cænofo fonti adiungitur, non raro, commodi a consulto
sperati illecebra, ut Author imperfecti in Matthæum bom.

„ 25. admonuit, suffragaturque Nazianzenus (*orat. 1.*) *Ven-*
„ *triloquos* post Origenem (*hoin. 7. in Isaiam*) appellans eos,
„ qui veritatem vel evertunt, ut affluant, unde saginentur.
„ Utinam illos conscientiarum arbitros nullos tales Doctrinæ
„ Christianæ propolas habeat Ecclesia. Quare in causa, de
„ qua agimus, nemo sibi de Confessarii vel Doctoris Theolo-
„ gi assensu abblandiatur, si certum habet, se legi communi
„ parere, & citra notabile valetudinis damnum Christianam
„ abstinentiam observare. *tom. 10. de Ros. Median. pag. 514.*
„ & seq.

XXIII. Quid? Vacillabit conscientia nostra utriusque Me-
dici fulta suffragio? An Pontifex Summus aliud nobis onus
imponit, præter utriusque Medici approbationem impetran-
dam? Numquid nostrum erit adversus Medicos, Theologos,
Parochos, & Confessarios Tribunal erigere, in eosque senten-
tiam pronunciare? Obediendum nobis est Superioribus: mini-
me examen instituendum in eorundem consilia, & sententias.
Videant ne superbiæ fumo obducantur illi, qui juniores Theo-
logos laxitatis accusant, assentationis, auræ mundanæ captan-
dæ, & multitudinis conciliandæ avidos calumniantur. Hanc
illusionem describit S. Bernardus *Epis. 7. Sed quid ad me?*
Ille viderit (Dispensator) cui contradicere fas non erat: non
est Discipulus super Magistrum. Docendus, non docturus. Se-
qui debui non præire Præceptorem Auditor. Quod sophisma
sic refellit Abbas Sanctus. Si absque examine Theologorum
placita suscipienda forent, quid S. Paulus clamaret? *Omnia*
probate, quod bonum est tenete. Ab omni specie mali abstine-
te vos. Quid clamaret Joannes? *epis. cap. 1. Nolite omni spiri-*
tui credere. Et S. Bernardus sic istos alloquitur. *Dic quæso,*
si dato in manus gladio, suum te armari jussisset in iugulum,
acquievisses? . . . Age ergo. Vide, ne forte sub prætextu obe-
dientiæ in quippiam ei gravius inservieris. loc. cit.

XXIV. Verum paulo pressius excutiamus istorum prætex-
tus. Et primum edisserant nobis, num quando Parochi, Theo-
logi, Confessarii jejunia, eleemosynas, preces, sacrorum li-
brorum lectionem: quando abesse a Theatris, a ludis, a di-
ver-

verticulis jubent : continuo ne illorum consiliis parent , & absque examine ullo , quæ præcipiunt , adamussim exequuntur ? Quot effugia non excogitant , quibus cuniculis eludere non conantur eorundem sententiam ? Dum favent gulæ , ventri , & concupiscentiæ obediendum , obsequendumque . Si contra contradicant appetitionibus vanis , tum rationabile obsequium esse debet , nihilque excipiendum , nisi ad severitatem cupiditatis , & avaritiæ critice exigatur . Quod obtrudunt , famæ detrahi Theologorum Confessariorumque , dum dicimus non omnibus indiscriminatim fidendum , Detractionis accusant Evangelistas , Apostolos , & Prophetas omnes . Et sane in Pastores , & Theologos invehitur Jeremias c. 23. *Væ pastoribus, qui disperdunt, & dilacerant gregem .* Item v. 11. 13. & 15. *Propheta namque, & Sacerdos polluti sunt, & in domo mea inveni malum eorum A prophetis Jerusalem egressa est pollutio super omnem terram .* Legatur integrum caput , immo legantur Prophetæ omnes . Quid si exemplis confirmare vellem , innumeros Theologorum suorum consiliis periiisse ? Vir ille Dei descriptus 3. Reg. 13. Jejunium fregit sane Propheta consulente , & tamen a leone occisus fuit . Nonne Accabus quadringentorum Prophetarum consiliis bellum aggressus fuit , qui tamen pœnas dedit , 3. Reg. c. 22. licet veros illos haberet Prophetas ? Non propitior erit illorum eventus , qui Theologos auribus blandientes libenter audiunt , oderunt vero eos , qui gulæ cupiditati , & ventri bellum indicunt .

XXV. Expergiscantur ergo Christiani , & aliquando sapiant . Deus non irridetur . Jejunia necessaria sunt , quia peccasti : necessaria sunt , ne pecces . Debita ob patrata scelera contracta , solvenda Divinæ Justitiæ sunt . Æffrenis concupiscentia , quæ libidinis flammam accendere pertentat , comprimenda est . Quam impotens in te luxuria sit , quam vehemens concupiscentia , quam necessario sit adiiciendum jejunii frænum : non Medico , non Parocho , non Theologo , sed tibi soli exploratum est . Tu solus omnium tuæ ægestatis calentissimus . Quid ergo bonam fidem obtrudis , quid Theologo-

gorum, Medicorumque authoritatem allegas ad excusandas excusationes in peccatis? Quid ignorantiae velamen prætendis illecebris tuis? Ignorantia hæc voluntaria est, & affectata. Vellem omnium animis insitum effatum S. Bernardi Senensis. *In quolibet statu in Ecclesia Dei, & in quolibet reperies innumerabilem multitudinem ignorare, quæ illis sunt necessaria ad salutem, secundum statum suum: quæ ignorantia a culpa mortali non liberat, neque excusat.* tom. 2. serm. 53. c. 1.

C A P U T IV.

P O S T U L A T U M II.

Archiepis. Compostel.

„ An ii, quibus concessum est vesci carnibus, possint in
„ vespertina refectiuncula ea quantitate carnis
„ vesci, quæ jejunantibus permittitur.

§. I.

Rationes excitandæ quæstiunculae.

I. **A** Cuti Juniores conceptis terminis propositam quæstiunculam non versarunt. Id forte in causa fuit, quod minime reputaverint illi coniungi jejunium cum esu carniū posse. Abstinētiā a carnibus non minus reputarunt illi ingredi essentiam jejunii, quam formam substantialem compositi Phisici. Et quemadmodum, sublata forma hac, deficit compositum, ita, sublata abstinētia a carnibus, impossibile jejunium judicarunt multi. Quamobrem cœnam, non cœnulam permittebant olim omnibus in esu carniū dispensatis. Nulla ergo illis occasio controversandi licita ne sit in vespertina collatione parvula carnis comestio.

II. Principia tamen nonnulli, pauci tamen, ut suo loco dicetur, posuerunt, quæ ansam dederunt in examen vocandi præfatam quæstionem. Docent itaque Neoterici aliqui, nihil in serotino jentaculo ciborum qualitatem referre, sed quantitatem. Hæc, non illa, inquiunt taxanda est. Quare de eis omnibus escis, quæ licite comeduntur in prandio, manducari in collatione aliquid posse contendunt, dummodo quantitas servetur. Et quamquam hanc opinionem improbent vel ipsi laxiores Casuistæ, ut mox videbimus, tamen neque huic Patroni desunt. Eam defendit P. Patritius Sporerius, qui totus in stuporem actus, quod suus P. Layman oppositum doceat, exclamat. *Negant æque multi licere . . . Mirabile dictu! ipse Layman.* Tam alta erat P. Sporerio de benignitate P. Laymani existimatio, ut æquabili animo ferre haud potuerit tantam illius, hac in materia, austeritatem. Sed integer P. Sporerii textus rescribendus est ex Appendic. ad III. Præcep. Decal. sec. 2. pag. mihi 284. n. 32. „ Spectata Moderna consuetudine, præsertim in no-
 „ stra Germania, jam diu tolerata, & plane invalescente,
 „ censeo, non tantum omnia prædicta **LICITISSIME** ab-
 „ sumi in *collatione*, sed etiam omnino probabilem, & tu-
 „ tam esse sententiam oppositam, nimirum in collatione
 „ vespertina jejunii *non esse attendendam qualitatem ciborum,*
 „ *sed quantitatem tantum* : adeo ut ex omnibus cibis, qui
 „ die jejunii licite possunt sumi in prandio, etiam piscibus,
 „ leguminibus, placentis, ovis, lacticiniis &c. in quantita-
 „ te modica & determinata, etiam liceat sumere in cœ-
 „ na. Ita expresse docent Caietanus V. jejun. c. 1. in fin.
 „ dicens. *Non referre quid quis in serotino jentaculoumat, si*
 „ *modum non excedat.* Et aliis citatis, Bonacina de *Legibus*
 „ *disput. ult. pun. 3. q. 1.* Et novissime noster Petrus Mar-
 „ chant. Trib. p. 2. tract. 12. tit. 3. q. 3. dub. 1. his om-
 „ nino verbis. *Respondeo ego in collatiuncula vespertina de*
 „ *qualitate cibi non esse altercandum, sed de quantitate dum-*
 „ *taxat.* Fundor : quia collatiuncula illa tolerata, vel per-
 „ missa est ad aliquam confortationem naturæ propter infirmita-

„ tem

„ *tem humanam : quid igitur refert , quo cibo illa confortatio*
 „ *fiat? Modo non excedatur , & cibus abstinentiæ ieiunii sit ac-*
 „ *commodatus &c. Ideo censeo, qualitatem cibi (modo ex prohibi-*
 „ *tis in diebus ieiuniorum non sit) collationem non vitiare , si in*
 „ *quantitate non excedatur. Hæc ille.,,*

III. P. Sporer, hoc textu sui P. Marchantii descripto , viribus receptis, & flatu, iterum mirabundus se se ad suum P. Laymanum convertit, & hoc epiphonemate suam claudit orationem. *Ego miror, Patrem Paulum Layman alias tam bonum Germanum in hac SOLA materia Patriotis suis fuisse tam austerum. Sic festive jocantur super iis, quibus æternæ salutis unicum negotium vertitur? In sacrarum ergo legum judiciis, in animarum tremendissimo regimine, favendum est Patriotis suis? Respectus & amor Patriæ habere hic locum debent? Nec quosdam pudebit, nos velut minus obsequentes in Casuistas ejusmodi arguere, si salvo erga eosdem obsequio, piaque excusata intentione, & animi simplicitate, tam inepta pronunciata deridenda lectoribus propinaverimus? Falso in patrocinium laxæ hujus opinionis Cajetanus asciscitur. Non fraudi, sed antiquæ consuetudinis inscitiae talis allegatio adscribitur. Tempore Cajetani in disputationem vertebatur, posset ne in collatione vespertina aliquid panis, aut quidquam fructuum, vel herbarum sumi. Respondetque Cajetanus, non referre quid istorum sumatur, servata quantitatis mensura, ut infra dicetur. Ob huius consuetudinis ignorationem, etiam alii pro hac opinione Caietanum laudarunt. Inter primos, qui hanc laxitatem propagavit, fuit Martinus Bonacina plurium damnatarum Propositionum defensor. Pauci tamen illum sequuti sunt. Verum in semitam.*

IV. Ex laudata doctrina hanc vi Probabilistici systematis argumentationem fortasse collegerunt aliqui, quæ postea excitavit propositum quæsitum. Probabilis sententia est, quæ docet non esse de cibi in collatione vespertina sumendi qualitate altercandum, disputandumve. Sed quisque omnium escarum, quas in prandio comestus est, in collatione sumere aliquid

valet, dummodo quantitatis taxatio servetur. Si prandii epulæ fuerunt pisces : si ex dispensatione aut consuetudine fuerint lacticia, ova, & cætera ejusmodi ; in collatione comedere poteris aliquid aut piscium, sive parvorum, sive magnorum, sive recentium, sive salitorum : aut lacticiniorum, puta unum ovum, aut aliquid casei, vel butyri. Heinc sic argui in Palestra Probabilistica potest. Hæc laudata sententia Probabilis est. Ergo licita. Probo majorem. Hanc opinionem defendunt quinque docti juniores Pasqualigus, Marchantius, Bonacina, Sporer, Bizozzer. Sed opinio quinque Modernorum est Probabilis : ergo &c. Nec refert P. Turrianum benignissimum Probabilistam hanc opinionem reprobare, ut scandali, & temeritatis plenam ; quia respondet P. Pasqualigus in proscrip-
pto opere de jejunio Decis. 115. P. Turrianus sua consuetâ facilitate in censurandis opinionibus, etiam quæ nullam censuram merentur, vocat oppositam sententiam scandalosam, temerariam, & contra bonos mores. Accedit quod post P. Turrianum hæc sententia nacta est alios duos Patronos, nempe PP. Sporer, & Marchant. Sunt itaque pro hac sententia sex Doctores Moderni. Imo etiam P. Basseus in flor. Theolog. v. jejun. 1. n. 9. Probabilem eam vocat : ergo aut Probabilis dicenda, aut improbandum Systema Probabilisticum. Præjacta Probabilitate ista, sic instauratur argumentatio. Juxta Probabilem sententiam omnes epulæ, quæ licitæ sunt in prandio, licitæ sunt, servata quantitate, in collatione vespertina. Sed carnum epulæ licitæ sunt, supposita legitima dispensatione, in prandio : ergo licitæ erunt in serotino jentaculo. Singulas expendamus propositiones. Major est certa. Facto enim nititur, quod pervium omnibus est. Non minus certa & evidens minor est. Consequentia autem legitima. Quid ? Licet in collatione vespertina aut recens sorbere, aut assatum comedere ovum, & non licebit frustum carnis sumere ? Si nutritionem spectes, an minus ova, quam carnes nutriunt ? Insignium Medicorum sententia, ova magis, quam carnes nutrire. Et ut ut sit de hoc majori nutrimento, convenit penes omnes, ova magnopere alere, & si recentiora sint, delicatam quoque comesturam præ-

præbent. Quamobrem ægrotis porriguntur tamquam cibus valde nutriens, & facilis digestionis. Porro semel posita carniū comestione, quis inficias ire poterit, licitum esse tot carniū, quot lacticiniorum uncias comedere in vespertina collatione? Utriusque generis epulæ sunt in prandio æque licitæ: sunt in nutritione plus minusve æquales. Ergo qua probabilitate permissum est cujusque generis piscium, ovorum, lacticiniorum, moderatam quantitatem sumere in collatione vespertina, eadem licitum erit comedere similem carniū quantitatem. Hæc, ut ego quidem arbitror, fuerunt instituendæ quæstionis propositæ argumenta. Nil quippe aliud occurrere potuit, quod excitandæ controversiæ ansam daret. Et sane admissa prioris sententiæ probabilitate, argumentatio inde elicitæ spernenda non esset; sed quam futilia sint omnia mox patebit.

§. II.

R E S C R I P T. P O N T I F.

„ Respondemus non licere, sed opus habere eo cibo, eaque
„ uti portione, quibus utuntur homines jejunantes
„ rectæ meticulosæ conscientiæ.

Origo, & progressus vespertinæ collationis.

V. **D**emonstrare minime valeo quam sit & vetustæ, & recenti Disciplinæ Pontificiū Rescriptum consentaneum, nisi rem ab ovo arcessam, atque tum levia, tum magna istius vespertinæ collatiunculæ incrementa patefaciam. Porro prima ejusdem vestigia in Monachorum collationibus, seu sacris lectionibus sero fieri solitis visuntur. Regula *Magistri* una ex antiquioribus prima est, quæ istius collationis indicia prodat *cap. 27*. Nam & *his ætatis diebus, cum ad nonam reficitur, sero, antequam compleant, binæ sufficiant omnibus portiones: ita tamen, ut antequam bibant,*

orent. Aquæ non vini potus erat, & mensura præstituta: *Bibere si voluerit aquam, non ab urceo uno haustu, sed ad calicis bibat mensuram.* Ejusmodi potus in jejuniis Monasticis tantum, secus in iis, quæ Ecclesiæ præcepto jubentur, permissus erat. Vespere enim hæc: illa, hora nona solvebantur. Circiter sæculum nonum mos iste Monasticus in Ecclesiæ jejunia immigravit, ut ex variis Monachorum Regulis apparet. Templariorum Regula ab Onorio II. approbata clarius cæteris consuetudinis hujus meminit cap. 16. *Audito signo, ut ejus Regionis consuetudo est, omnes ad Completas oportet incedere vos; ac prius generalem collationem sumere. Hanc autem collationem in dispositione, & arbitrio Magistri ponimus, ut quando voluerit ab aqua, & quando jubebit misericorditer ex vino temperato competenter recipiatur.* Collationem hanc fusius describunt Ordinis Præmonstratensis statuta, & Prædic. Ord. Constitutiones, quæ vocari campanæ sonitu, jejuniorum tempore ad hanc collationem, Religiosos imperant, atque in medio sacre lectionis ex Prælati licentia bibi permittitur. Solius potus fuisse collationem hanc declarat brevissima precatio, qua potum, non cibum a Domino benedici supplicatur. *Largitor omnium bonorum benedicat potum servorum suorum.* Const. Ord. Præd. *Distin. 1. cap. 6.* Quæ benedictio etiam in præsens usurpatur. S. Bonaventura tribus tantum vicibus bibendi in hac collatione permittit. *Ad collationem tempore jejunii faciendam, duabus tantum, vel tribus, si indiget, bibere vicibus, temperantiæ congruit.* p. 1. spec. dis. c. 21. Arbitraria prorsus est Cardinalis Cozza interpretatio, qua contendit non solum potum, sed cibum quoque permissum. Apparet ne in Bonaventuræ textu quidquam quod cibum indicet? Minime. Sed inquit Cozza, debet subintelligi, quia non est probabile, quod voluerit permittere, ut quis duabus, vel tribus vicibus bibat, nullo gustato cibo. p. 1. cap. 10. In facti quæstionibus similes distinctiones minus sunt aptæ. Interpres non advertit, dum hæc scribebat, ad illius temporis disciplinam. Ter bibere permittit Bonaventura illis, qui siti labo-

borabant. Nullus illius sæculi scriptor cibi meminit: sui temporis more captus scripsit eruditus Author. Alexander Alensis Latinorum jejunia præfert jejuniis Græcorum, quod isti in serotina collatione herbarum usum permetterent. *Ita est efficacius jejunium nostrum, & laudabilius quam Græcorum.* p. 3. q. 28. memb. 3. a. 3. Cardinalis Umbertus, qui sæculo XI. vivebat, in suis adversus Græcos Disputationibus iisdem improperebat, quod in Quadragesima fructus, herbasve in collatione vespertina sumerent, a quo abusu liberos Latinos asserit. *Quadragesimam diligenter observare contendimus, quam, ut aliquis, excepta gravi infirmitate, in aliquo infringat, sufferre nequimus. Nec licet cuiquam apud nos, sicut apud vos, post unam refectionem quidquam pomorum, aut herbarum diebus jejuniorum percipere.* Tom. 4. Bibliot. PP. p. 2. pag. 247. Theodorus Balsamon Patriarcha suæ Nationis morem excusat prætextu pauci cibi in prandio sumpti, additque illos tantum, præfatum cibum sumere, qui peculiari indigentia premebantur. S. Thomas expresse testatur, Latine Ecclesiæ Disciplinam unicam permittere comesturam. *Ecclesiæ moderatione statutum est, ut semel in die a jejunantibus comedatur.* 2. 2. q. 147. a. 6. Præter hanc unicam comestionem, electuaria sumi potuisse asserit, dummodo per modum medicinæ digestionem juvantis, non cibi famem extinguentis, acciperentur. *Unde non solvunt jejunium, sicut & aliarum medicinarum assumptio, nisi forte aliquis in fraudem electuaria in magna quantitate assumat per modum cibi.* loc. cit. Quoniam vero eorum erat electuariorum pretium, ideo communior, & facilioris pretii usus herbarum, vel fructuum terræ invehit. Celeberrimus Alphonsus Tostatus primus fuit, qui sæculo XV. sub examen induxit, licitum ne esset electuariorum loco quidquam herbarum, aut fructuum, vel panis frustulam comedere? *Sed quid, si quis non habens electuarium, accipiat modicum de pane, vel fructibus, aut quibuscumque aliis cibis, an frangatur jejunium? Aliqui putant, quod frangatur, quia isti sunt veri cibi.... Dicendum, quod non est ita securum sumere ista, sicut electuarium, quia isti sunt cibi veri.* Potest tamen dici, quod

quod si sumantur solum, ut stomachum disponant, ne potus sumptus noceat, jejunium non frangitur; quia licet isti sunt cibi, non sumuntur tamen, ut cibi, sed ut medicinae Et ad hoc oportet, quod sit valde parva quantitas panis, vel similibus rerum, & etiam quod non sumatur, nisi quando potus sumitur, ut non noceat; quia alias videretur sumi aliquammodo in remedium famis Securius tamen est, abstinere ab eis, nisi quis credat, quod potus sibi multum noceret. In cap. 6. Matt. q. 170.

VI. S. Antoninus Archiepiscopus Florentinus Toftato suppar, eandem versat controversiam, & eadem præter propter ac Toftatus docet 2 p. tit. 6 c. 2. §. 9. Unde cum communis usus Christianorum sit facere collationem, de sero aliquid parum sumere cum potu sine alia consideratione, quamvis non intendat sumere per modum Medicinæ, ne scilicet vinum noceat, sed innitantur consuetudini, quæ ea ratione videtur introducta, pie est interpretandum factum eorum, & excusandum, & hoc, nisi sumerent in quantitate notabili, vel de pluribus generibus fructuum, vel studiose ad nutriendum, minus congruum videtur panem sumere. Sumere autem bucellam panis frangit jejunium. Esus ergo panis tempore S. Antonini, qui vivere desit anno 1459. haud erat absolute permissus. Sylvester, qui sub initium sæculi XVI. scribebat, Doctrinam S. Antonini adoptat, additque panem sumi posse, si defint herbæ, aut fructus. Quia circa hoc legem aliam præter consuetudinem non habemus, dico, quod ubi est consuetudo, licite sumitur panis, si aliud non habetur (nimirum herbæ, vel fructus) vel si habetur, illud stomacho nocet. Cajetanus Cardinalis vir sui ævi summus, & ingenii acumine nemini secundus, pariter asserit non esse sumendum panem, nisi sit consuetudo inventa. Deferendum tamen est consuetudini loci, videlicet, ubi non consueverit sumi panis, non sumatur sine rationabili causa, puta quia fructus nocerent, aut non haberentur, aut non possent conteri dentibus. 2. 2. q. 147. a 6. In summula verb. jejun. addit parum referre sive panem, sive fructusumat. Quid heinc colligunt Probabilistæ aliqui? Cajetanum doce-

re

re non esse in jejunio spectandam qualitatem, sed quantitatem; atque adeo aliquid ex quibuslibet escis in prandio licitis sumi posse. Quod sane commentum absonum est, & falsum.

§. III.

*Casuistarum placita super cibi quantitate sumenda
in collatione vespertina.*

VII. **P**rimum sub potus specie, post sub medicinæ digestionem juvantis forma obtinuit collationis vespertinæ consuetudo: infra hæc confinia constitit ad sæculum decimum usque. Hac tempestate nova opinandi inventa methodo, medicina in cibum migravit. P. Leonardus Lessius animadvertit, eam suo tempore absolute licuisse sumere collationem nutriendæ naturæ causa. *Item sumentes collatiunculam vespertinam, etiamsi id faciant, non solum, ne potus noceat, ut olim; sed etiam alendi causa, & absque potu, quia consuetudo permittit &c. lib. 4. c. 2. dub. 2. num. 11.* Similia docet P. Joannes Azorius p. 2. lib. 7. c. 8. Fateor quidem illam primo cœpisse causa somni accipiendi, & idcirco etiam indigentia, more tamen, & consuetudine introductum est, ut ea absolute, & simpliciter utamur. Brevi adeo mos iste invaluit, ut in ipsis Regularium domibus obtinuerit. Prima recentiorum temporum Regula, quæ vespertini jentaculi meminerit, est illa PP. Theatinorum a Clemente VII. confirmata p. 2. cap. 3. *Jejuniorum tempore ad cœnulam simul accedant: cibum sedentes sumant: spiritualis lectionis cibo reficiantur.*

VIII. Ad quantitatem quod attinet, Ecclesiasticæ Disciplina strenuus instaurator S. Carolus Borromæus primus omnium, prout mihi constat, quantitatis limites huic collationi præstituit. *Semel tantum in die post meridiem cibum capiant. Quod si aliquid alicui amplius opus erit, Vesperipanis unciam cum dimidia, & vini poculum tantum capere liceat.*

IX. Istius quantitatis confinia mirum in modum Recentiores Probabilistæ amplificarunt. Vix alia reperiri materia potest, in qua mirabilius emicuerit nova Probabilitatis benignitas. Integros in folio tomos edidit, ut antiquam jejuniorum severitatem temperaret, aptaretque hodiernæ teneritudini. Pedetentim res processit, crevitque. Jacobus Graffius S. Carolo proximus præfinitam quantitatem pro medietate auxit, dilatavitque ad tres uncias. *1. p. decis. lib. 2. cap. 36. n. 25. Dicta collatio fieri potest vel parum fructuum, vel ficuum, vel panis solius v. g. duarum unciarum, vel utriusque, juxta morem Regionis sumendo.* P. Joan. Azorius *l. 7. c. 8. q. 8.* addidit unam unciam. *Refectiuncula vespertina certa & definita cibi quantitate... constare debet... quæ modica censeatur, qualis est panis quantitas, quæ trium unciarum vel quatuor est.* Azorio subscribunt Sa, Homobonus, Victorellus, Naldus, Lezana. Molfesius in *Sum. tract. 10.* ampliat usque ad sex uncias. *Largior, inquit, concessio a sex anciis infra eorundem ciborum, quibus vesci libet in quadragesima. Viri tamen timorati non excedunt tres, vel quatuor uncias.* Huic subscribunt Villalobos, & Filiuccius. Hieronymus Perez in *Sum. p. 1. præcept. 3. §. de jejun.* hanc quantitatem dilatavit ad septem uncias.

X. Tandem P. Fagundez *lib. 1. de 4. præcept. cap. 4. n. 13.* ubi hæc scribit. *Sæpissime in nostra Societate ex doctissimo Suariorum relatum audiui, octo uncias ex pane, & fructibus capi posse pro collatione serotina, absque fractione jejunii, & defraudatione legis illius.* P. Leander a SS. Sacramento *tract. 5. disp. 4. q. 13.* narrat eundem Fagundez addere *has octo uncias sive dimidiam libram sumi posse absque ulla necessitate, ratione consuetudinis; nec obstare, quod quis ea quantitate ita maneat saturatus ac alius, qui cœnaret splendide.* P. Leander, relato hoc textu, concludit. *Hucusque Fagundez & bene.* Huic sententiæ subscribunt Pasqualigus, Turrianus, Macchadus, Sanchez, Escobarius, Pellizarius, Baunius, Gesualdus, Castropalaus, & alii apud Leandrum. P. D. Antoninus *Diana tom. 4. tract. 6. Resol. 116.* scribit, hanc unciarum octo sententiam summo-pere lætificare omnes, eamque ambabus ulnis amplecti. *Cum*
quan-

quantitatem unciarum octo in dicta collatione licitam esse statutum sit, in hoc puncto non multos habebimus adversarios, quia talem quantitatem ab omnibus cum acclamatione, & brachiis expansis sustinendam esse video. Opportuna est hæc P. Antonini *Dianæ* animadversio, homines nempe cum acclamatione, brachiisque passis has complecti opiniones benignas, & blandas, quæ gulæ, cupiditati atque humanis appetitionibus explendis sunt accommodatissimæ. Et tamen benignior adhuc sententia superest. Joannes Henriquez in *pract.* 99. *sect.* 16. q. 4. apud eundem *Dianam loc. cit.* admonet præfatas octo uncias intelligendas esse fructuum aridorum, secus humidorum. Nam duodecim uncia humidorum non æquivalent octo aridorum. Hæc sunt ejusdem verba Hispanica omnibus captu facilia., „ Que la catidad de „ las ocho oncas por colacion non se de entender con las „ frutas muy humedas como son uvas, y cirvelas frescas „ y cosas semejantes porque doze oncas destas frutas muy „ humedas son ocho de las frutas secas, y assi la major „ catidad de lo humecto equivale a la menor catidad de „ cosas secas.

XI. P. Leander narrat sibi oppositum fuisse, hanc octo unciarum opinionem nimium esse laxam, & indignam, inquit ille, *Scriptori Discalceato, & austero*; sed continuo respondet. *Dico, quod ego non mihi Discalceato hæc scribo, nec pro me laboro, sed pro aliis præcipue secularibus, qui ægre jejunia ferunt, qui illa ut durissimum jugum aversantur, & impares ipsis humanas vires deplorant, & sic oportet eorum fragilitatem sublevare, & verbis Christi dicentis jugum meum suave est, & onus meum leve, eos oneris levitate invitare.* En patefactam, omnium laxitatum radicem. Longe duriora sunt atque difficiliora præcepta castitatis, dilectionis inimicorum, aliaque plurima, quam præceptum jejunii. Si ob difficultatem observantiæ laxandum est istud, potiori jure laxanda alia. Sensus, in quo oraculum citatum Christi adducitur, contrarius est Patribus omnibus, & bona venia erroneus videtur. Quoniam suave est jugum illud, quod per-

fusum sit gratiæ, & charitatis unctiōe, non quod humanæ naturæ suis viribus relictæ leve sit, & suave. Impositum hoc jugum est, ut carnem comprimat, passiones crucifigat, & amaritudinibus cor nostrum repleat, ut æternum gaudere queat. Quare communiter Probabilistæ summopere præfato Evangelico textu abutuntur. Sed hæc per transennam.

XII. Neque adhuc extrema benignitatis palato indulgentis confinia attigimus. Quartam cœnæ partem in vespertina refectiuncula sumi posse docent Reginaldus *tom. 1. prax. pœnit. lib. 4. c. 14. dub. 10. n. 185.* Layman *lib. 4. tract. 8. cap. 1. n. 9.* Filliucius *tom. 1. tract. 26. par. 2. cap. 3. n. 33.* apud Pasqualigum *Decis. 90.* Idem Filliucius asserit, hanc opinionem in celebri Accademia Theologorum approbatam fuisse. Eam evincere hoc pacto conatur. In cæteris rebus quarta pars censetur modica, ut in omissione Missæ, in omissione horæ canonicæ. Et reapse in jure pro modico accipitur pars quarta. Ex hac doctrina fortasse ortum habuit opinio illius Recentioris asserentis apud Gobatum teste P. Claudio La Croiz *lib. 3. p. 2. n. 1305.* modicam esse materiam etiam in non dispensato comedere octo uncias carnis in Quadragesima. Juxta sententiam P. Filliucii ventris amplitudo mensura est collationis vespertinæ. Principium allegatum falsum est. Si quarta pars parva reputaretur materia, non ergo lethaliter peccabit qui die veneris quartam comederet partem carnum illarum, quibus vesci die jovis solet? Quamobrem ligurire poterit integrum pullum columbare absque mortifera culpa. Parvitas enim materiæ a gravi culpa excusat. Principium ergo absolute acceptum erroneum. Quod autem nec respectu refectiunculæ ferotinæ hæc quarta pars sit modica reputanda materia, constat vel ex ipso communiori Probabilistarum consensu. Quamquam P. Leander a Santissimo Sacramento docet, non peccare mortaliter qui octo unciis duas adderet: pro qua sententia laudat Pasqualigum *decis. 105.* Petrum Ledesmam Joannem Sanchez, & P. Thomam Sanchez, qui *lib. 5. c. 1. dub. 25. n. 5.*

n. 5. ait. *Nota quod licet aliquantulo major justo collatio, non statim est peccatum mortale nisi sit notabilis excessus. Sic nonnulli docti Juniores. Isti docti Juniores præfiniunt limites ultimos vespertinæ refectiunculæ, & postea adjiciunt parvulum auctarium, ut omnis præcidatur scrupulorum occasio.*

XIII. Quisque sibi persuadet *non plus ultra* nos attigisse Casuisticæ benignitatis. Sed fallitur. Præfinita quantitas octo, & absque gravi culpa, decem unciarum, deservit plebeis, seu robustioris valetudinis hominibus. Disputandum nunc remanet, quæ quantitas præscribenda nobilibus viris sit? Quæstiunculam proponit Leander *loc. cit. q. 28. An viri nobiles, seu graves possint majori uti collatione, quam cæteri de plebe. Respondeo dicendum quod possint uti majori collatione.* Et pro sua sententia plures doctos Juniores allegat, nempe Pasqualigum, Layman, Sancium, Fagundez, Dianam, Bosium, Molfesium, Tannerum, Machadam, Trullenchum Villalobos. Jure igitur nobiles viri, ne ingrati animi arguantur, plaudant doctis junioribus, qui tanta benignitate desudant illorum commodo. Rursus inquit *q. 29. An qui sunt delicatioris complexionis possint majorem collationem sumere, quam qui robustioris sunt? Respondeo posse, laudatque Lamas, & Layman.* Ultra pergit quæritque *q. 30. An qui studiis vacant possint ampliorem refectiunculam sumere. Negat Pasqualigus. . . . Sed ego absolute longe probabilius respondeo posse ampliorem refectiunculam sumere, etiamsi continuo studiis non vacent, dummodo certis horis, hoc est quinque, vel sex studeant, etiamsi id faciant recreationis causa. . . . Sic sentit Layman.* Neque hic sistit gradum, sed universalius quærit *q. 31. An Advocati, Procuratores, & aliæ personæ, quæ ingenio laborant, possint largiorem collationem facere? Adfirmat Pasqualigus, casu tamen quo toto die ingenio laborent. . . . Sed ego absolute respondeo posse etiamsi tota die non laborent, sed per aliquas horas, nempe per quinque aut sex. Nec putes exhaustum esse universæ benignitatis fontem, nam q. 32. disputat. An qui male dormiunt, quando non cœnant, possint*

refectiunculam solitam excedere? Respondeo posse excedere in tota illa quantitate, quæ censeatur necessaria, ut possint congrue dormire. Sic Hieronym. Lamas, & Pasqualigus, qui bene notat ad hanc indulgentiam capiendam non requiri, quod somnus omnino non capiatur, sed ALIQUALITER.

§. IV.

Brevis animadversio in recensitas opiniones.

XIV. **D**UO fuerunt momenta præfatas referendi opiniones. Alterum, ut viam mihi pararem expeditam ad id, quod proposui evidenti argumentatione demonstrandum. Alterum, ut Christianis Lectoribus lacrymarum fontes aperirem. Erunt, non ambigo, qui me hæc præstitisse asserant, ut juniorum Theologum famam & auctoritatem in discrimen adducerem. Sed Deus scit, istos falli. Quoniam piam, sanctamque habuisse intentionem laudatos Theologos omnes salvandi, millies testati sumus. Eorum conatus, & studia suspicimus. Sunt jam illi extra censurarum nostrarum ictus. Adversus opiniones, quas populo Christiano in summo, & unico æternæ salutis negotio perniciosas, nisi nimius amor nos fallat, invehimur. Brevis nostra animadversio hæc est. In sola refectiunculæ vespertinæ quantitate præfinienda tot laxæ opiniones? Tot disputationes, de quibus nec verbum per quindecim sæcula apud majores nostros? Tam subtilia, & ridicularia, venia sit verbo, commenta, ut sub falsæ benignitatis fuco gulæ negotium peragatur? Major nobilibus, & delicatioribus, quam robustioris valetudinis hominibus refectiunculæ quantitas? Sola nobilitas novus titulus est exemptionis a legis severitate? Quid si referre isthuc vellem quæ de potus, cibique, extra prandium, & jentaculum ferotinum, sumptione docent? Non modo a vino, sed ab aqua etiam abstinere majores nostri, tempore refectionis excepto. Invectum bibendi vini usum extra prandium adeo dilatarunt Recentiores Theologi, ut hæc scribere non timuit P. Thomas

Tam.

Tamburinus *lib. 3. in Decal. c. 5. §. 2. 4. Sed licet bibere vinum, mustum, cervisiam, aquas ex herbis, vel ex eodem vino distillatas, etiam de mane, etiam ob SOLAM DELECTATIONEM, etiam multoties in die, etiam IN FRAUDEM jejunii. Ita Layman, Sanchez, Lezana, Fagundez. Nihil de Indico matutino potu dico. Disputant, liceat ne præter duas refectiões parvulam, & magnam sumere mel, pyra, uvasque recentes extinguendæ sitis causa? Ajunt Pasqualigus, Filliucius, & Trullenhus. Contendebant alii licere pluries in die quidquam pauxilluli cibi separatim sumere. Quam sententiam ab Alexandro VII. proscriptam, ut licitam efficerent, alii acutiores disputare cœperunt, liceret ne saltem aliquid cibi capere quoties bibitur, ne potus noceat, Ajuntque Diana, & Leander cum viginti Junioribus. Quin addunt, absque culpa veniali posse te aliquid cibi capere, ut vel amico id roganti indulgeas, vel ut odoriferum halitum stomachus mane efflet inquit Leander *disp. 5. q. 20. 21. 22. 23. Absolute respondeo, quod possit aliquid cibi aromatici sumere, ad tollendum malum odorem quem stomachus jejunus causat.**

XV. Quid ex hac brevi animadversione emolumentum? An Casuistarum contemptio? Absit. Illos cole, piam intentionem excusa. Quid ergo? Laxitatis, & erroris detestatio. Ut heinc colligas, quo nimia de morum regulis disputandi libido tandem recidat. Reputes tecum serio velim, ubinam in his disputationibus vera Christianæ pœnitentiæ imago appareat? Conferas velim cum Patribus nostris, sanctisque Doctoribus recitata, & innumera, quæ præterii, commenta, si comprehendere aues, quam luculentum sit Oraculum Alexandri VII., novum videlicet opinandi modum & a simplicitate evangelica, & a Patrum doctrina alienum esse. Sed hæc cursim, obiterque.

§. V.

RESPONSUM PONTIFICIUM

Excludens carnum esum a collatione vespertina *inviētis argumentis evincitur consentaneum tum antiquæ, tum hodiernæ Disciplinæ. Nec ipsi laxiores Casuistæ repugnant, immo communi assensione hoc idem docent, & potissimum Theologi Hispani.*

XVI. **R**esponsum Pontificium continet partes duas. Altera qualitatem, quantitatem altera spectat. De prima nunc, mox de altera. In prima parte Pontifex Summus carnum esum non licere in vespertino jentaculo edicit. Superiori paragrapho laxiores Casuistarum opiniones recensui, ut heinc validissimam argumentationem eruerem in causæ meæ præsidium. Et ne gratis id me asserere suspicetur quisquam, continuo sic argumentor. Recentiores Theologi eo nervos omnes intenderunt suos, ut severitatem quadragesimalis jejunii delinirent: nulli speculationi, nulli subtilitati pepercerunt, ut quantitatis limites amplificarent, & totam jejunii severitatem in suavitatem verterent. Hæc prima propositio ex documentis antecedenti paragrapho relatis evidens est. Atqui laudati Casuistæ unanimi consensu negant, licitum esse sive pisces, sive lacticia, quæ licite sumuntur in prandio, licitum esse quidquam ex iisdem in jentaculo serotino comedere. Ergo potiori jure illicita erit carnis comestio. Consequentia legitima est. Sola secunda propositio demonstranda superest. Eam porro evidentius demonstrare nequeo, quam eorundem Casuistarum textibus. Antequam illos refero, ratione ab ipsius jejunii natura petita, evinco coniungi haud posse cum vespertino jentaculo cuiusque carnis esum. Siquidem unica comestio est principalior jejunii pars: & ut tricas vitemus, omnes ad unum Theologi fatentur duplici comestura jejunium frangi. Porro
tunc

tunc iteratur comestura, quando illæ escæ comeduntur, quæ prandium, aut cœnam constituunt. Ejusmodi autem sunt pisces, lacticia, carnes. Ergo escæ istæ in collatione vespertina sumi nequeunt, ne iteratis esibus natura jejunii Ecclesiastici dissolvatur. Itaque Theologi, ut quoad fieri potest veram jejunii notionem salvent, in unica comestura sitam, adiecta appendice abstinendi a carnibus, docent in collatione vespertina nihil eorum manducandum esse, quæ rationem habeat epulæ, seu ferculi, quod in prandio comedi solet. Heinc bellaria, quæ post prandium sumuntur, sive fructus, aut herbas in jentaculo ferotino adhibenda censent. Hæc enim juxta communem sensum epulas, seu fercula non efficiunt. Idcirco dicimus comestionem non iterari, licet refectiuncula sumatur ex bellariis, fructibus, herbisve, quæ rationem epulæ non habent. Verum hæc non tam a ratione intrinsecus arcessita, quam a consuetudine pendent. Consuetudo tamen rationabilis sit oportet. Tum porro est rationabilis, cum bonum commune spectat. Corruptela vero dicitur, si eidem adversatur. Verum de hoc infra.

XVII. Propositionem meam nunc evinco communi omnium fere Recentiorum, & quidem laxiorum auctoritate. Ut sub initium capitis admonui, hi non disputarunt de licito usu carnum in vespertina collatione, quia societatem carnum cum jejunio vix agnovere. Quoties ergo probavero illos a vespertina collatione pisces excludere atque lacticia permessa in prandio, evidentissime inferam potiori jure eosdem excludere carnes. Duos primum omnium referam, qui sunt veluti duo prima probabilisticæ benignitatis capita P. Diana Siculus, & P. Leander Hispanus in emolliendis legibus nemini secundi.

XVIII. P. Antoninus Diana tom. 4. coord. tract. 6. Resol. 116. §. 6. hæc scribit. *Assero in dicta collatione sub onere peccati mortalis quantitatem licitam non posse sumi in piscibus, ovis, & aliis lacticiis, seu cibis substantialibus in cœna manducari solitis. Et ratio est manifesta, quia, ut dictum est, collatio est licita propter consuetudinem. Sed consuetudo,*
quæ

quæ introduxit dictam collationem, non solum præscripsit quantitatem, sed etiam qualitatem ciborum: nunquam vero per consuetudinem in collatione introducti sunt cibi, qui communiter ordinantur ad sustentationem, & inter fercula apponuntur, ut pisces, ova, legumina &c. ergo talia manducare illicitum, & peccatum erit. Verum quia multi nolunt hanc veritatem intelligere, ponam per extensum verba Doctorum.

„ Villalobos in *sum. tom. 1. tract. 23. dub. 7. n. 3.* Nequit fieri collatio ex piscibus, aut ovis, vel leguminibus; quia bellaria, fructus, herbæ &c. sunt collationis materia. „ Ex hispano sermone in latinum versa.

„ Azorius *p. 1. lib. 7. cap. 8. q. 9.* In refectiuncula vespertina solum edi possunt quæ ante vel post prandium sumi solent, quales sunt fructus arborum, herbæ, & alii quidam fructus leviores sumi soliti, ea tantum ratione, ne potus stomacho officiat, ut proinde sit corruptela, si cibi sumantur, qui potissimum ad nutriendum valent, qualia sunt legumina, & pisces „.

„ Reginaldus in *praxi tom. 1. lib. 4. disp. 14. dub. 10.* In refectiuncula serotina solum edi possunt quæ ante, vel post prandium, aut cœnam alias sumi solent, qualia sunt elevariæ, fructus arborum, puta ficus, uva, nuces, pyra, poma, herbæ &c. Si enim secus fiat, idest sumantur alii cibi, & qui valent potissimum ad nutriendum, ut sunt pisces, & legumina, non erit refectiuncula, sed jejunium solvetur. „

„ Filliucius *tom 2. tract. 27. p. 2. c. 2. dub. 6. n. 30.* Cibi, qui communiter ordinantur ad sustentandam naturam, & inter fercula apponuntur, videntur prohibiti esse: tales sunt pisces, ova, item juscula ex leguminibus amygdalato, & hujusmodi: Hæc enim omnia prohibentur; quia non solet numerari inter cibos ad jentacula, sed inter cibos ad alendam, & sustentandam naturam.

„ Layman in *Theolog Mor. lib. 4 tract. 8. cap. 1. n. 9.* Qualitatem cibi in collatione sumendi ajunt DD. communiter esse fructus, aut herbas adjuncto etiam pane, vel pisciculo „

„ culo parvo, secundum Azorium, qui fumo exsiccat, vel aceto maceratus sit, qualis etiam inter leviores cibos numerari solet, ut colligitur ex *cap. presbyter. dist. 82. & c. 2. de homicidio*; nam ipse postea Azorius corruptelam esse ait, si ii cibi fumantur, quia potissimum ad nutriendum valent, qualia sunt legumina, & pisces „.

„ Stephanus Fagundez de *Præcep. Eccles. tract. 4. lib. 1. cap. 4. n. 18*. Consuetudine ubique receptum est, ut in refectiuncula soli fructus cum modico panis capiantur: & hanc consuetudinem excedere non est licitum. Et si aliqui non nihil piscis adhibere soleant, *id quidem per corruptelam faciunt, non per consuetudinem legitimam*: communis enim consuetudo est, ut fructus modici, & modicum panis in collatione adhibeatur, non pisciculi parvi, nec tantillum magni piscis; non enim quantitas materiæ, sed materia prohibetur „.

„ Sancius in *Selectis Disp. 52. n. 8*. Nec ex cibis ad cœnam aptis etiam in minori mensura poterit accipi refectio. Obstat enim ad id consuetudo contraria, qua si non excusaretur collatiuncula de herbis, & fructibus, ne utique quam etiam nequiret assumi „.

„ Joseph Angles de *jejunio q. 9. ar. 2. dub. 4*. In collatione ferotina, ne illa fumantur, quæ per se ad nutriendum ordinantur, quales cibi sunt pisces, ova, & cætera: nam in his quamquam similis quantitas non violaret jejenium, ratione tamen quantitatis violaret „.

„ Vivaldus in *Candelab. aur. p. ult. c. 11. n. 25*. In refectiuncula comedi potest frustulum panis cum pyro, move cum uva, vel paucis ficis, nucibus, vel his similibus „.

„ Berarducius in *Sum. cor. p. 1. c. 2. n. 69*. In collatione ferotina comedi possunt aliqua electuaria, confectiones, vel panis dulciarius, fructus, herbæ &c. quæ ad nutriendum principaliter ordinata non sunt „.

„ Petrus Ledesma in *sum. tom. 2. tract. 17. c. 2. diff. 5. concl. 4*. Quisque in collatione sumere potest quartam partem pa-

„ nis, tres, aut quatuor oleas, & parum electuarii, aut
 „ quid simile: (& paulo post fol. 691) Nequeunt in col-
 „ latione comedi ova, nec alia id genus, quæ manducantur
 „ in coena. „

„ Jacobus de Graphis in *Decis. p. 1. l. 2. c. 37. n. 29.* Col-
 „ latio de sero fieri potest vel sumendo parum fructuum,
 „ vel ficuum, vel panis solius, vel utriusque juxta morem
 „ Regionis „.

„ Vega in *Sum. p. 1. cap. 14. cas. 5.* In collatione licet su-
 „ mere non fructus modo, aut panem, aut herbas separa-
 „ tim, sed etiam conjunctim „ (Latine versa.)

„ Antonius de Literatis in *Sum. p. 2. c. 19. n. 4.* Jejunans
 „ in sero diei, non debet sumere aliquod comestibile, quod
 „ in prandio consuetum est sumere; sed aliquid per mo-
 „ dum medicinæ, ne potus illi noceat „.

„ Molfesius in *Sum. tom. 1. tract. 10. c. 3. n. 24.* Nihil in-
 „ terest, si in pane, vel fructibus fiat hujusmodi collatio,
 „ quamvis decentius fiat in fructibus.

„ Sylvius in 2 2 q 147. a 6 *quæritur 2.* Consuetudini stan-
 „ dum est, quantum ad qualitatem ejus, quod pro colla-
 „ tione sumitur. Modicum panis accipi potest, vel seor-
 „ sim, vel una cum fructibus, herbis, aliisque cibis levio-
 „ ribus, cujusmodi sunt ficus, uvæ, nuges, poma, vel alia
 „ ex saccharo condita: imo & aliquid casei, vel butyri,
 „ ubi ita consuetudo obtinuit, non est illicitum „.

„ Vide etiam Lavorim *tr. de jubileo p. 1. c. 2. n. 10.* Be-
 „ jam *p. 1. cas. 3.* Sylvestr. *verb. jejun. q. 3. n. 10.* Rodriguez
 „ in *Sum. tom. 1. cap. 23. n. 8.* Medinam in *Instruct. Confess. lib.*
 „ *1. c. 13. §. 10.* Lamas in *Sum. p. 3. cap. 5. §. 24.* Ortiz in
 „ *Sum. c. 19. n. 10.*

XIX. Consideres velim Dianæ diligentiam, atque zelum
 in conquirendis benigniorum Casuistarum sententiis, ut effi-
 caciùs evinceret consuetudinem manifestam sumendi in col-
 latione serotina panem, bellaria, aut fructus tantum, reje-
 ctis piscibus, ovis, & lacticiiniis. Audias nunc velim ejusdem
 conclusionem, quam ibidem continuo subjicit. *Ex his omni-*
 bus

bus apparet : sine ratione , & fundamento contra communem Doctorem sententiam loquutum fuisse Bonac. de leg. disp. ult. punc. 3. q. 1. n. 3 ubi asserit, in serotina collatione , non tam cibi qualitatem, quam quantitatem attendendam esse : nam ut supra ex omnium Theologorum auctoritate probatum est, qualitas cibi in refectiuncula frangeret jejunium : & ita sentiunt plures Patres nostræ Religionis, & ex Societate Jesu a me de hac re consulti. Unde minime dubitandum est, contrarium facientes peccare mortaliter, & frangere jejunium. Scripsi hæc ad COMPRIMENDAM AUDACIAM aliquorum, qui ex auctoritate Bonacinae contrariam sententiam in praxi consulere audebant, quæ quidem sententia NON EST PROBABILIS, SED FALSA, quia est destituta rationibus, & est contra communem, ut visum est : ergo &c. Audistin quanto succensus igne fuerit vel ipse qui vocatur benignissimus novæ probabilitatis agnus adversus laxiorum Casuistarum audaciam ? Quid, quod quatuor alias Resolutiones, nempe 117. 118. 119. 120. adornavit contra improbabilem, falsamque opinionem ?

XX. P. Leander a SS. Sacramento tract. 5. disp. 4. q. 41. hæc scribit. *Tanquam certum mihi respondeo, quod in collatione non liceat uti piscibus recentibus. Primo, quia consuetudo omnium tam Doctorem, quam vulgarium hominum usque ad hæc nostra tempora oppositum tenuit, ut constat : ergo illam excedere non erit licitum, sicut non est licitum legem excedere. Nam consuetudo vim legis habet. Secundo, quia collatio propter consuetudinem dumtaxat est licita. Sed sic est, quod nunquam sint introducti pro collatione pisces, præcipue recentes : ergo illos manducare illicitum erit. Tertiò, quia sic tenent communiter Doctores. Syllabum texit Doctorem plurium, quos brevitatis gratia prætereo. Argutationes P. Pasqualigi in hac materia proscripti diluit Leander. Adeo futes sunt, ut illas negligere opportunum duco. Quod enim ineptius his argutiolis, quibus contendit, ideo pisces, secus fructus adhibendos, quod hi stomachum debilitent, secus illi ? quod pisces minus nutrant, quam nuges ? Qui istorum confuta-*

tionem avet, Leandrum legat. Piget enim in his quisquiliis tempus terere.

XXI. Quærit P. Leander q. 42. Utrum saltem liceat in collatione uti pisciculis fumo exsiccatis, faleque conditis? Ejus decisio hæc est. *Ut mihi certum respondeo non posse, quia nec ratio, nec usus virorum prudentum, & timoratae conscientiae ad contrarium tuendum urgent, ut constat, cum sit omnino contrarius. Sic communiter Doctores citati pro prima sententia.*

XXII. Quoniam in capitis titulo sponendi hanc sententiam me fore potissimum Theologorum Hispanorum auctoritate confirmaturum in medium profero Collegium Salmanticense Ord. Carmelitarum Discalceatorum. Hi perdocti, pii-que Theologi tract. 23. cap. 2. punct. 3. §. 3. n. 8. hæc scribunt. *Communis Doctorum sententia docet, non esse materiam collationis pisciculos parvos, sive recentes sint, sive fumo siccati; quia cum collatio serotina consuetudine sit introducta, etiam consuetudini standum est circa cibos, qui ejus materia esse possunt. Sed nullibi est consuetudo introducta sumendi in ea pisciculos parvos, ut testantur, Villalobos, Azor, Palaus, & alii infra citandi: ergo eos sumere non licet. Ulterius: nam pisces ex se ordinati sunt ad nutriendum, & sustentandam naturam: ergo eis non licet uti in collatione serotina. Sic Sanchez, Ledesma, Trullenchus, Villalobos, Palaus, Lezana, Fagundez Diana & alii. At numquid, inquires, graviter delinquet qui comedet unam haleculam, aut alium pisciculum fumo exsiccatum, salitumve? Quid gravem obtrudis culpam? Peccaret sane communi Probabilistarum consensu; sed graviter, aut leviter juxta materiae gravitatem. Peccaret potissimum, quod viam corruptelæ aperiret. A parvo pisciculo concesso ab Azorio progressum est ad pisces recentes, & magnos. Plura, si ibi gradum sisterent unde initium capiunt, permitti possent. At quia ulterior progressus communiter consequitur, ideo cavendum magnopere est, ne vel levia permittantur, dum abusibus, & corruptelis invehendis causam præbent.*

XXIII.

XXIII. Disputant tandem docti Recentiores, liceat ne in collatione vespertina casei, lacticiniorum, & ovorum usus, ubi hæc in prandio licita sunt? Licere usum casei defendunt aliqui, ut Laymanus, Ghetius, Pasqualigus, Sylvius, eo quod caseus inter fercula non reputetur, soletque cum bellariis inter secundaria mensæ dona apponi. Verum communis sententia oppositum docet. Et benignissimus. P. Leander *loc. cit. q. 44.* inquit. *Tanquam certissimum mihi respondeo, non esse licitum in prædictis diebus jejunii caseum, vel aliud quodcumque ex lacte confectum in collatione serotina. Quia consuetudo hac usque esum casei, & aliorum lacticiniorum non introduxit in collatione.*

XXIV. Ad ova quod attinet, tam Antiqui omnes, quam Recentes communiter non negant modo licitum ovorum usum, sed contrariam opinionem vocant improbabilem, falsam, & scandalosam. Audiamus Leandrum *loc. cit. q. 46.* *Ut certissimum mihi respondeo, non posse ova licite in collatione adhiberi, quia hucusque non est introductus usus ovorum in refectiuncula* Hanc nostram sententiam tenent omnes Doctores antiqui tenent etiam ex Modernis Sanchez, Villalobos, Ledesma, Bossius, Angles, Antonius de Leon. Tandem ipse Leander citat P. Luyfium Turrianum Theologum Hispanum Inclytæ Societ. Jesu, qui oppositam sententiam vocat *Scandalosam, temerariam, & contra bonos mores.* P. Diana similiter, ut falsam rejicit.

XXV. Ex quibus omnibus hanc colligo argumentationem. Licet Theologorum paucissimi permittant in collatione vespertina pisciculos parvulos, fumove exsiccatos, aut sale maceratos; tamen omnes, non modo antiqui Theologi, verum etiam vel Benigniores, ne dicam laxiores Probabilistæ, qui nullum non moverunt lapidem ut jejunii severitatem delinirent, laxarentque, negant licitum esse comedere aut pisces recentes, aut ova in prandio permessa. Potiore itaque jure damnant esum carniū. Ergo Pontificium Responsum non modo antiquæ, verum etiam recenti Disciplinæ consentaneum est: eidemque non modo prisca omnes, verum etiam Recentiores,

tiores & Theologi, & Casuistæ suffragantur. Negant isti licitum usum piscium, aut ovorum, quod hæc fercula constituent ex primaria intentione ad naturam nutriendam, saginandamque instituta. Sed Carnes omnium esculentorum fercula efficiunt lautiora, exquisitioresque epulas. Ergo urgentioribus rationum momentis a serotino jentaculo rejiciuntur. Quid, quod paucissimi illi Probabilistæ, nempe P. Pasqualigus, & P. Marcus Vidal, ambo proscripti, ideo defendunt cum nonnullis aliis Casuistis licitum esse edere aut pisces, aut ova ubi permittuntur, quia ova, aut reputantur inter bellaria, aut minus nutriunt, quam carnes. Ergo istorum quoque Probabilistarum conversione usus carniū permissus in prandio minime licitus in vespertino jentaculo est.

XXVI. Tandem admissio carniū esu in vespertina collatione, tota aufertur Ecclesiastici jejunii imago. Nam qui essent Theologi, qui licitas in collatione carnes assererent, oppido magis admitterent quantitatem octo aut decem unciarum, quam plurimi Probabilistæ propugnant, ut vidimus. Quid tum? Lautissimum pro sobrio stomacho cœnam efficeres? Duas habens panis uncias: medium pullum columbarum trium unciarum, ossibus detractis, pro primo ferculo. Turdum duarum unciarum, aut duas phasiani, vel perdicii: uncia superest bellariorum. Si latior venter sit adjicere poteris, quin graviter pecces, auctarium duarum unciarum, ut compleatur ad ultimos usque limites collatio Probabilistica. Næ istud egregium jejunium? En quo recidit nova *probabilizandi* seu argutandi ratio. Nonne hæc jejunii forma tum Catholicis, tum hæreticis scandalum pareret? Hoc eodem argumento Probabilistæ benigniores improbant in collatione ovorum usum. Audi Leandrum *loc. cit. q. 46. Si quis licite posset uti in refectiuncula ovis, licite certe, aut saltem absque fractione gravi jejunii posset in ea sumere duo, imo tria ova, cum duobus, aut tribus unciis panis, cum tota hæc quantitas non excedat octo, aut novem uncias: At hoc asserere est scandalosum, & temerarium, ut patet.*

tet. Quis namque fidelis cujuscumque fuerit conditionis non scandalizaretur videns alium fidelem in die jejunii vespertina in refectiōe se pari ovorum cibare? Nec est quod reponas. Quid si in parva quantitate trium, aut quatuor unciarum carnes comederentur in refectiuncula ferotina? Etiam hoc in casu te graviter peccaturum evidenter ex iis quæ dicta sunt colligitur. Qualitas enim ista communi Theologorum assensu exclusa est a ferotino jentaculo.

XXVII. Ad argumenta, seu verius sophisticas argutationes §. 1. hoc est responsum. Primum etiam permessa probabilitate sententiæ concedentis licitum ovorum usum, non propterea sequeretur licere carnes manducare. Nam ideo laudati Authores licita ova defendunt, quia minus, quam carnes nutriunt. Ergo ex licito illorum usu, non sequitur licitus usus carnum. Cæterum pernegamus aliqua vel minima frui probabilitate oppositam sententiam, quam, ut falsam, temerariam, scandalique plenam communi assensu rejiciunt vel ipsi benigniores Probabilistæ Diana, Leander, Turrianus, cæterique. Ipsemet P. Thomas Tamburinus alter benignitatis princeps scribit *lib. 4. c. 5. §. 3. n. 5.* Ova adeo ex diametro opposita esse jejuniō, ut vix unquam invenias, qui videns fidelem vespere ova comedentem, judicet eum jejunare. Ergo a fortiori collationi vespertinæ carnes repugnant. Accedit, quod oppositæ sententiæ Patroni nullius omnino sunt authoritatis. Duo præcipui nempe Pasqualigus, & Marcus Vidal ob extremam opinandi laxitatem proscripti sunt. P. Sporer est merus aliorum Authorum præcipue Tamburini, a quo methodum mutuatus magna ex parte est, collector, & quidem minus diligens. Nam hic laudat Cajetanum expresse docentem, licitum esse piscium, & ovorum usum, cum tempore Cajetani tantum de fructibus, aut pane, secus de piscibus, aut ovis disputaretur. Et ab hac impostura, quam eidem impingit P. Sporer, cum aliis vindicarunt vel ipsi PP. Layman *lib. 4. tract. 8. c. 1. n. 9.* Leander q. 42. Azorius, Bossius, & alii. Lege Cajetanum ipsum 2. 2. q. 147. a. 6. & in sum. verb. jejun. Quid quod nec ipse Bonacina

macina ova concedit? Numerus ergo Patronorum laxissimæ opinionis restringitur ad Marchantium, Sporerium, Lamas, Machadum, & Ghattium, qui & absolute minimæ sunt authoritatis, & si conferantur cum omnibus antiquis, & cum Probabilistarum multitudine oppositum docentium, nec consideratione digni sunt.

XXVIII. Tandem *Responsum Pontificium* sententiam nostram extra disputationis aleam, & in ultimo evidentis certitudinis gradu constituit. Hoc solum *Responsum* pro suprema decisione nobis est. Quæ in medium attuli eo spectant, ut quorundam ausus reprimant, qui minime verentur aut arbitrarii, aut nimii rigoris vel ipsas Pontificias Declarationes postulare. Idcirco, ut compertum fieret, quam sit Disciplinæ tum vetustæ, tum recenti dictum *Responsum* consentaneum, Recentiorum Probabilistarum placita expendere operæ pretium existimavi.

§. VI.

R E S C R I P T. P O N T I F.

„ Sed opus habere eo cibo, eaque uti portione, quibus utuntur homines jejunantes rectæ meticolosæ conscientiæ.

Qualitas, & quantitas cibi sumendi in collatione vespertina.

XXIX. **D**UO, ut diximus, documenta continet Pontificium *Responsum*. Primum carnes rejicit. Et de hoc hætenus. Alterum qualitatem, & quantitatem esculenti in collatione capiendi indicat his verbis. *Sed opus habere eo cibo, eaque uti portione, quibus utuntur homines jejunantes &c.* Hanc secundam *Responsi* partem brevissime expono. Et quod attinet ad qualitatem cibi, jam communi Probabilistarum auctoritate demonstravi excludendos esse a præfata collatione cujusque generis pisces, sive magnos, sive parvos,

vos, five recentes, five fumo exsiccatos, & potiori jure laticinia omnia, ubi permittuntur. De hoc amplius disputandum non est; fusius enim superiore paragrapho textus Dianæ, Leandri, aliorumque benigniorum Theologorum rescripsimus.

XXX. Recentium Theologorum, maxime Probabilistarum acumen nihil intentatum neglexit, ut jejunii austeritatem deliniret. Cum non potuerint in serotino jentaculo permittere five pisces, five pisciculos, sed solos fructus, bellaria, herbasve cum pane; disputare cœperunt, liceret ne saltem hæc omnia simul permiscere, & aqua adjecta coquere, aut sine aqua ignis calore ex iisdem jusculum extrahere, & iniecto pane offam efficere? Escobarius, Pellizarius, & Leander *loc. cit.* q. 35 adfirmant de pane madefacto, vel jusculo cocto. Negant Filliucius, Layman, & alii. De herbis elixis aqua sale, oleo, acetoque conditis vulgo *insalata* negant antiqui omnes, & insuper Navarrus, Vega, Vivaldus. Adfirmant vero Leander, Bossius, Layman. Eademque disputatio fervet super jusculo ex herbis, pane, fructibusque expresso, oleo, saleque condito. Acrius disputant super cremore amygdalino, vulgo *mandorlata*. Adfirmantem opinionem defendit more suo Pasqualigus in suo proscripto de jejunio opere, aliis citatis. Sed negant Layman, Sanchez, Trullenchus, Filliucius, Lezana, Bossius, Leander, & alii communiter, causa justa sublata.

XXXI. Hæc sunt Recentiorum Theologorum super qualitate jentaculi sumendi certamina. Quæ de unciarum quantitate disputant, supra narravi. Omnia hæc subtilissima mihi videntur eludendæ legis commenta, & gulæ demulcendæ artificia. Quid? Permittam ne ego præfata omnia, nempe mixtionem fructuum, herbarum, & ex eisdem expressa ignis calore juscula, & quantitatem octo unciarum? Damnabo ne illa lethalis culpæ? Aqua hic hæret, & quasi ira inardesco adversus Probabilistas, qui nos ad ejusmodi angustias redegere. Tanta disputationum certamina, ut latebræ jejunio quarantur? Nihil ætate nostra bona fide, & simplici Christianæ

pœnitentiæ spiritu decidendum? Nihil majorum nostrorum consuetudini deferendum? Omnia veluti supremi mundi Principes indicto ex utraque parte bello dirimemus? Continenter gladium lethale distringemus, ubique clamantes: est, & non est peccatum mortiferum. Ad Tartara descendes, si hoc egeris: portum attinges si abstinueris? Fateor me non leviter commoveri, dum similia lego in Recentioribus non paucis, qui Sanctorum Patrum, & antiquorum Theologorum doctrina, & ingenua illa, ut sic dicam, simplicitate, aut contempta, aut neglecta, omnia in disputationem, omnia in contentionem, omnia in discrimen adducunt; & versatili probabilitatis mucrone victoriam gulæ, & appetitionibus humanis ferre semper asserunt. A specie mali nos abstinere S. Paulus jubet. Culpa est: ergo cavenda inquiunt Patres omnes. Non adeo illis frequens disputatio, sit ne mortalis, aut venialis culpa: sed omnes nervos eo intendunt, ut culpæ omnes vel leviores vitentur, scientes, quod hæc ad graviora pertrahant. Contra Recentiores Probabilistæ continenter balances in manibus habent, ut venialia a mortalibus segregent. Passim ex tripode decidunt: hoc est mortale, hoc veniale. Quæ decisiones sæpe temeritate non vacant, cum frequentissime ejusmodi confinia nos lateant. Et quod pejus est. Venialia vix curant. Cum S. Paulo itaque, & Patribus dicendum. Culpa est. Ergo detestanda. In laudato nostro opere inscripto, *La Disciplina Antica, e Moderna della Romana Chiesa &c.* extrema rigoris, & laxitatis declinanda proposui. Octo, vel decem uncias, aut quartam partem cœnæ extremum est laxitatis omnino vitandæ. Quoniam hæc quantitas bene parata, ac in portiones tributa, sobriam cœnam porrigit. Solus panis, aut solæ herbæ, aut fructus unius tantum generis, ut tempore S. Antonini, Toftati, Cajetani, & S. Caroli Borromæi mos vigeat, alterum extremum nimii fortasse rigoris apparebit. Propterea his declinatis, tres circiter uncias panis, fructuum, herbarumque assignavi veluti medium inter utraque extrema. Quid? Evasi ne propterea Rigorismi censuram? Minime gentium. Quamvis & a natura ipsa ad benignitatem com-

comparatus sim, & Evangelica imbutus doctrina, malim de nimia misericordia, quam de nimia severitate Deo rationem reddere. Quid in præsens novi adferam?

XXXII. Paucis me expediam. Homines bene morati non pauci plus justo timent. Christiani criminibus obnoxii plus æquo audent. Illi libra accepta, super recula minima vitilitant. Isti concupiscentiæ lena conciliatricula dolos deglutiunt, sin ad satietatem, saltem ad sobriam moderatamque cœnam. Sat illis est, si cum aliqua fame a mensa surgant. Illudque admirationis cujusque limites transilit, quod isti, qui & graviarum culparum pondere gravati, & impotentiori libidine, cupiditate, aliisque pravis habitibus inquinati, pœnitentiæ frœno summopere indigent tum ut peccata futura devitent, tum ut debita gravissima Divinæ Justitiæ solvant, omnia efugia captant, ut cujusque veræ pœnitentiæ onus excutiant, ut ipsam jejunii legem deludant. Si istos reducere in pœnitentiæ semitam tentaveris, aquam cribro hauries. His itaque dimissis, Regulam prudentissimam, quam in suo Responso præbet BENEDICTUS XIV. feliciter regnans, exequendam inculco, illamque paucis explico. *Respondemus . . . opus habere eo cibo, eaque uti portione, quibus utuntur homines jejunantes rectæ meticulosæ conscientiæ. Quinam est cibus, quo vescuntur Christiani intaminatæ conscientiæ? Fructus, herbæ, panis. Quænam quantitas? Tres aut ad summum quatuor uncia. Qui hoc asserunt? Ipsi benigniores Probabilistæ, & celebriores Medici. Audi Jacobum Graffium i. p. Decis. lib. 2. cap. 36. n. 25. Dicta collatio fieri potest succendo vel parum fructuum, vel ficuum, vel panis solius, v. g. iugarum, aut trium unciarum. Audi Ioannem Azorium lib. 7. cap. 8. q. 8. An vespertina refectiuncula certa & definita cibi quantitate, & qualitate constare debeat? Respondeo debere, alioqui in cœnam transiret. Quare solum edi possunt quæ ante, vel post prandium, aut cœnam alias sumi solent, quales sunt fructus arborum, herbæ, & alii quidam fructus leviores sumi soliti; ea tamen ratione, ne stomacho potus noceat, & in quantitate, quæ modica censeatur, qualis est panis quantitas, quæ trium uncia-*

rum, aut quatuor est. Quid, quod ipsi Probabilistæ molliores, qui quantitatem amplificant ad sex vel octo uncias, advertunt, Christianos bene moratos non excedere tres, aut quatuor uncias. Ita testatur vel ipse P. Leander q. 12. referens testimonium Molfesii in *sum. tract. 10. cap. 3. n. 7. Largior concessio a sex unciis infra eorundem ciborum, quibus vesci licet in Quadragesima. Viri tamen timorati non excedunt tres, vel quatuor uncias.* Quid, quod celebriores Medici severius loquuntur. Paulus Zacchias lib. 5. tit. 1. q. 9. n. 16. *Quantitas cibi in jentaculo assumendi, ne jejunium frangatur, tam respectu sitis, quam somni, & consuetudinis, restringenda est ad modicum quid, quod UNCIAS DUAS, aut TRES ad summum non pertranseat.* Zacchias, Condronchius, Hecquet Clarissimi Medici sibilis excipiunt opiniones laxas sex aut octo unciarum, deridentque Casuistas, qui tantam quantitatem se permittere ajunt ob naturæ debilitatem, &, ut prostratis viribus remedium conferant. Mos innumerabilium fidelium, & Religiosorum conscientiarum rectæ meticulosæ, qui definitam quantitatem non excedunt falsitatis evincunt prætextus allegatos. Hæc omnia in citato nostro opere p. 1. cap. 5. §. 4. explicui. Et tamen, ut dixi, non defuere qui nos nimiae austeritatis incusaverint. Sed grates Deo habendæ, quod Supremus Ecclesiæ Hierarcha hanc regulam confirmaverit. Prudentissime limites unciarum ipse non definivit, quia materia hæc individuos limites non excipit. Medium quoddam præstituitur, seu meta, ad quam plus, minusve boni fideles suam conformare refectiunculam debent. Si bona fides vigeret, cujusque conscientiarum res hæc permetteretur. Verum quia homines impotenter ad laxa semper feruntur, idcirco limites aliqui figuntur, ultra quos prætergredi plus minusve non liceat. Quantitas a nobis præfinita trium, aut quatuor circiter unciarum recedit tum ab extremo laxitatis octo aut decem unciarum, tum ab opposito extremo unius, aut alterius unciae. Et tandem hæc est quantitas, quam testibus Probabilistis, *viri timorati non excedunt.* Porro Pontifex Summus præscribit, nos opus ha-

bere

bere eo cibo, eaque uti portione, quibus utuntur homines jejunantes rectæ meticolosæ conscientiæ. Advertas velim quanta prudentia adiectæ sint hæ duæ voces *rectæ meticolosæ conscientiæ*, ut excludantur a regula imitanda conscientiæ non rectæ, sed ad superstitionem meticolosæ, seu scrupulis, umbris, spectrisve agitatae aut laxæ. Recti ergo consilii, & prudenter moratæ conscientiæ homines jejunantes imitari debemus. Ejusmodi autem sunt, quales nos descripsimus.

XXXIII. Cum hæc adeo perspicua sint, & Pontificia etiam auctoritate firmata; quid causæ est, quod hanc ipsam sententiam nostram tanta moderatione, cautioneque circumscriptam plures nimii rigoris postulent? Respondeo, libros recentissimos quorundam Casuistarum tantorum esse malorum causam. Docti piique Authores optimo fine allevandi Iugum Christi, & faciliorem reddendi Paradisi viam, legem laxarunt. Et quamvis ab integro, & amplius sæculo declamatum sit adversus hanc laxitatem fucis benignitatis delibutam; nihilominus Theologi Recentiores, qui hac nostra tempestate post damnatas a Summis Pontificibus centenas & amplius propositiones, opera Moralia edunt, laxiorum Probabilistarum pronunciata transcribunt, & in compendium redacta imperitis lectoribus pia, ut dixi, intentione porrigunt. Unum Recentissimum nomino P. Dominicum Viva. Nullus dubito, quin futuri sint, qui me invidentiæ, odii, pravi-que animi detrahendi Clarissimi viri famæ accusabunt. Verum qui me judicat Deus est. Ille scit, solo fine retegendæ veritatis, & Christianos æternæ salutis periculo subducendi, me hæc scribere. Non adversus Doctum, piumque P. Viva, quem colo, suscipioque; sed adversus illius laxam doctrinam sæpe calamum acuo. Si fallor, & illius doctrina laxitatis expers sit, ostendatur, & in antecessum, quæ scribo, retracto. Interim Textum P. Viva transcribo, in quo quidquid laxitatis scripserunt hætenus hoc de argumento antiquiores, benignioresque Probabilistæ, ille collegit. Hæc quippe scribit in *suo Curs. Theolog. tom. 1. p. 2. q. 10. a. 3.*, Verum Bonacina de jejun. *q. ult. punct. 3.* Cajeta-
nus,

„ nus, Sot. aliique apud Dian. *part. 9. tract. 6. Resol. 8.*
 „ cum Tamburino *Probabiliter* putant, posse sumi octo un-
 „ cias ex pane, & piscibus sale coctis, nec non ex pulti-
 „ bus, seu minestris. Immo permittunt etiam aliquid ca-
 „ sei, cui permittunt lacticia. Excludunt autem ova,
 „ utpote magnæ substantiæ, & nutritionis, & ex diame-
 „ tro opposita jejuniis. Contra vero, quia non est certum
 „ consuetudinem sumendi jentaculum introductam esse sub
 „ hac stricta necessitate, ut non possit nisi panis cum fru-
 „ ctibus, aut herbis comedi; ideo etiam pisces sale cocti,
 „ & minestræ permitti possunt, dummodo cum pane debi-
 „ tam quantitatem non excedant. *Certum enim est, jenta-*
 „ *culum sumi posse. Dubium vero, an hi cibi substantiales*
 „ *sint exclusi? Igitur prævalet libertas illos sumendi. Sic di-*
 „ *scurrit Tamburinus*: cujus sententiam non amplecterer, ni-
 „ si putarem consuetudinem jam introductam, ut etiam exi-
 „ gua parte piscis majoris, ut loquitur Bonacina *loc. cit.* non
 „ tamen ovis in refectiuncula cum pane vesci possimus in
 „ debita quantitate *octo unciarum*, quam si quis parum ex-
 „ cederet addendo *unam, vel alteram unciam* ex Filliucio,
 „ Leandro, & aliis apud Dianam *loc. cit. resol. 15.* nonnisi
 „ venialiter peccaret, *propter parvitatem materiæ* superaddi-
 „ tæ, dummodo alias eodem die parvitatem materiæ non
 „ sumpserit,,.

XXXIV. Ambo & quantitatis & qualitatis laxa extrema in hoc suo textu perstringit P. Viva. Si quantitatem spectes, docet quidquid laxius hætenus dictum est, nempe decem esse posse vespertini jentaculi uncias. Octo absque peccato veniali, & decem cum veniali noxa. P. Pasqualigus, cujus opus hoc de argumento damnatus propter nimiam lachitatem est, de octo unciis scribens *Dec. 91. n. 5.* inquit. *Absolute autem, qui nulla habita ratione complexionis sumeret octo uncias, non damnares saltem peccati mortalis; quia ad summum parum excederet debitam mensuram, si illa esset tantum sex unciarum.* P. Viva, ut etiam in hoc puncto patefaceret, quantum sit in benignitate propensus, ultimos benigni-
 tatis

tatis terminos complexus est, quos fixerunt Leander, & Filliucius. Quia vero Leander, & Filliucius rejiciunt a vespertina collatione pisces, lactinia, ova, caseum &c. eos deserit veluti Rigoristas, & ad suum se recipit Tamburinum, qui opinionem docet juxta P. Dianam improbabilem, falsam, temerariam, & scandali plenam, videlicet licere in serotino jentaculo sumere pisces sale coctos, & etiam partem piscis majoris ex Bonacina caseum, pulmenta, seu *minestras*. Hanc opinionem, ut improbabilem rejiciunt omnes, non modo antiqui, sed etiam Probabilistæ recentes, paucissimis exceptis. P. Viva autem, ut hanc laxam opinionem propagaret, fuco probabilitatis eam depingit. *Cum Tamburino Probabiliter putant*: unde habes hanc opinionem *Probabilem* esse? Ab autoritate? Non. Quoniam ex Diana, & Leandro transcripsimus textus benigniorum Probabilistarum? Ab ipsa natura jejunii? Pejus. Intuere jejunii tui instructam mensam. Appono duas uncias sive panis, sive leguminis pro pulte seu *minestra*. Duas alias panis uncias ad manducandum cum obsonio. Duas unius acipenseris elixati, & duas alias uncias trutæ assæ. Si latior venter fuerit, addam absque gravi jejunii læsione duas alias bellariorum, sive fructuum uncias. Merum autem ad satietatem, quia liquida non frangunt. Hoc est jejunium tuum. Næ isthæc nativa Quadragesimalis jejunii gulam cohibentis, carnem macerantis imago? Unde ergo habes, Tamburini opinionem esse Probabilem? Numquid heinc? *Si liber sit alicujus Junioris, & Moderni, debet opinio censeri Probabilis, dum non constet rejectam a Sede Apostolica tamquam improbabilem*. At hæc opinio ab Alexandro VII. damnata est. Numquid ex altera? *Generatim dum probabilitate sive intrinseca, sive extrinseca, quantumvis tenui, modo a Probabilitatis finibus non exeatur, confisi aliquid agimus, semper prudenter agimus*. Verum & hæc damnata est ab Innocentio XI. quamque Tamburinus conceptis verbis docet *lib. 3. in Decal. c. 3. §. 2. n. 3*. Tenuissimæ ergo ad summum probabilitatis esset præfata opinio atque adeo proscripta. Unde tandem colligis pro-

probabilem esse Tamburini opinionem? Ex consuetudine? Scilicet. *Cujus* (inquit P. Viva) *sententiam non amplecterer, nisi putarem consuetudinem jam introductam, ut etiam exigua parte piscis majoris . . . eum pane vesci possimus in debita quantitate OCTO unciarum, quam si quis parum excederet addendo unam, vel alteram unciam, nonnisi venialiter peccaret.* Consuetudo hæc appellatur? Turpis est corruptela, non consuetudo. Quænam consuetudinis prerogativæ necessaria? Ut non adversetur bono communi, seu fini proximo legis. Ut Superioris auctoritate approbetur. Ut populi, non prævaricantis, sed recte morati praxi firmetur. Hæ omnes conditiones defunt collationi, quam obtrudit P. Viva. Adversatur fini proximo, seu intimo, immo naturæ ipsius jejunii. Christiani omnes rectæ conscientiæ eidem repugnant. Eam omnes & antiqui, & moderni Probabilistæ, paucis exceptis, detestantur, ut allatis illorum verbis ostensum est. Ergo non consuetudo, sed immanis corruptela est. Ratiuncula, quam ex Tamburino transcribit totidem verbis P. Viva, ineptum sophisma est. *Certum est jentaculum sumi posse.* Verum habet. *Dubium vero an hi cibi substantialis sint exclusi.* Quid inde? *Ergo libertas prævalet illos assumendi.* Consequentia falsa, & erronea. Dubium est, an hi cibi substantiales jejunium violent? Jejunii lex certissima est: ergo lex certa adversus consuetudinem dubiam, non consuetudo dubia adversus legem prævalere debet, omnibus Probabilistis consentientibus. Consuetudo, quam opponit P. Viva, est corruptela plurium Christianorum, qui absque ulla vera necessitate dispensationem edendarum carnum impetrant, qui quidquid aliud cogitant quam gulæ contradicere, quam appetitiones cohibere, & corpus abstinentiæ severitate macerare. Actum de omnibus sanctioribus & legibus esset, si plurimorum fidelium praxis consuetudinis legem abrogantis vim haberet. Illud tandem, quod displicet in P. Viva, & quod Lectoribus recordor, est, quod passim Authoribus Dominicanis errores impingit. Cajetanus pro laxa sententia octo unciarum & piscium citatur, cum exploratum sit, Cajetanum di-

disputare solum de licito panis, vel fructuum usu, ut Laymanus, Leander, & cæteri adverterunt. Nec lectio apud Dianam suffragatur, quia in re gravi, & quando de primo, & gravissimo authore alicuius sententiæ disputatur, fons adiri debet. Sed passim P. Viva, ut sibi caveat, authores allegat apud Dianam, apud Tamburinum, apud Sanchez. Sed hoc non est authoris, inquiunt Cardenas, Navarrus, & alii, sed collectoris, meri summistæ, & librarii. Hæc recogitent qui nobis imponunt per summam calumniam textuum alterationem, quin unquam id evincere potuerint. Tandem ultimo loco laxam opinionem refello auctoritate Pontificii Responsi: Eam Pontifex Summus qualitatem, & quantitatem cibi approbat, quo uti solent *ieiunantes rectæ meticulosæ conscientiæ*. Ergo non approbat, sed improbat qualitatem, & quantitatem, quam ieiunantes laxioris conscientiæ adhibent. Hi enim in vespertino jentaculo sumunt portionem piscis etiam maioris, caseum, pultes, *minestras*, usque ad octo, aut decem uncias, ut docet P. Viva. Hoc est autem ultimum laxitatis extremum a quo sane distant ieiunantes *rectæ meticulosæ conscientiæ*. Ergo opinio P. Viva utriusque generis & qualitatis, & quantitatis extremam laxitatem comprehendit; atque adeo undequaque improbabilis, & falsa est.

CAPUT V.

POSTULATUM III.

„ An qui jejunii tempore vesci carnibus permittuntur, &
 „ unica comestione uti debent, horam jejunantibus
 „ præscriptam, fervare opus habeant?

§. I.

*Rationes, quæ præfata quæstioni viam aperire
 fortasse potuerunt.*

I. **E**Xcitata quæstionis causam revera ignoro. Admisso
 quippe præcepto unicæ comesturæ fervandæ, etiam
 ab iis, qui carnibus vescuntur, confectarium necessarium est
 hora jejunantibus præscripta solvendum jejunium esse. Si
 conjecturis indulgendum sit, id fortasse in causa fuit, quod
 Recentiorum Probabilistarum plures negant aliquod reperi-
 ri præceptum, aut consuetudinem, quæ sub gravi culpa
 horam sumendæ comestionis præstituat. Hanc opinionem in-
 trepide propugnant P. Thomas Tamburinus *lib. 4. in Decal.*
cap. 5. §. 4. n. 2. his verbis. „ Ajo primo, non esse de essen-
 „ tia jejunii Ecclesiastici, nec de præcepto horam come-
 „ dendi meridianam. Non de essentia quia jejunii es-
 „ sentia est solum unica comestio (*animadvertant Authores*
 „ *Diatribæ, Dissertationis, Defensionis*) cum abstinencia a
 „ certo genere ciborum Non de præcepto vel consue-
 „ tudine obligante, quia quamvis non nemo illam quærere
 „ satagat, nunquam invenit tamen. Ajo insuper, consequen-
 „ ter non esse mortale horam prædictam anticipare, etiamsi
 „ comedatur summo mane „. Laudat pro hac opinione
 Layman, Filliucium, Bonacinam, Toletum.

II. P. Dominicus Viva raro a benignitate P. Tamburini
 recedit, quin passim illius placitis subscribit. Præfatam ejus-
 dem

dem opinionem & paucioribus rationem præcepti Ecclesiasti-
vendit in Curs. Theol. tom. 1. p. 2. & sedere in die naturali, &
sum etiam est dari aut præceptum ieiunii carnium, & ab ovis
viter obligantem ad non anticipandum. Hic collige, quanta sit
ridiendi.

III. Fatendum tamen est, quod hæc Angelus pro laxa contra-
tiquorum aliquos hanc sententiam surrectamata in caput solent de
Alexander Alensis, & scribit, horam ieiunii præstitu-
Recentioribus laudat. In summus 2. p. tit. 6. cap. 2. § 10. Ter-
tate in utramque partem ex horæ nimia anticipatione.

Major pariter in 4. dist. 15. q. 6. Major pariter
bit. Tamen hora duodecima, quan-
endit, est consuetudo Christianorum
anus 2. 2. q. 147. a. 7. hæc scribit.
nes communiter judicant non jejunare
ante consuetam horam, qua jejunan-
edunt, evidenter patet, quod hora con-

Hora
tatio, quæcumque hora sit illa, est de ne-
tenetur ergo quilibet ad consuetam horam
ut tenetur ad jejunium ipsum. Idem do-

IV. P
præfor
ram
dun
sac
tu
2
momentum
momentum
facti ver
atem fatentur, nem-
, &
ieiunii consuetudinem vi-
omnes de hac hora
aspicue gravem pro-
obabilistæ oppositum
Formam substantia-
lem

C A P U T V.

P O S T U L A T U M III.

„ An qui jejunii tempore vesci carnibus permittuntur, &
 „ unica comestione uti debent, horam jejunantibus
 „ præscriptam, fervare opus habeant?

§. I.

*Rationes, quæ præfatæ quæstioni viam aperire
 fortasse potuerunt.*

I. **E**Xcitata quæstionis causam, revera ignoro. Admisso
 quippe præcepto unicæ comesturæ fervandæ, etiam
 ab iis, qui carnibus vescuntur, confectarium necessarium est
 hora jejunantibus præscripta solvendum jejunium esse. Si
 conjecturis indulgendum sit, id fortasse in causa fuit, quod
 Recentiorum Probabilistarum plures negant aliquod reperi-
 ri præceptum, aut consuetudinem, quæ sub gravi culpa
 horam sumendæ comestionis præstituat. Hanc opinionem in-
 trepide propugnant P. Thomas Tamburinus *lib. 4. in Decal.*
cap. 5. §. 4. n. 2. his verbis. „ Ajo primo, non esse de essen-
 „ tia jejunii Ecclesiastici, nec de præcepto horam come-
 „ dendi meridianam. Non de essentia quia jejunii es-
 „ sentia est solum unica comestio (*animadvertant Authores*
 „ *Diatribæ, Dissertationis, Defensionis*) cum abstinencia a
 „ certo genere ciborum Non de præcepto vel consue-
 „ tudine obligante, quia quamvis non nemo illam quærere
 „ fatagat, nunquam invenit tamen. Ajo insuper, consequen-
 „ ter non esse mortale horam prædictam anticipare, etiamsi
 „ comedatur summo mane „. Laudat pro hac opinione
 Layman, Fillucium, Bonacinam, Toletum.

II. P. Dominicus Viva raro a benignitate P. Tamburini
 recedit, quin passim illius placitis subscribit. Præfatam ejus-
 dem

dem opinionem & paucioribus verbis, & decretorie dividendit in *Curs. Theol. tom. 1. p. 2. q. 10. a. 2.* his verbis. *Falsum etiam est dari aut præceptum, aut consuetudinem graviter obligantem ad non anticipandam comestionem ante meridiem.*

III. Fatendum tamen præter recentiores Probabilistas antiquorum aliquos hanc eandem propugnasse opinionem: ut Alexander Alensis, Gabriel, Angelus, aliique. Plurimos ex Recentioribus laudat Leander, qui sua versatili probabilitate in utramque partem rem probabiliter disputat.

§. II.

R E S C R I P T. P O N T I F.

„ Edicimus observandam iis esse.

Hora solvendi jejunii Ecclesiastici est præter propter meridiana.

IV. **P**ontificium ergo Rescriptum edicit observandam esse iis, qui carnibus vescuntur, horam jejunantibus præscriptam. Quare nec ambigendum amplius videtur horam hanc sub præcepto cadere. Quænam hæc sit, indicandum. Paucis rem universam perstringam. Primis Ecclesiæ sæculis circiter vespertas ieiunium solvebatur, quæ consuetudo alibi usque ad octavum, alibi usque ad decimum, & amplius sæculum obtinuit, etiam in Ecclesia occidentali. Intervallum vesperarum tum tribus constabat horis Solis occasui proximioribus. Tres aliæ, quæ meridiem consequuntur, Nonæ spatium constituiebant. Tempore S. Thomæ, nempe sæculo XIII. hora nona ieiunantes reficiebantur. Paulatim mos immigravit in meridiem, qui nunc viget.

V. Nullum urgere præceptum, nullamque consuetudinem, quæ sub gravi culpa differre ad hanc circiter horam prandium obliget; ideoque ostendere conantur Recentiores,

N ij quod

quod hora sumendæ refectionis ad essentiam, seu substantiam ieiunii non pertineat : est enim illius conditio tantum. Ergo, hora neglecta, natura consistit ieiunii. Nulla futillior argutatio in morum controversiis, quæ a libera legislatoris voluntate pendent. Nec illorum delectus iuxta veram sententiam ingreditur ieiunii essentiam, sed appendix est eidem libera voluntate addita. Horæ istius observantiam fatemur conditionem esse ieiunio adiectam. Quid inde? Propterea ne præscribi sub gravi culpa ab Ecclesia non potuit?

VI. Eo ergo quæstio recidit, ut evincamus consuetudinem obtinere, quæ horæ istius observantiam sub gravi culpa imponat. Porro quod semper, quod ubique, quod ab omnibus in Ecclesia observatum est, sub gravi onere præscriptum esse, iuxta monitum Lirinenfis, convenit penes omnes. Levis quippe obligatio his prærogativis nunquam insignita fuit. Cuiusque autem sæculi, & cuiuslibet Christianæ nationis Scriptores clamant, ieiunantes protraxisse semper aut ad vespertinam, aut ad nonam, aut ad meridianam horam refectionem solitam. Quid, quod istius horæ designatio adeo est, fuitque semper ieiunio intima, ut & in veteri lege, & penes ipsos Ethnicos, Turcasque semper viguerit, vigeatque in dies. Si plura cupis, lege doctissimum, unaque piissimum Cardinalem Bona de *Divin. Psalm. c. 9. §. 3.*

VII. Alterum rationis momentum, quod prius confirmat, habeto. Usque ad sæculum XIII. nec in disputationem vocata unquam fuit gravis istius consuetudinis obligatio. Post, Theologi & doctrina celebriores, & numero superiores consuetudinem hanc graviter obligare semper propugnarunt. S. Thomas 2. 2. q. 147. a. 7. ad 2. *Ad jejuniū requiritur hora determinata, non secundum subtilem examinationem.* Durandus in 4. dist. 15. q. 10. n. 4. inquit : *ægros jejunii lege esse solutos, quia non possunt horam servare jejunii, & quæst. 9. n. 7. scribit : tempus comedendi die jejunii esse circa horam sextam.* Paludanus in 4. dist. 15. q. 4. a. 4. inquit : *jejuniū frangitur notabili horæ anticipatione sine causa, & in Quadragesima oportet expectare non vespertinam dici, sed officii.* Ricardus de Media Villa in 4. dist.

dist. 15. a. 3. q. 7. Unde sub determinationem præcepti Ecclesiastici de jejunio non cadit nisi semel comedere in die naturali, & hora determinata, & abstinencia ab esu carniū, & ab ovis & caseo in quadragesimali jejunio. Hic collige, quanta sit diligentia, quam ostentat Leander in allegandis Authoribus, cum Ricardum hunc cum Scholiaste Angeli pro laxa contraria opinione citet. Cardinalis Turrecremata in caput solent de consec. dist. 1. dub. 2. luculenter scribit, horam ieiunii præstitutam ab Ecclesia esse. S. Antoninus 2. p. tit. 6. cap. 2. § 10. Tercio, inquit, vitiatur jejunium ex horæ nimia anticipatione. Hoc idem docet Carthusianus in 4. dist. 15. q. 6. Major pariter in 4. dist. 15. q. 3. hæc scribit. Tamen hora duodecima, quando sol medium cælum conscendit, est consuetudo Christianorum comedere. Cardinalis Cajetanus 2. 2. q. 147. a. 7. hæc scribit. Ex hoc, quod omnes homines communiter judicant non jejunare illos, qui tam notabiliter ante consuetam horam, qua jejunantes solent prandere, comedunt, evidenter patet, quod hora consuetæ comedendi pro jejunio, quæcumque hora sit illa, est de necessitate jejunii Tenetur ergo quilibet ad consuetam horam prandii in jejunio, sicut tenetur ad jejunium ipsum. Idem docet Sylvester verb. jejunium n. 9. Astensis in Summa lib. 6. tit. 28. a. 5. Joannes de Tabia verb. jejun. Rosella verb. ieiun. Joannes Medina in Cod. de jejun. q. 1. & 6. & 11. Martinus Navarrus in sum. c. 21. Panormitanus in Rubr. de observat. jejun. n. 2. Ex Recentioribus vero Azorius, Graffius, Covarruvias, Angles, Vega, Fagundez, Sanchez, Lamas, Ghetius, Lavorius, Homobonus, Joannes a Cruce, Ledesma, Reginaldus, Barbosa, & ne tempus inutiliter teram, communiter omnes Antiprobabilistæ.

VIII. Tertium rationis momentum ejusmodi est. Ipsi Antiprobabilistæ compertissimam facti veritatem fatentur, nempe semper, & ubique horæ solvendi jejunii consuetudinem viguisse in Ecclesia. Accedit, quod Patres omnes de hac hora loquentes, iis utuntur formulis, quæ perspicue gravem produunt obligationem. Eccur ergo pauci Probabilistæ oppositum asserunt? Quia hæc hora non attinet ad Formam substantialem

lem jejunii, sed conditio est extima, & accidentalis. Hæc unica eorum ratio, quam supra obiter propulsavi, nec validiorem postulat confutationem.

IX. Postremum momentum sententiæ nostræ est universi Christiani populi sensus. Se jejunare minime fideles credunt, si nimio intervallo horam antevertant. Et si mihi libere dicendum, quod sentio, est, nulla vel minima probabilitate fruitur adversa opinio, cum adversetur communi fidelium veluti insitæ persuasioni.

X. Quamquam plurima sunt eorum, quæ a voluntate libera pendent, quorum ratio nec assignari, nec jure exigi possit; tamen sententiæ nostræ hanc suscipe congruentiam, quam exhibet etiam Paulus Comitulus Theologus gravissimus *lib. 4. q. 50.* Jejunii intimus finis eo tendit, ut gulam cohibeat, corpusque maceret, & concupiscentiam frœnet. Ejusmodi fini non parum congruere sera hora videtur. Ergo expediens fuit eam graviter ab Ecclesia præscribi. Nec dicas, idem intervallum fluere ab hora tertia, vel quarta matutina ad alteram tertiam, aut quartam diei sequentis, ac a meridiana ad alteram meridianam. Ergo eadem est corporis afflictio, sive mane, sive circiter meridiem comedatur, cum tantumdem sit utriusque extremi intervallum fluens. Verum experientia universalis compertum est, quod corpus mane a somno recreatum, non valde fame laboret: & quo tardius differtur refectio, eo acrius venter torquetur. Et communis omnium Nationum, nedum Christianorum mos differendi in seram horam jejunii refectionem, haud parvo esse momento debet.

XI. Accedit, quod admissa Probabilistarum sententia, maxima, & deformis confusio, atque perturbatio in Disciplinam jejunii inveheretur. Nam quisque pro arbitrio horam figeret, sibi que deligeret, prout magis ventri congrueret. Quod sane haud leve esset jejunii legi detrimentum, & penes Christianos deformior esset jejunantium disciplina, quam apud alias gentes, quibus statuta est solvendi jejunii hora. Nec est quod opponas, plures esse Regiones, ubi aut una
nox,

nox, aut unus dies totum emetitur annum; alibi cœlum nubibus obductum est. Ubi Kalendarium Romanum non obtinet, quod Sol apud eos, non perinde ac apud nos, quinque diebus & sexaginta supra trecentos parte quarta diei addita, conversionem conficit annuam, non aliud jejunium Ecclesia postulat, quam quod præstare valent gentes illæ, quæ a præjudiciis Probabilisticis omnino vacuæ, jejunium illud servabunt, quod comprimendæ carnis petulantia est peridoneum.

XII. Quæ hætenus dicta sunt, evidenter inferunt consuetudinem Ecclesiæ, quæ solvendo jejunio horam meridianam præfixit, graviter astringere. Quod confirmari etiam potest ex principiis probabilisticis. Consuetudo certa est, constans, perpetua. Dubia autem ab eadem exemptionis libertas. Ergo libertati consuetudo, non consuetudini libertas prævalet. Quid, quod vel ipsi adversarii fatentur, culpam perpetrare venialem eum, qui nulla causa motus, hanc præverteret horam.

XIII. Tandem, si qua suspicandi ratio superesset, tota aufertur Pontificio Rescripto. Quid, quod vel ipsum Quæsitum ab Archiepiscopo Compostellano Summo Pontifici propositum, supponit gravem esse obligationem observandæ horæ jejunantibus præstitutæ. Numquid Doctissimus Archiepiscopus super re levi Sedem consulisset Apostolicam? Quid, quod minime petat, utrum istius horæ observantia graviter astringat? Sed hac gravi obligatione veluti ut certa supposita, postulat, an ab iis quoque observanda sit, qui ex dispensatione carnibus vescuntur? Pro certo ergo habet observandam esse horam ab iis, qui esuriales cibos comedunt. Solumque petit, sint ne eidem obligationi obnoxii, qui ex dispensatione carnibus vescuntur. Respondet autem Pontifex. *Edicimus observandam iis esse.* Ergo sententia P. P. Tamburini, Viva, & aliorum oppositum docentium, improbabilis prorsus est, falsa, & communi Populi Christiani sensui adversa.

XIV. Quasi destinaveram subtilissimas quæstiones hic interse.

terferere, quas occasione horæ istius explicandæ Recentiores Probabilistæ incredibili acumine, & contentione agitant, ut compertior tibi esset Probabilismi genius. Quæ de horologiis horas abstinentiæ metientibus disputant, omnem fidem superant. Famosus Caramuel hoc primum theorema ponit. *Horologia solaria fere omnia concepta sunt in originali peccato. Theolog. fundam. 10. n. 341. & seq.* Peccatum originale horologiorum consequi actualia subdit. Non ergo horologia apta sunt recte horas metiri. Suos Juniores hoc in negotio obæfæ naris habet, *captivantes*, inquit, *intellectum in obsequium fidei, non autem, pace Juniorum id dixerō in obsequium hominum inexpertorum*. Si otio abundas, eum legito *loc. cit.* & plurima offendes, quæ Caramuelem referunt. Disputant, expectandus ne sit ultimus horologii ictus horam mediæ noctis designans? Adfirmat Pasqualigus cum aliis. Negant e contrario Sanchez, Castropalaus, Trullenchus. Addit Pasqualigus, ubi plura sunt horologia expectari posse illud, quod tardius aliis pulsatur, quia, inquit, *quodlibet horologium positum est ad indicandum tempus, unde sufficit quodlibet, ut possim formare probabile judicium de media nocte. Decis. 162.* Alii docti Juniores, ut nimium laxam improbant hanc opinionem, quia quatuor horologia e. g. prævalent uni. Quid inde reponit Pasqualigus? An nuncium remisistis Probabilismo? *Ad summum plura faciunt judicium probabilius, quod tamen non teneor sequi, sed sufficit si sequor Probabile*. Unum horologium, sicut unus Author, facit sententiam Probabilem. Ergo &c. Cohærentia, dicere videtur Pasqualigus, quæso dicamus, ne nos dissidentes colligant Rigoristæ. Urgent adversarii Probabilistæ. In quolibet Tribunali plures testes præferuntur uni. Respondet acute Pasqualigus. *Nec est eadem ratio de testibus, quia testes deponunt secundum scientiam, quam habent: & ideo plures testes faciunt majorem fidem. Horologia autem tantum judicant mortuo modo. Decis. 162.* Quis unquam viva somniavit horologia? Quæstiuncula, quam P. Diana proponit, omnium est lepidissima. Videlicet.

delicet, queat ne idem homo eodem tempore jejunos esse secundum unum horologium, & ventre plenus secundum aliud? Illius verba significantius, clariusque suam mentem produnt. *An licitum sit sequi unum horologium, quoad jejunium Ecclesiasticum, & aliud quoad jejunium naturale. v. g. si hodie sit dies jejunii, possit quis, audita hora duodecima unius horologii, cœnare, & comedere carnes, quas die sequenti licite comedere potest: & postea, audita hora duodecima alterius horologii, possit sequi secundum horologium, & juxta illud incipere extunc jejunium naturale, & die sequenti communicare?* Negantem sententiam defendunt Leander, Lugo, quibus Diana accedit, sed e vestigio describit sententiam P. Joannis Dicastillo, qui definit: *Utraque sententia est in utroque tempore probabilis. tom. 4. coord. tract. 6. Resol. 101.* Lege integrum textum apud eundem Dianam, ut prodigiosam vim Probabilismi tam opposita extrema conciliantis valeas evidentius comprehendere.

XV. Pauca hæc commenta obiter indicavi, non alio fine, quam, ut compertum tibi fiat quot tricis, quot ineptissimis argutationibus sacras Morum Regulas implicarunt Recentiores non pauci. Quæ omnia tibi argumento esse debeant, ne istorum speculationibus atque Decisionibus fidem habeas, sed caveas omnino ab his omnibus, & interminatis quæstionibus, quas tantopere Apostolus detestatur.

CAPUT VI.

POSTULATUM IV.

„ Quænam sint æpulæ licitæ, quæ vetantur cum interdictis
conjungi ?

§. I.

Proponendæ quæstiunculæ momenta.

I. **Q**uæstiuncula proposita cæteris facilior est : iccirco paucis expedienda . Proponendi quæsitum ansam forte dedit, sint ne lactinia epulæ interdictæ cum piscibus non permiscendæ ? Disputant quippe Recentiores aliqui , utrum ova , & lactinia sint a jure , aut consuetudine in Quadragesima vetita . Negantem opinionem damnavit Alexander VII. P. Dominicus Viva in Commentariis propos. 32. ejusdem Pontificis num. 1. hæc scribit . *Dubitarunt Doctores* , apud Fagundez præcep. 4. c. 2. *Num iure communi interdicator esus ovorum , & lactiniorum in Quadragesima , & an interdicator sub veniali tantum ? Nec defuit qui etiam consuetudinem ad id obligantem ausus fuerit negare .* Hæc ex P. Viva rescripti , ut occasione data (diverticulum est, sed necessarium , & utile) quæ sit illius in designandis , & occultandis damnatarum propositionum Authoribus critice , evidenter deprehendas . Ut alias indicavi , frequenter Thomistas in scenam laxitatis producit , & vel laxas, vel damnatas propositiones iisdem falso non raro affingit . Veros autem prosriptarum opinionum Authores , quos fraternæ charitatis officio colit , exquisita dexteritate abscondit cum non parvo lectorum detrimento . Hujusce rei argumentum habeto in laudato textu . *Dubitarunt DD. apud Fagundez .* Ut vides, non Fagundez , sed Doctores apud Fagundez de præfata opinione dubitarunt . Et tamen non DD. apud Fagundez , sed Fagundez ipse illam opi-

opinionem docet, & pro eadem allegat Doctores aut oppositum docentes, aut de eadem silentes. Arbiter istius facti sedere nolo. P. Leander a Santissimo Sacramento iudex apud P. Viva omni exceptione major litem dirimat. Leander autem tract. 5. disp. 2. q. 2. hæc scribit *An ova & lacticia sint prohibita a iure sub mortali in ieiuniis Quadragesimæ? Negat Fagundez lib. 1. &c. ubi docet, a iure nullo modo esse prohibita ova, & lacticia in ieiuniis Quadragesimæ sub peccato mortali, sed tantum sub veniali.* Plures DD. pro hac sua opinione allegat P. Fagundez. Sed P. Leander evincit falso ab eodem Doctores citari, & concludit: Solum ergo oppositam sententiam docet Fagundez, & post illum aliqui Recentiores. Subditque Leander q. 3. sibi videri Fagundez negare quoque consuetudinem lacticia sub mortali prohibentem. Hæc obiter, ut te admoneam, ne fidem adhibeas P. Viva in sententiis authoribus adscribendis. Nec heinc suspiceris, me nimio amore erga Thomistas ferri. Nam semper, data occasione, istorum ut La Cruz, Zanardi, Manriquez, aliorumque similibus laxiores opiniones refello, non secus ac si essent exterorum. Sed a diverticulo in semitam revertamur.

II. Disputandi ansam ex ipsis quoque secundis Litteris Apostolicis arripuere quidam, ut constat ex Epistola cujusdam Anonymi ad suum Parochum data, editaque Venetiis apud Pavinium an. 1742. In eadem opponuntur hæc Diplomatis Apostolici verba . . . *Quibus carnum, ovorum, & lacticiarum esus est prohibitus, dispensari contigerit, ab omnibus omnino, nemine excepto, unicam comestionem servandam, & licitas, atque interdictas epulas minime esse apponendas tenore præsentium declaramus, & edicimus.* Ex quibus verbis colligebant vetitum esse cum lacticiis pisces permisceri, non secus ac cum carnibus.

III. Postremo ex ipsis carnibus permissis controversantur Recentiores, quænam dicendæ sint licitæ, quænam illicitæ? Nam carnum aliæ salubres appellantur, aliæ insalubres. Dum edendarum carnum facultas conceditur, disputandi occasio oritur: sint ne omnes carnum epulæ licitæ, an secus?

§. II.

R E S C R I P T. P O N T I F

„ Respondemus : Epulas licitas pro iis, quibus permiffum
 „ est carnes comedere, esse carnes ipsas . Epulas interdi-
 „ ctas esse pisces, adeoque utrumque simul adhiberi non
 „ poffe . Piscibus tamen edendis non interdiciuntur ii ,
 „ quibus datur tantum facultas adhibendi ova , & la-
 „ cticinia „ .

*Quibus permiffa sunt ieiuniorum tempore lacticinia , non
 prohibentur pisces . Rationes dubitandi resolvuntur .*

IV. **D**UO in Pontificio Refponfo declaranda . Unum car-
 nium permiffarum genus : alterum pifcium cum
 lacticiniis permixtionem fpectat . De primo infra . De fe-
 cundo in præfens . Quamquam hoc fecundum vix declara-
 tione eget . In fæpius laudato opere, *La Difciplina antica
 e moderna della Romana Chiefa intorno al Digiuno &c.* in
 Appendice ad tomi calcem addita palam feci, Apoftolicas
 Litteras nullatenus pifcium cum lacticiniis permixtionem
 vetare . Animadverti ibidem non verba tantum , fed fpiri-
 tum legis cum primis fpectandum effe , ut genuina ejufdem
 habeatur intelligentia . Palam feci, Diplomata Pontificia per-
 fpicua , & pervia omnibus iis effe , qui fincero animo ea-
 dem legunt ; & morofos duntaxat criticos , qui nodum in
 fcirpo quærunt , quique omnia , quæ gulæ adverfantur , elu-
 dere fatagunt , cavillandi , & vitilitigandi anfam ex iifdem
 arripere . Labet pauca verba referre tempore innocenti fcri-
 pta loco libro proximo laudato . „ Se il detto *Breve* è o-
 „ fcuro agli accennati uomini foftici, egli è chiaro, pre-
 „ cifo, e intelligibile a tutti gli altri buoni Criftiani, che
 „ con animo fincero bramano praticare quella penitenza ,
 „ che poffono . Io ho intefi varj Criftiani privi affatto di
 „ ogni

„ ogni letteratura, i quali leggendo il Breve recato in vol-
 „ gar favella, di questa guisa interpretavano la suddetta
 „ clausola. Il Santo Padre, dicevano, proibisce d'imbandi-
 „ re nella Quaresima convitti, e banchetti a carne, ed a
 „ pesce, come fanno tanti voluttuosi, ed ingordi. Vieta
 „ le ricercate delicatezze, ed i raffinati condimenti. Nel
 „ rimanente non intende giammai di mettere in angustia i
 „ buoni Cristiani, che sendo dispensati da' latticinj, non
 „ hanno il comodo di cibarsi or di soli cibi Quaresimali,
 „ or di soli latticinj. Intorno a questa varietà egli con Pa-
 „ terna Clemenza lascia, che ciascheduno si regoli con cri-
 „ stiana prudenza, e secondo il bisogno,,.

V. Verum quod plena in luce rem collocat, videlicet Litteras Apostolicas non vetare permixtionem piscium cum lacticiniis, est Sapientissimus Cardinalis Quirinus Episcopus Brixienfis, qui in sua Epistola Pastoralis ad Vicarios Foraneos, Parochos, & Confessarios suæ Diocesis, data Romæ die 15. Februar. an. MDCCXLII. hæc habet. *Quod itaque iis litteris cautum est de licitis & interdictis epulis minime apponendis, nemo vestrum ignoret, referri quidem ad carniem, non autem ad ovorum etiam, & lacticiniorum cum piscibus, aliisque licitis jejunii tempore epulis, usum: Namque omnibus patet, quemadmodum in nostra, ita in aliis quoque regionibus, ovorum, & lacticiniorum usum licite ex vi solummodo consuetudinis adhiberi in quatuor anni temporibus, & in vigiliis pariter; ac proinde illa non ita pro interdictis epulis habenda esse diebus jejunii, ac carnes habentur.*

VI. Ratio, quam assignat Doctissimus Cardinalis, cur carniem, non lacticiniorum cum piscibus permixtio vetita intelligatur, evidens est. Quippe non tam severe lacticiniorum usum in jejuniis, quam carniem esum prohiberi omnibus patet. Nam in pluribus Regionibus vi solius consuetudinis in aliis a Quadragesima jejuniis lacticina, & ova comeduntur. In transalpinis Provinciis pluribus passim lacticina permittuntur in ipsa Quadragesima. Accedit, quod, ut in citata *appendice* dictum est, ratio, cur lacticina plurimis in

in Regionibus conceduntur, est caritas olei, cui in condendis pulmentis, & ferculis lac, & butyrum substituuntur. Plebej, & pauperes pulmenta lacte, aut butyro condiunt, & pro obsonio haleculam, aringam, idque genus quidquam manducant. Lacticiniorum privilegium, si salitorum piscium usum subtraheret, incommodo gravissimo, non solamini esset. Hæ sunt conjecturæ, quæ permixtionem lacticiniorum cum piscibus non vetari in Litteris Apostolicis suadebant. Et quod reapse iste sit genuinus Litterarum Apostolicarum sensus, patet nunc ex Rescripto Pontificio. *Piscibus tamen edendis non interdiciuntur ii, quibus datur tantum facultas adhibendi ova, & lacticinia.* In fumum ergo occidit quidquid in oppositum adducebatur.

VII. Opportuna hic est altera laudati Cardinalis QUIRINI viri amplissimi doctrina, quæ & dicta, & dicenda magnopere confirmat. Docet ille in præfata sua Pastoralis Epistola, non plus extendendam dispensationem esse, quam necessitatis gradus postulet. Sunt qui pulmento esuriali vesci nequeunt. Verum, si pulmentum carniū jure coctum comedant, reliquum prandium lacticiniis, & piscibus perficere valent, quin detrimentum subeant. Quis improbaverit hunc dimidiatum ciborum delectum a Christiana pietate, & abstinentiæ amore ortum? Nemo sane, nisi in discrimen revocetur luculentissimum principium illud. Qui nequit integrum reddere debitum, partem, quam potest, solvat. Cavendum tamen admonet præstantissimus Cardinalis, ne sub hoc dimidiatæ temperantiæ velamine, gulæ negotium obumbratur. *Non probamus, inquit, eorum sententiam, qui putant Dispensatis, quorum stomacho satis foret, de utriusque Medici consilio, pulmentum in jure coctum, aut quid simile degustare, non amplius licere post illam degustationem in reliquo prandio seu ovis & lacticiniis, seu piscibus uti, eaque ratione prohiberi, quin communem illam abstinentiam amplectantur, quam valetudinis suæ status minime refugiat. Contra censendum est, dimidiatam illam pro cuiusque viribus temperantiam, dum a Christiana pietate, & abstinentiæ ipsius amore ortum trahat,*

potius esse laudandam. At quoniam facile contingere potest vitium illud seu gulæ, seu lautioris victus Christianæ pietatis nomine velari, Dispensatos omnes monemus, ut hac in re conscientia suæ serio consulant: id præterea caventes, ne quod licite ab ipsis peragitur, aliis occasionem præbeant in variis illis, mixtisque epulis, delicias, ac voluptates consecrandi, omnique quidem tempore a sanctis Christianæ Religionis moribus absonas; sed eo potissimum, quo ad avertenda Divinæ iracundiæ flagella Ecclesia populum suum ab escis carnalibus abstinere præcipiens, austeriorem carnis macerationem expiandis epulis, quibus in reliquo anno humana obnoxia fragilitas fuit, ex Apostolico instituto decrevit. Hæc sunt virtutum abstinentiæ, & temperantiæ documenta, quæ, tritis scholasticis, & subtilibus interpretamentis neglectis, nobis præbent, inculcantque illi, quos posuit Deus regere Ecclesiam suam. His auscultandum, obsequendumque, missis quibusdam Casuistis, qui vanis distinctiunculis gulæ irritamenta vel nolentes promoveant. Se ipsis itaque in nihilum occidunt quæ §. I. recensuimus disputationis gratia.

§. III.

R E S C R I P T. P O N T I F.

„ Respondemus: epulas licitas pro iis, quibus permissum
„ est carnes comedere, esse carnes ipsas „.

Epulæ licitæ Dispensatis permissæ, sunt carnes salubres.

*Peccant qui quocumque carniū etiam insalubrium
genere vescuntur.*

VIII. **O** Lim graviter dumtaxat ægrotis carnes permittebantur. Ante unum, & alterum sæculum concessio carniū ob solam piscium nauseam inaudita prorsus fuit. Dispensationis usus sensim sine sensu dilatatus limites omnes prætergressus est. Præceptum de ciborum delectu

vix extra pauperes, & cœnobia obtinet, adeo amplificata est extorquendarum dispensationum corruptela. Si scire a-
ves quam nullæ sint dispensationes ejusmodi, mensas di-
spensatorum lustra. Offendes sacro abstinentiæ tempore con-
vivium opipare parata. Fumant fercula carniū ferinarum
tum silvestrium, tum domesticorum varietate disposita.
Condimentorum nidores ultimos universæ domus, nedum
triclinii, recessus subeunt, scandalo publico. An tam ille-
cebrosæ corruptelæ ansam dederint recentium Casuistarum
disputationes, an disputationes ejusmodi ortum duxerint ex
corrupto more, ut in plurimis morum controversiis usuve-
nit, non facile dixerim. Illud est certum, postquam Re-
centiores quidam propugnare aggressi sunt, dispensatis quod-
cumque carniū genus licere, abusum latius permanasse,
ac veluti torrentem, aggeribus omnibus fractis, cujusque
temperantiæ confinia transilivisse. Primi, qui indiscrimina-
tim quodcumque carniū genus dispensatis permissum esse
docuerunt, sunt Diana, Villalobos, Leander, Pasqualigus,
Sanchez mitioris ethices assertores. Textus describendi sunt,
ne invidiam illis creare videar. P. Diana tom. 4. coord. tract.
6. Res. 71. refert pro contraria opinione P. Joannem de
La Cruz, quem vocat doctissimum Dominicanum; sed
ego jam alias appellavi laxum Casuistam, cum Zanardo,
& Manriquez, ut hinc omnes colligant, non pro partium
studio, sed pro unica nos decertare veritate. La Cruz ta-
men licet Casuista laxus sententiam improbat Dianæ scri-
bentis loc. cit. *Contrariam opinionem sustinendam esse puto,*
quam Novissime (nota) Novissime docet Villalobos Ita-
que habenti licentiam ad esum carniū licebit quodcumque
genus comedere, scilicet lardum, leporem, hædum, bovem, &
alia infirmis disconvenientia, etiamsi tota refectio ex illo car-
nis genere fiat: nam in tali casu edendo carnes saluti noci-
vas peccabit adversus præceptum naturale temperantiæ, non
autem adversus præceptum positivum de abstinendo a carnibus
in die jejuniorum. P. Leander diligens in expiscandis au-
thoribus, qui novæ benignitati favent, Patrem vetustiore
Vil-

Villalobos non invenit. Et tamen P. Leander [cum hoc Villalobos, & Pasqualigo, atque Joanne Sanchez non modo probabiliter, sed probabilius defendit ejusmodi opinionem. Probabilius omnino respondeo, non peccare mortaliter contra præceptum abstinendi a carnibus Ratio est, quia Ecclesia per dispensationem omnino tollit prohibitionem carnum : at prohibitio carnum respicit, & includit carnes omnes (ut apud omnes est constans) ergo & dispensatio absoluta includere debet ablationem abstinendi ab omnibus carnibus tam proficuis, quam nocivis. Disp. 2. q. 28.

IX. Næ egregia argumentatio isthæc! Prohibitio includit carnes omnes. Ergo & dispensatio? Eccur? Quia oppositorum ratio eadem. Hoc argumentandi genus in his, quæ ab hominum voluntate, & circumstantiarum diversitate pendent, mirificum sane est. Et lamentari eos non pudet, si similes argutandi formulas irrideamus? Lex jejunii, ut evidentius sophisticam explicem cavillationem, prohibet iteratos esus, vetat horam prævertere, vetat carnes. Ergo dispensatio includit omnia? Prohibitio comprehendit quatuor affinitatis, aut consanguinitatis gradus: ergo dispensatio includit omnes. Prohibitio violandi Festos dies includit Missæ auditionem, & abstinentiam ab opere servili. Ergo dispensatio includit omnia? Retorsiones, inquis, disparatæ sunt, & de uno genere ad aliud. Itane vero? Pedem ergo intra semitam conferamus.

X. Adesdum. Principiis ne iisdem nituntur prohibitio, & dispensatio? Minime inquis. Quoniam prohibitio absolute ea omnia vetat, quæ bono communi legis adversantur relative ad universam gentem. Dispensatio vero juris relaxatio est, comparate ad indigentiam hujus, aut illius hominis. Ergo argumentatio a prohibitionem ad dispensationem nulla est. Verum cominus rem agamus. Dispensatio libera ne est, an necessaria? Libera inquis. Ergo carnes salubres, secus noxias, & insalubres concedere potest. Negabis ne vitulinam, secus suillam carnem concedere Superiorem posse? Si liberum in concedendo asseris, & hoc posterius fateare necessum est. Po-

P

test,

test, reponis, sed non astringitur. Ita ne vero? Dic fodes. Hic dispensator, quem liberum asseris in dispensando ab uno, secus ab altero carnum genere, est ne etiam fidelis, & prudens? Est sane ejusmodi, quem constituit Dominus regere vineam suam. Ergo ea tantum concedere debet, quæ & necessitas & commodum Christiani dispensandi exigunt. Sed nec commodum, nec utilitas, nec necessitas fidelium, qui dispensationem petunt, carnes postulant insalubres nocivæque. Ergo alterutrum fatearis oportet. Aut imprudentem, infidelem, sui que ministerii prævaricatorem præsumendum esse dispensatorem: aut dispensationem limitatam esse ad solas carnes salubres juxta dispensati necessitatem, commodum, & utilitatem. Quid, quod communi circumfertur pœnes omnes, tum Canonistas, tum Theologos proverbio, Dispensationem non extendi ultra limites necessitatis postulantis. Quoniam, sublata veræ necessitatis causa, dispensatio nulla est, nemine refragante. Nullum ergo prudens, & rationabile fundamentum occurrit præsumendi in dispensatione indefinita, carnum insalubrium concessio. Tandem. Fac Medicum ægroto facultatem impertiri carnum edendarum. Quis ratione præditus præsumet concessionem hanc carnes noxias complecti? Et hoc præsumes de Medico spiritali?

XI. Falleris, totoque cœlo, nedum offio, aberras, clamat acutus P. Zacharias Pasqualigus. Cedo inquit. Quisnam jejunii Ecclesiastici finis, & meta? Corporis conflictatio, & maceratio. Bene habet. Ergo carnes insalubres, & nocivas dispensator concedit. Salubres quippe magis delectant, minusque corpori nocent: insalubres vero & nocivæ corpus affligunt. Ergo ut consistat, quoad fieri potest, jejunii finis, carnes omnes tum salubres, tum nocivas in dispensatione concessas dicendum est. Nullus dubito, quin suspicaturus sis mea hæc esse commenta, ut Junioribus odium conflam. Propterea ad abigendam imposturæ suspicionem verba P. Pasqualigi transcribo ex *Decis.* 46. num. 5. *Deinde si Ecclesia dispensaret in solis carnibus salutiferis, non*
ba.

haberet amplius pro fine macerationem corporis, neque exercitium virtutis abstinentiæ, quia jam concederet eas carnes, quæ magis contrariantur macerationi, & plus delectant gustum; sed salutem illius cum quo dispensaret. Ergo cum varietur finis, & non permaneat idem, non potest in aliquo permanere lex respiciens illum finem, sed deberet succedere alia lex, quam tamen constat non succedere.

XII. *Lepidæ argutationi festiva adhibenda responsio esset. Sed non quæ illos, sed quæ nos decent, dicenda. Quia lacrymæ potius fundendæ, cum sanctissimas Christianæ temperantiæ, & abstinentiæ regulas ad tam absona, & vana interpretamenta redactas inaudimus. Maceratio corporis ab Ecclesia in jejunii lege intenta moderata est, quæ carnis petulantiam reprimat, non quæ sanitatem destruat. Salubres carnes, quæ ab infirmis, aut dispensatis, qui infirmorum personam gerunt, comeduntur, minus gulam irritant, minusque concupiscentiam foveant. Quapropter simplices sunt, non aromatatum odore, non condimentorum artificio, non coquorum studio præparatæ. Sæpe minus gulæ, palatoque sapiunt, quam pisces. Contra bubulæ, suillæ, ferinæ, salitæ, aliæque id genus carnes, quæ insalubres dicuntur, corpus macerant, quatenus sanguinem accendunt, sanitati incommodant, atque ad celeriores interitum, aut insanabilem morbum viam sternunt. Cæterum palatum vellicant, gullam irritant, carnis petulantiam provocant, suginantque. Hæc omnia improbantur ab utroque Medico animæ, corporisque. Ergo argutatio Pasqualigi, & aliorum inane commentum est.*

XIII. *Momentis a ratione, ipsaque dispensationis natura arcessitis, Authoritatum pondera adjiciam. Non modo ergo ratio cogit præsumere, Superiores solas salubres carnes concedere, exclusis noxiis; sed reapse plura occurrunt documenta, quæ limitatam dispensationem evincunt. Ex plurimis pauca delibo. S. Carolus Borromæus strenuus Ecclesiasticæ Disciplinæ instaurator in suis aureis regulis pro exacta Quadragesimæ observantia hæc inter alia præcipit: latine reddita. Non vendantur cujusque generis carnes, sed vitulinæ tantum, alte-*

riusve animalis, quod Medicorum judicio usui dumtaxat infirmorum congruum sit. Nec cuilibet vendantur, sed iis solum, qui facultatem a destinatis Ministris habuerint. Quæ facultas si indefinita sit, remota causa, ob quam data est, continuo cessabit. Si vero necessitatis causa ultra decem dies persistet, rursus nova petatur licentia, alioqui extincta remanet. Et hæc methodus licentiæ petendæ de decem in decem dies observabitur usque dum necessitas extiterit. Similia præscribit in alio Decreto lato anno 1581. in quo admonet omnes dispensatos, ut soli, & a publica mensa sejuncti, carnes concessas comedant, & acerbo cordis dolore mixtas, quod tempore, quo alii abstinent, ipsi tali cibo vescantur. Idem præcipit in Concilio Provinciali secundo. Summus Pontifex Clemens XI. in Edicto an. 1702. hæc præscribit. *Animadvertant & Medici, & qui petunt licentiam, ut attendant qualitatem carniū, quod nempe sint salubres, quia hæc solum permittuntur in Quadragesima his, qui ex justa causa nequeunt vesci cibis Quadragesimalibus.* Postremum Maximus Pontifex BENEDICTUS XIV. feliciter regnans in suo Edicto an. 1741. declaravit salubres dumtaxat carnes in Quadragesima edendas concedi his verbis. *Avvertendo di più i Medici, che danno le dette licenze, e rispettivamente quelli, che le ricevono, che solamente sono permesse le carni salubri a chi non può cibarsi per giuste cagioni di cibi Quaresimali.*

XIV. Quis nunc non videt, nulla prorsus frui probabilitate oppositam opinionem. Episcoporum ergo, Synodorum, Summorumque Pontificum Edicta summo obsequio fuscipienda, & exequenda sunt. Patet igitur evidenter, Summum Pontificem BENEDICTUM XIV. feliciter regnantem ea in suo Rescripto servanda præscripsisse, quæ & lex jejunii, & natura justæ dispensationis absolute exposcunt, requiruntque.

C A P U T VII.

P O S T U L A T U M V.

„ An præceptum de utroque epularum genere non miscendo
„ dies quoque Dominicos Quadragesimales
„ complectatur? *Affirmatur complecti.*

§. I.

Dubitandi conjecturæ indicantur.

I. **D**iebus saltem Dominicis Quadragesimæ epularum permixtio licita videtur. Ejusmodi dies exemptos ab utroque præcepto tum abstinentiæ, tum unicæ comestionis, primis temporibus fuisse plures contendunt. Et quod carniū esum spectat, colligi videtur ex S. Gregorio, cujus tempore consuetudo comedendi carnes Dominicis Quadragesimæ diebus jam in corruptelam declinaverat. Differabant siquidem helluones cœnam Sabathi post mediam noctem, ut carnibus saturare ventrem possent, quemadmodum parasiti hodierni seu ventris idololatræ, qui vulgo *Sabathinam* perficiunt, seu post medium noctis Sabathi sese implendos carnibus differunt. Quæ corruptela argumento est commissatores istos litteram, non spiritum legis servare. Hunc abusum detestatur S. Gregorius *cap. Denique Dist. 4.* his verbis. *De ipsa vero Die Dominica hæsitamus, quidnam dicendum sit, cum omnes laici, & sæculares illa die plus solito, cæteris diebus accuratius cibos carniū appetant, quod utique non rationi, sed voluptati, immo cuidam mentis cæcitati adscribendum est. Unde nec a tali consuetudine averti possunt: & ideo cum venia suo ingenio relinquendi sunt, ne forte peiores existant, si a tali consuetudine prohibeantur.* Clarius hoc idem docere S. Gregorius videtur homilia 16. in Evang. cujus textus refertur *cap. Quadrag. dist. 5. Sex hebdomadæ*

madæ veniunt, quarum videlicet dies quadraginta duo sunt. Ex quibus dum sex dies Dominici abstinentiæ subtrahuntur, non plus in abstinentia, quam sex & triginta dies remanent &c. Ergo abstinentia, quæ feriis Quadragesimæ præcipitur, dies Dominicos non complectitur. Licitum itaque erit his diebus epulas permiscere.

II. Quid, quod Recentiores Escobarius, Machadus, Lamas Dominicis diebus Quadragesimæ licita ova & lacticia asserant? Hanc sententiam propugnat præ cæteris P. Andreas Mendo. Quia, inquit, in diebus non jejunii nullo est opus privilegio, hujusmodi autem sunt Dominice Quadragesimæ: igitur in eis absque privilegio, aut Bulla, omnes indiscriminatim possunt edere ova, & lacticia, cum in illis diebus non jejunii nulla sit in jure prohibitio. In Bull. Cruc. dis. 18. cap. 1. n. 29.

III. Hanc opinionem ut probabiliorem propugnat P. Claudius La Croix commentator Medullæ P. Busembau lib. 8. dub. 12. ar. 2. n. 13. Probabilius esse, non esse dies Quadragesimales Dominicas Quadragesimæ, & ita in illis cunctis posse ovis vesci, & lacticiis. Advertit Mendo, se audivisse a viro docto, & gravi, quod declaravisset Pontifex in Bulla speciali, suam mentem esse comprehendere Dominicas Quadragesimæ nomine dierum Quadragesimalium. Sed ipse Mendo respondet bene, de tali declaratione authentice non constare, ac per consequens non obligare.

IV. Ex his videtur colligi epularum permixtionem diebus Dominicis permittendam esse. Nam hi dies sunt privilegiati: exempti sunt ab unicæ comesturæ præcepto. Primis Ecclesiæ sæculis carnes in iisdem comedebantur. Tandem si etiamnum juxta doctos Recentiores hi dies Probabilius non sunt Quadragesimales, confectarium sponte fluit, posse illos, qui ex dispensatione carnibus vescuntur, epulas permiscere.

§. II.

Præceptum de non permiscendis epulis jure complectitur dies Dominicos, æque ac ferias Quadragesimæ.

V. **P**Rincipio refellenda sunt quæ superiore paragrafo recensui. Ecclesiæ Disciplina a more jejunandi diebus Dominicis semper abhorruit. Huncce morem severius prohibuit post exortas hæreses Eusthathianorum, Manichæorum, & Priscillianistarum, qui omnibus Dominicis diebus austera peragebant jejunia. De hac prohibitione fidem faciunt Epiphanius, Hieronymus, Augustinus; nemo tamen asserit carnum usum licitum his diebus fuisse. Ut Catholici ab hæreticis distinguerentur sat erat iterare esus, salva abstinentia a carnibus. Quoniam, ut alias diximus, & dicendum sæpius est, Canonica Dispensatio libera cum sit, prudensque, restringitur, aut dilatatur juxta varios necessitatis gradus. Et quamvis gratis admitteremus licuisse primis Ecclesiæ sæculis diebus Dominicis carnum usum, ut undequaque Catholici sese, indicatis hæreticis opponerent; quid inde? An non constat posterioribus sæculis morem hunc penitus esse sublatum? Testimonium, quod sub nomine S. Gregorii opponitur, quodque re ipsa a Gratiano sub ejusdem Pontificis nomine refertur, illius non est, ut doctissimi Benedictini P. P. Congregationis S. Mauri sub finem Epistol. S. Doctoris animadvertunt. Author porro istius Canonis non morem adprobat, sed corruptelam detestatur: eam tolerat, ut evitet majus scandalum, & pejora mala, ut conceptis verbis *Glossa ibidem* explicat, *vers. hæsit.* ubi inquit. *Hæsitamus non quid juris, sed quid statuendum sit, ne scandalum oriatur.* Quæ sane interpretatio genuina est, cum Pontifex ipse subdat, pravam consuetudinem *Non rationi, sed voluptati, immo cuidam mentis cæcitati adscribendam esse.* Quæ omnia confirmat *Glossa vers. venia*, ubi hæc leguntur. *Ideo intelligas de venia pænæ, non de venia culpæ.*

culpæ. Tolerat enim Gregorius crimen tale propter periculum schismatis, vel scandali : unde non est dicendum, quod ignoscatur eis, licet non puniat eos propter multitudinem, vel scandalum : sustinenda enim sunt crimina ratione scandali, vel schismatis. Ad hanc doctrinam omnium Theologorum assensu firmatam animum intendere vellem eos, qui ut collapsæ disciplinæ abusus, legumque transgressiones ceu licitas defendant, silentium, & tolerantiam Ecclesiæ per summam ignorantiam obtrudunt : ac si permissio mali, quod impediri absque prudenti majoris mali periculo nequit, esset ejusdem approbatio. Abusus paulatim decrevit, & tandem penitus obsolevit.

VI. Quæ opponunt Recentiores Probabilistæ Mendo, Lamas, Machadus, Escobarius, Pasqualigus, & La Croix absona sunt, & communi Theologorum autoritate improbata. Siquidem quod Pasqualigus *Decis.* 72. infert ex laudato S. Gregorii textu, commentitium omnino est. Utique Sanctus Pontifex dies Dominicos subtractos abstinentiæ asserit, & substitutos quatuor dies ante primam Dominicam subdit, ut quadragenarius abstinentiæ numerus compleatur. At quid inde? Propterea ne licitus lacticianiorum usus? Eadem ergo ratione permissus erit carnum esus. Verbis ludit acutus Recentior. Abstinentia & comestionem, & comestionis qualitatem spectat. Et si presse loqui velimus, prius comestionem, post ejusdem qualitatem excludit. Et quia diebus Dominicis plures ad libitum comestiones permittuntur, ideo dies ejusmodi subtracti abstinentiæ dicuntur. At non propterea ab abstinentia a carnibus, & lacticianiis exempti sunt. Quid, quod P. Diana ipse *Resol.* 54. n. 2. hæc scribit. *Alibi hanc sententiam (de licito usu lacticianiorum in Dominicis Quadragesimæ) improbavi, & nunc iterum improbo : & caveant Authores, ne imposterum illam vel absolute teneant, vel tanquam probabilem admittant. Nam Sacra Congregatio S. Officii, & Sacra Congregatio Indicis, mensibus elapsis, mandarunt, hanc sententiam a quodam libro deleri, ut factum fuit. Et recte quidem, nam est contra communem sen-*
ten-

sentiam Doctorum. Et tamen P. La Croix, Bullam Cruciatæ interpretando, non reformidat scribere, probabilius esse, Dies Dominicos Quadragesimæ non esse Quadragesimales. Si dicatur, Pontificem declarasse, ejusmodi quoque dies Quadragesimales esse, respondet, Patrem Mendo asserere *non constare authentice de tali declaratione.* Eccur authentice non constat? Quia P. Mendo hoc asserit. Verum oppositum docent Theologi, consuetudo, experientia.

VII. Labefactatis Recentiorum placitis, paucis exponitur Pontificium Responsum. Licet diebus Dominicis non urgeat primum præceptum unicæ comesturæ, urget tamen alterum abstinendi a carnibus, ovis, & lacticiiniis. Ergo præceptum de epulis utriusque generis non miscendis æque Dominicos ac cæteros Quadragesimæ dies complectitur. Sed cæteros dies illud complecti capite superiore ostensum est. Ergo probatum remanet æque vetitam esse diebus Dominicis ac feriis Quadragesimæ escarum permixtionem. Nec Dominici Quadragesimi dies lautioribus conviviiis, & selectioribus ferculis, sed solemniori cultu, ferventioribus precibus, frequentiore ægrotorum visitatione, atque liberaliori pauperum subsidio celebrandi a populo Cristiano sunt.

CAPUT VIII.

POSTULATUM VI.

„ Utrum hæc lex ad eos quoque pertineat , qui ex Bulla
 „ Cruciatæ edere possunt ova & lacticia „.

„ Rescribimus : Nihil in prænunciatis nostris Apostolicis
 „ Litteris statutum esse quod respiciat gratiosum Cru-
 „ ciatæ Diploma . Quare qui eo gaudent , illius teno-
 „ rem STRICTE, & considerate perpendant, ex ejus-
 „ que sententia se gerant . Caveant autem , ne inani
 „ quapiam excusatione sese solutos esse arbitrentur præ-
 „ scriptis ibi legibus. „

§. UNICUS.

Paucis Quæsitum, & Rescriptum perstringuntur.

I. **Q**Uamquam ingentia volumina in Diploma *Cruciatæ* edita sunt, tamen vix designare Authores valent, quid singulare in eodem concedatur adversus abstinentiæ legem. Nam privilegium carnum edendarum solitis circumscriptum terminis est, ut ex sequenti textu præfatæ Bullæ Gregorii XIII. patet. *Item, ut dicto anno durante in omnibus, & singulis Regnis, insulis, locis, terris, oppidis, & dominiis prædictis (& non extra illa) carnibus de consilio utriusque Medici, temporibus jejuniorum totius anni, etiam Quadragesimalibus vesci, ac pro eorum libito ovis, & lacticiis. Ita quod, qui carnes comederint, servata in cæteris jejunii Ecclesiastici forma, dicto jejunio satisfecisse censeantur.* Non vacat nunc, quod sit præter institutum expendere quæ adversus istius Textus sinceritatem in utramque partem disputantur. Communior, & mihi vera sententia est, ut jacet, genuinum esse.

II. P. Thomas Tamburinus, Alphonsus Rodriquez, & alii plures deprehendere vix possunt, quid emolumentum peculiaris afferat Bulla insthæc. Sic enim ratiocinantur. Vel certus sum, me ob infirmitatem gravem posse comedere carnes: & tum licite vesci eisdem possum sine ullius consilio. Vel certus sum, me non indigere: & tum privilegium mihi non suffragatur. Denique dubius sum: & tum de utriusque Medici consilio carnibus vesci possum absque privilegio. Emolumentum, quod Tamburinus deprehendit, est, quod dum Medicus dubius est valet impertiri usum carnis. Item concedit Pontifex, inquit, ut servata jejunii forma, semel tantum comedendo, meritum jejunii obtineatur. Hæc sunt duo emolumenta, quæ juxta Tamburinum Diploma concedit. Nemo non videt, vix aliquid concedi, quod in aliis dispensationibus consuetis, ad hoc quod attinet, non impertiatur.

III. Quantum igitur ad eos, qui vi Bullæ Cruciatæ carnibus vescuntur, nulla est controversia. Evidens quippe est, & istos ad unicam comesturam in Bulla ipsa præscriptam, juxta probabiliorem sententiam astringi. Nec minus manifestum est, hos permiscere haud posse epulas vetitas, & licitas. Si enim de utriusque Medici consilio edere carnes debent, si causa exposita falsa sit, nulla dispensatio est. Si causa vera est, pisces nocivi sunt, & prohibiti. Quapropter in Quæsito non de his, qui carnes, sed de illis, qui lacticia comedunt, dubitatur.

IV. Porro eos, qui ova, & lacticia comedunt sive vi privilegii Cruciatæ, sive vi communis dispensationis, posse simul esuriales cibos manducare, præceptoque unius comesturæ astringi, nemo est qui ambigat. Nullam ergo hic disputandi materiam præbet Bulla Cruciatæ. Quapropter jure ac merito Pontifex Summus rescribit. *Nihil in prænunciatis nostris Apostolicis Litteris statutum esse quod respiciat gratiosum Cruciatæ Diploma. Quare qui eo gaudent, illius tenorem STRICTE, & considerate perpendant, ex eiusque sententia se gerant.*

V. Monitum in hoc Rescripto continetur valde idoneum ad labefactandam opinionem æquo laxiorem in præfatam

Cruciatae Bullam invectam. Disputant Recentiores, sit ne Diploma istud *stricte*, an *ample* interpretandum? Communis doctrina est, privilegia juri communi adversa *stricte* interpretanda. Quoniam quod te subtrahit communi legi, odiosum est, ipsumque commune bonum intentum a lege invadit. Ergo, ne hoc commune bonum grave damnum subeat, privilegium eidem contrarium restringi, quoad fieri potest, debet. Contra vero beneficium Principis mere gratiosum, quod nullum jus lædit, *ample* interpretandum convenit penes omnes. Bulla Cruciatæ juri communi adversatur in plurimis, & potissimum in materia jejunii, de quo in præsens. Ergo juxta communem Theologorum, & Canonistarum sententiam *stricte* interpretanda est.

VI. P. Thomas Tamburinus *tract. in Bull. Cruc. cap. 1. §. 3.* fatetur hanc, quam descripsi sententiam, communem esse. Verum subdit, P. Mendo Probabilistam placidum, suavemque propugnare, *ample* interpretandam Bullam esse, quantum ad omnia in eadem concessa, sive contra, sive præter jus commune sint. Huic autem sententiæ, utpote minus probabili utroque subscribit pollice Tamburinus, cujus hæc est argumentatio. Privilegia, & beneficia concessa a Summo Pontifice in favorem fidei, & Religionis, quamvis exorbitent a jure, *ample* sunt interpretanda. „ Quia, inquit, „ debemus, quantum possumus, fidei favere, ac judicare „ Pontificem ibidem *amplissime* facere voluisse. Porro Bullæ privilegia omnia concessa sunt, ut fideles excitentur „ vel ad pugnandum, vel ad orandum, vel ad porrigendam eleemosynam contra infideles. Ergo cum sint in favorem fidei concessa, *ample* sunt interpretanda „.

VII. P. Tamburinus, ut alias dixi, Probabilista est, quod benignior, eo acutior; ejusque tum scribendi nitorem, pro ut res fert, tum perspicuam disputandi rationem semper magni feci. Et hæc est ratio, cur frequenter illius opiniones æquo benigniores refellam, quod nempe sint ad fallendum aptiores. Speciosa argutatio, qua adversus communem sententiam contendit, *ample* omnia Bullæ privilegia interpretanda

tanda esse, facillime imperitis fucum facit. Verum si penitius spectetur, merum sophisma est. Utrique quæ fidei favent, sunt amplianda. Ergo ne sacræ inediae tempore, quo Divina placatur vindicta, Misericordia imploratur, redimuntur scelera, immolantur Deo pro delictis victimæ contriti cordis, hoc inquam tempore amplificanda est concessio epularum, relaxanda est corporis maceratio? Quæ subtrahunt fideles a jejuniorum severitate, aliarumque legum observantia, fidei amplificandæ favent? Idcirco *amplissime* interpretanda? Arma ergo dilatandæ fidei peridonea, laetitiae, fercula selecta, opipara convivia, commestationes? Contra clamant Patres, jejunia, corporis conflictatio, sunt virtutum semina, vitiorum flagella, carnis repressio armaque fidei. An non semper Dei populus in jejunio, oratione, & eleemosyna, atque universæ Divinæ legis executione de suis hostibus triumphavit? Romani Pontifices imbecillitatis humanæ memores, pro temporum opportunitate Bullam Cruciatæ impertiunt, aliquantulum legis severitatem remittunt ob altiorem finem. Christianorum alii strenui, alii languidi, debilesque. Relaxatur paulisper pro infirmis lex, ut excitentur ad majus bonum præstandum. Verum ita illos dispensare sentire nos convenit, ut quo minus fieri potest lex communis lædatur.

VIII. Ex paucis, quæ obiter dicta sunt, evidenter constat, argumentationem Tamburini vanum esse sophisma. *Stricte* ergo interpretanda est Bulla *Cruciatæ*, ut probabilior, immo vera sententia docet. Cui sententiæ maximum authoritatis pondus adjicit Pontifex Summus, dum & ipse *strictam* suadeat interpretationem, moneatque, ne inanibus commentis se se solutos fideles arbitrentur legibus, & formulis ibidem præscriptis. *Quare qui eo Diplomate gaudent, illius tenorem stricte & considerate perpendant, ex ejusque sententia se gerant. Caveant autem ne inani quapiam excusatione sese solutos esse arbitrentur præscriptis ibi legibus.* Si hæc pauca Sanctissimi Pontificis verba ea, qua decet, animi demissione, & christiana simplicitate, atque docilitate reco-

recogitentur, innumera præfatæ Bullæ commenta a P. Mendo, Diana, Tamburino, Machado, aliisque recentioribus excogitata in nihilum occidunt. Gratosum a Pontifice Summo vocatur Diploma, ut tacitæ objectioni occurram, non quod non adverfetur legi communi, sed quod uni inclytæ Hispanæ Genti concessum fit.

C A P U T IX.

P O S T U L A T U M VII.

„ Utrum memorata duo præcepta urgeant extra
„ Quadragesimam?

§. I.

Dubitanti rationes.

I. **J**ejunium Quadragesimale semper in Ecclesia solemniori ritu peractum est, majorique in pretio habitum, quam cætera anni jejunia. Ergo mitior in his, quam illo austeritas. Non urgent itaque in aliis jejuniis a Quadragesimali distinctis præfata duo præcepta. Quod jejunium Quadragesimale excellentius in Ecclesia sit, probat S. Thomas 2. 2. q. 147. a. 8. ad 3. his verbis. *Inter alia jejunia solemnius est Quadragesimale jejunium, tum quia observatur ad imitationem Christi, tum etiam quia per ipsum disponimur ad redemptionis nostræ Mysteria devote celebranda: & ideo in quolibet jejunio interdicitur esus carniū. In jejunio autem Quadragesimali interdiciuntur universaliter etiam ova, & lacticia. Circa quorum abstinentiam in aliis jejuniis diversæ consuetudines existunt apud diversos, quas quisque observare debet secundum morem eorum, inter quos conversatur.*

II. Hoc idem confirmatur unanimi SS. Patrum assensione. Omnes quippe adfirmant, Quadragesimale jejunium ab ipso Evangelio, Apostolisque originem ducere. Satis sit
unum,

unum, & alterum allegare. S. Augustinus ep. 55. ad Januar. c. 15. *Quadragesima jejuniorum habet auctoritatem, & in veteribus libris ex jejunio Moysis, & Eliae, & ex Evangelio, quia totidem diebus Dominus ieiunavit, demonstrans Evangelium non dissentire a lege, & Prophetis.* S. Hieron. Montanistis improperans, quod tres illi observantes Quadragesimas, tres adorent Salvatores, docet apud Catholicos unam toto anno obtinere Quadragesimam ex Apostolica traditione proficiscentem. *Nos unam Quadragesimam secundum Apostolicam traditionem Apostolorum toto anni tempore nobis congruo ieiunamus: illi tres in anno faciunt Quadragesimas, quasi tres passi sint Salvatores.* Similia docent Patres omnes, quos prætereo. Plura alia anni jejunia sunt institutionis meræ Ecclesiasticæ. Ergo jejunia Quadragesimæ severiora: mitiora alia.

III. Accedit, quod jejunium Quadragesimale decem & amplius sæculis non solvebatur ante Vesperas, cetera vero jejunia ad Nonam, ut colligitur ex Patribus. S. Benedictus in sua Regula cap. 14. hæc præscribit. *Quarta, & sexta feria ieiunent usque ad nonam: in Quadragesima vero usque ad Pascha, ad vesperam.* Hoc idem narrat S. Bernardus ser. 3. in Quadrag. *Hactenus usque ad Nonam ieiunavimus soli, nunc usque ad Vesperam ieiunabunt nobiscum universi.* Ergo hac quoque tempestate quidquam severitatis remittendum in aliis extra Quadragesimam jejuniis. Quod autem indulgendum videtur, est exemptio a memoratis duobus præceptis unice comesturæ, & non permiscendarum epularum.

§. II.

R E S C R I P T. P O N T I F.

„ Respondetur : urgere extra Quadragesimam utrumque
 „ præceptum, illud scilicet unice comestionis cum reli-
 „ quis legibus in secundo, & tertio ad hæc postulata
 „ responso, expressis: & alterum non permiscendi epu-
 „ las licitas cum interdictis, ut in quarto postulato de-
 „ finitum est „.

*In cæteris jejuniis ab Ecclesia extra Quadragesimam præscriptis
 observanda sunt duo præcepta, unice comestionis, & de non
 permiscendis utriusque generis epulis: quantitas & quali-
 tas vespertinae collationis Quadragesimalis, horaque meridia-
 na.*

I. **H**ÆC omnia præscribuntur in Pontificio Responso :
 Et quidem jure, meritoque. Id palam fiet singula
 dispiciendo. Unica comestio naturam cujusque jejunii Eccle-
 siastici ingreditur. Quoniam idem est omnium jejuniorum
 finis præcipuus, nempe concupiscentiæ repressio. Huic au-
 tem assequendo fini idonea judicata est unica comestio: id-
 circo eam Ecclesia præcepit. Audiamus S. Thomam 2. 2.
 q. 147. a. 6. *Jejunium ab Ecclesia instituitur ad concupiscen-
 tiam refrænandam: ita tamen, quod natura salvetur. Ad hoc
 autem sufficere videtur unica comestio, per quam homo potest &
 naturæ satisfacere, & tamen concupiscentiæ aliquid detrahit di-
 minuendo comestionum vices: Ideo Ecclesiæ moderatione statu-
 tum est, ut semel in die a jejunantibus comedatur. De primo
 ergo præcepto unius comestionis non est ambigendum. Nam
 jejunia extra Quadragesimam vera jejunia sunt; ergo jejunii
 naturam, in unica comestura sitam, habere debent. Quod
 alterum præceptum spectat de epulis non permiscendis, non
 minus evidens est, urgere in cæteris jejuniis extra Quadra-
 ge-*

gesimam ac in ipsa Quadragesima. Idque ostenditur ex ipso textu S. Thomæ §. 1. allato, in quo hæc habentur: *In quolibet jejunio interdicitur esus carniū.* Ergo in nullo jejunio edendarum carniū facultas concedi jure valet, nisi vel ob infirmitatem, vel ob grave nocumentum ciborum esurialium. Porro recurrit argumentum factum supra, videlicet, aut nullam esse dispensationem ob defectum justæ causæ: aut si justa est causa, nempe quod esus piscium revera graviter noceat, jam peccatur tum contra temperantiam, tum contra legem jejunii: nam dispensator eo ipso, quod carnes concedit, pisces vetat, sic exigente recta dispensationis, ut ita dicam, œconomia. Recurrunt aliæ duæ rationes petitiæ ex cujusque jejunii institutione. Harum prima est frænare concupiscentiam, carnisque petulantiam cohibere. Quid autem acrius concupiscentiam vellicat, irritatque gulam, quam diversarum epularum lautitiæ? Ergo in quolibet jejunio hæc permixtio vetita est. Altera quoque ratio satisfaciendi Divinæ Justitiæ pro pœnis, quæ flagitiis nostris debentur, non minus urget in cæteris jeiniis atque in Quadragesimali.

II. Alias duas leges, de quantitate, & qualitate cibi capiendi in vespertina refectiuncula, & de hora non antevertenda, similiter in aliis ieiuniis obligare æque ac in Quadragesima planum est. Et, ut de quantitate, & qualitate pauca dicam, patet easdem ac in Quadragesima servandas conditiones esse. Nam unica commestio ad naturam pertinet cuiusque ieiunii Ecclesiastici. Ergo illa collatio capienda in aliis ieiuniis est, quam consuetudo invexit in ieiunium Quadragesimale. Porro consuetudo hæc nunquam permisit usum illarum escarum, quæ in prandio sumuntur, ut salva consistat comestura unica: sed usum invexit aut fructuum, aut bellariorum, & panis, quantum sat est ad somnum capiendum. Eiusmodi quippe fructus, herbe, vel bellaria in communi existimatione epulæ naturam non habent. Quare si quantitas sit moderata, non impeditur quominus unica sit comestura. Consule quæ supra dicta sunt

R tum

tum de qualitate, tum de quantitate istius refectiuncule, cum in omnibus ieiuniis eadem esse debet.

III. Quantum ad horam sumendi refectiorem, quando ieiunium Quadragesimale sub vesperam solvebatur, in ceteris ieiuniis prandium peragebatur hora nona. Verum postquam consuetudo obtinuit prandendi etiam in Quadragesima circiter meridiem, continuo omnia ieiunia hac eadem meridiana hora solvi cœptum est. Et hoc docent omnes etiam benigniores Probabilistę, ut testatur P. Leander a Santissimo Sacramento *disput. 6. q. 4.* ubi laudat Caietanum, S. Antoninum, Maiorem, Ricardum, Medinam, Azorium, Covarruviam, Reginaldum, Abulensem, Fagundez, Laymanum, Sanchez, Filliucium, Trullenchum, Pasqualigum, Bossium. Plures recentiorum, quamvis fateantur omnia ieiunia solvi nunc circiter meridiem, tamen propugnant, non peccare mortaliter eos, qui anteverterent vel in ipsa Quadragesima hanc horam, etiam notabili temporis intervallo. Quam opinionem supra reprobavimus. Ieiunia ergo extra Quadragesimam ab Ecclesia præscripta in hoc solum a quadragesimali differunt, quod alicubi consuetudo obtinet comedendi in iisdem ova, & lacticia: quantum ad reliqua omnia eiusdem omnino sunt conditionis, non dissentientibus vel ipsis benignioribus Theologis.

C A P U T X.

R E S C R I P T. P O N T I F.

„ Habeas, Venerabilis Frater, penitus explicatum quidquid
 „ apud vos ex nostris sæpius nuncupatis Apostolicis Litteris
 „ dubitationem attulisse scribis. Qua quidem in re lau-
 „ davimus consilium tuum interrogandæ Supremæ Roma-
 „ næ Sedis, ut libero, & non vacillanti gressu ad Oves
 „ sana doctrina imbuendas incedere Pastores queant: in
 „ istoque tuo suscepto consilio agnovimus Hispanam Re-
 „ ligionem, nihil sibi tutum, nisi e Divi Petri Cathe-
 „ dra acceptum, reputantem; qua splendidissima gloria
 „ tantum nomen, & incorruptæ fidei fructum Hispania
 „ sibi peperit.

*Obsequium Archiepiscopi in Apostolicam Sedem merito commen-
 datur. Responsa Pontificia perspicua summæque authorita-
 tis. Docilitas tamen & Evangelica simplicitas necessaria.
 Adversæ Recentium Casuistarum opiniones nulla amplius
 fruuntur probabilitate. Quæ opponi solent, non esse videlicet
 eorum opiniones proscriptas, in antecessum refelluntur.*

I. **V** iam institit præstantissimus Archipræsul Compostel-
 lanus in consulenda Apostolica Sede super contro-
 versis dirimendis, quam calcarunt cæteri insigniores Hispa-
 niarum Præsules, qui in gravioribus quæstionibus ad Supre-
 mam Petri Cathedram, ceu ad veritatis asylum, confuge-
 runt, ut oraculum audirent. Et ne antiquos commemorem,
 quorum meminit immortalis memoria dignus Cardinalis A-
 guirre in Præfatione ad collectionem Conciliorum Hispa-
 niæ. Recentiores obiter nominabo Antistites illos similiter
 Hispanos, qui anno MDCCXVII. libellum supplicem de-
 derunt ad Maximum Pontificem Clementem XI. cujus no-
 men æternum stabit. In hoc libello typis edito plurimas

propositiones laxissimas, & a Probabilismo derivatas, Supremo Romanæ Sedis judicio damnandas subiecere Episcopi illi sanioris doctrinæ vindices. Horum vestigiis inhæsit præclarissimus Archiepiscopus noster, qui eam assequutus gloriam est, ut meruerit a Sapientissimo Pontifice BENEDICTO XIV. laudari cum universa sua inclyta Natione de Religione Catholica optime meritissima, non tantum quod semel acceptam Fidem incorruptam servaverit, sed quod in novum mundum eam invexerit, atque ad portentum propagaverit.

II. Cum Sancto nunc Augustino dicere jure valet Illustrissimus Compostellæ Archiepiscopus: *Jam enim de hac causa duo consilia missa sunt ad Sedem Apostolicam, inde etiam Rescripta venerunt. Causa finita est &c. serm. 2. de verb. Apostoli sub finem.* Non duo, sed tria super ieiunii causa ab Apostolica Sede Rescripta, seu Diplomata venerunt. Quæstiones omnes, dubitationes, dissidiaque post auditam Summi Pastoris vocem, alto sepelienda silentio sperare nos convenit. Hæ quippe sunt veluti tesserae ovium evangelici gregis: vocem audire Pastoris. *Oves meæ vocem meam audiunt. Joan. 10.* In veteri lege, si quis post Summi Sacerdotis rogatam sententiam litem dirimentem, contradicere ausus fuisset, morte plectebatur. *Si difficile, & ambiguum apud te judicium esse perspexeris . . . surge . . . veniesque ad Sacerdotes Levitici generis . . . & facies quodcumque dixerint . . . nec declinabis ad dexteram, neque ad sinistram. Qui autem superbierit nolens obedire Sacerdotis imperio . . . morietur homo ille. Deut. cap. 17.*

III. Nemo Catholicorum est, qui Religioni, atque piaculo sibi non vertat, Romani Pontificis, aliorumque Pastorum, quos Deus posuit regere domum suam, mandatis palam refragari, atque contradicere. Verum non raro accidit, ut plures sive factionis spiritu acti, sive ut proprias, quas domo detulere, opiniones propugnent, leges vel apertissimas, & perspicua mandata distinctiunculis involvere, commentis implicare, & postremum penitus eludere studeant. Quæ sane

ne agendi ratio, aleæ plenissima est. Quandoquidem illi ipsi, qui tandem ab ovili Christi descivere, sub initium non aperta fronte Petri oracula spreverunt, sed cuniculis & latebris, modo distinguentes, modo explicationem postulantes, modo aut ad Pontificem melius instructum, aut ad Tribunal futurum causam appellantes, larva tandem posita, Romanæ Ecclesiæ sanctionibus pugnacissime resistere. Summa itaque animi demissione suscipienda sunt Romani Pontificis Decreta, responsa, & sanctiones omnes. Cavendum summopere est, ne præstigiator ille propriæ voluntatis amorem nos fallat, approbetque in nobis quod in aliis iusta severitate detestatur. Quid? invehimur in eos, qui Romanæ Ecclesiæ Decreta humili suscipere obsequio detrectant? Et nos in causa propria iisdem utimur artificiis, eisdem technis, in eisdem artibus perfugium locabimus, ut quæ nostris præjudicatis opinionibus obsunt eludamus? Absit a nobis vel ipsa tanti criminis scandalique suspicio. Quoniam nihil efficacius in Sanctam Petri Sedem inimicorum odium concitaret, quam tanta trutinæ diversitas. *Abominatio est apud Deum pondus, & pondus: statera dolosa non est bona. Prov. 20.*

IV. Perspicua sunt, & cuique pervia recensita Pontificis Summi Responsa. Nihil oneris in eisdem imponitur, nisi quod & legis natura, & justæ dispensationis Regulæ requirunt, atque Patres omnes, & graviores Theologi docent: summæ propterea sunt, & ineluctabilis authoritatis. Verum enim vero nihil tam sanctum, nihil tam apertum, exploratumque, quod hominum cavillis, & sophisticis argutationibus obnoxium non sit, nisi timor Dei, humilitas, & singularis erga cœlestia affectio suppetias ferant. Quæ præire debent, ut fidei donum in hominum mentibus infundatur; eadem fere antecedant oportet, ut sana morum doctrina altius menti hæreat. Antequam habitualis fidei lumen animam illustret, piæ præcedere affectionem debere, quæ in obsequium ejusdem mentem inflectat, docent communiter Theologi. Similis piæ voluntatis impulsus atque propensio antecedit, ut ego quidem arbitror, necessum est, ut moralis Christianæ Doctrina in cor-
dibus

dibus hominum altiores agat radices. At inquis, pia voluntatis motio idcirco præire fidei debet, quod Myſteria credenda, obſcura cum ſint, movere intellectum nequeunt. Quamobrem hunc defectum ſuppleat pia cordis affectio fas eſt. Quæ autem morum ſcientia agenda præſcribit manifeſta ſunt, & menti conſentanea. Ergo ratio diſpar. Verum habet, quoniam ex diverſis principiis iſtius pii affectus neceſſitas oritur in fide, ac in morum ſcientia. Enim vero ſi fide divina credenda Arcana tenebris involuta ſunt: quæ exequenda jubet Scientia Moralis, hoſtiliter carni repugnant & ſanguini, bellumque implacabile atque continuum appetitionibus indicunt. Ad hanc porro pugnam tollendam, non ſecus ac ad diſpellendam credendorum obſcuritatem, neceſſaria fane eſt pia voluntatis affectio, ingenua ſimplicitas, mens docilis, humilis, atque a cacohete rixandi & contendendi prorfus aliena. Si hæc dotes ſimplicitatis, timoris, atque docilitatis deſint, vix, ac ne vix quidem fieri poteſt, ut Superiorum doctrinales ſententiæ abſque contentione, & murmure amplectamur, eorumque mandatis Religioſa obedientia pareamus.

V. Hanc doctrinam altius ubique inculcant Scriptores Divini. Paulus Apoſtolus *Ephes. 6. Obedite in ſimplicitate cordis veſtri, ſicut Chriſto, non ad oculum ſervientes, quaſi hominibus placentes, ſed ut ſervi Chriſti facientes voluntatem Dei ex animo cum bona voluntate.* Et valde prius Salomon dixerat, Deum ſimplices alloqui, & verborum venatores odio habere. *Abominatio Domini eſt omnis illuſio: & cum ſimplicibus ſermocinatio eius. Prov. 3.* Sanctus Jobus appellatur homo ſimplex, & rectus, ac timens Deum c. 1. Et Evangelista Matthæus. *Si oculus tuus fuerit ſimplex, totum corpus tuum lucidum erit. c. 6.* Hæc animi ſimplicitas in obſequium imperantis, mentem, & iudicium ſubjicit. Auro, cedroque digna ſunt monita tria, quæ Sanctiſſimus Patriarcha Ignatius Lojola Inclytæ Societatis JESU Inſtitutor nobis hac de re ſuppeditat *epiſt. 1. de virtut. Obedientiæ n. 16. 17. & 18. edit. Antwerp. an. 1635.* Præterea tria vobis nominatim propono, quæ ad obedientiam iudicis comparandam multum iuvant. Primum illud eſt,

ut

ut . . . non intueamini in persona Superioris hominem obnoxium erroribus, atque miseriis, sed Christum . . . Altera ratio est, ut quod Superior mandat, vel sentit, defendere semper apud animos vestros studiose nitamini, improbare autem nequaquam. Atque ad eam ipsam rem proderit, bene animatos, affectosque esse ad id omne quod ipse iusserit . . . Postrema subiiciendi iudicii ratio est . . . ut . . . ad ea facienda, quaecumque Superior dixerit, cæco quodam impetu voluntatis parendi cupida sine ULLA prorsus DISQUISITIONE feramini. Huc recidunt omnia, quæ de sublimi obedientiæ virtute Patres scripsere. Christus Dominus in Superioris persona spectandus: Ejusdem jussa, & judicia sine ulla prorsus disquisitione suscipienda: Et tandem hæc omnia accurato studio, & invicto conatu defendenda nobis sunt, atque adeo ab oppugnatoribus vindicanda. Quod si tam exacta obedientia parendum cuique vel inferiori Prælato est: qua profundiori animi demissione subjiciendus intellectus erit omnium Prælatorum Supremo Hierarchæ, Christi scilicet Vicario? Providit & hoc illuminatissimus Patriarcha. Quamobrem, ne bene tantum affecti, animatique essemus ad ea, quæ nostrarum sunt rationum, nostramque promovent gloriam, & splendorem, subdit, hæc omnia præstanda esse, cum parendum fuerit Romano Pontifici Christi Vicario. Atque hæc, quæ de obedientia diximus, æque privatis erga proximos Superiores, atque Rectoribus Præpositisque localibus erga Generalem, Generali denique erga illum, quem Deus ipsi præfecit, nempe suum in terris VICARIUM, observanda sunt. Cujus obedientiæ tributum ut alacrius, exactiusque præclarissimi filii Romano Pontifici pendant, singulari Sacramento se se devinciunt.

VI. Qui vero præfatis obedientiæ dotibus destituti sunt, super omni verbo vitilitigant, cavillantur, rixant, disputant, contendunt. Omnia in discrimen revocant, & pro ingenio quæque interpretantur. Hi non simplices, sed versuti, non dociles, sed pugnaces, non humiles, sed arrogantes, superbi. *Qui autem (minatur Deus Deut. 17.) superbierit, nolens obedire Sacerdotis imperio, morte moriatur.* Solum his Pontificia

tificia responsa summæ, & ineluctabilis authoritatis non sunt. Cæterum qui mente præjudiciorum vacua, animoque sincero, ac spiritu simplici Supremi Superioris iussa & leges expendant, tamquam certissimas morum regulas præfata responsa amplectuntur. Sceleri sibi verterent vel latum unguem eisdem reluctari & contradicere, immo non eas, ut admonet Sanctissimus Patrarcha Ignatius, defendere, & propugnare.

VII. Non defuturos tamen suspicor qui, quemadmodum adversus duo alia Apostolica Diplomata, ita & contra hoc rescriptum sint opposituri. *Rescriptum* istud, inquit, *Respon-*sa privata continet ad unum Archiepiscopum directæ, non sanctiones pro universa Ecclesia latas. Sententiæ sunt Pontificis Summi, ut Doctoris privati, non, ut Pastoris e cathedra loquentis. Non damnat contrarias Theologorum opiniones, sed tantum præfert sententias, quæ sibi probabiliores videntur. At propterea ne sua destituantur probabilitate opiniones, quibus tot docti Juniores patrocinantur? Nonne alius Pontifex decernere oppositum poterit? Licitum ergo erit nostras propugnare sententias, ut probabiles, donec solemni censura configantur. Ad summum illarum praxis suspendenda, donec faustior arrideat fortuna. Objecta narro, quæ lippis, & tonsoribus comperta sunt. Hujusmodi quippe, & alia paululum acriora adversus primum Diploma opposuerunt: adeo, ut opus fuerit alterum edere. Quid, quod, neque secundolato destiterunt ab inceptis: sed ne scholæ splendor tantillum innumbretur, atque sistema consistat probabilisticum in hodiernum diem narrata commenta aurito gregi insuffurant, atque in vulgus disseminant. Tantum valent præjudicate opiniones.

VIII. Rescripta Romanorum Pontificum ad consulentes Episcopos, de more data, semper fuerunt penes Catholicos omnes summæ authoritatis, maximoque in pretio habita. Simul atque D. Augustinus Apostolicæ Sedis Rescripta accepit, definitam, terminatamque causam pronunciavit. *Jam enim de hac causa duo consilia missa sunt ad Sedem Apostolicam, inde etiam Rescripta venerunt. Causa finita est: utinam aliquando finia-*

finiatur error. Serm. 2. de Verb. Apost. Finitam habebat causam Augustinus post accepta Romana responsa, sed verebatur, ut omnes focii sibi assensuri forent, ideo subjunxit: *Utinam aliquando finiatur error.* Perspectum illi erat, plurimos Academico Probabilismo imbutos, eo facilius legem Ecclesiæ suis appetitionibus detorquere, quo ipsam Dei legem vanis commentis eludere non reformidabant. *Verum si Dei legem, non sicut se habet, sed sicut vobis placet, intelligitis, quid mirum, si & de lege Imperatoris hoc facitis. Lib. 3. contr. Julian. c. 3.* Animos autem adjicit Sanctus Pater, hortatur, urgetque, ut ejusmodi hominum placita refellamus. *Fratres mei compati mini mecum. Ubi tales inveneritis occultare nolite. Redarguite contradicentes, & resistentes ad nos perducite. Serm. 2. de verb. Apost.*

IX. Parendum ergo Augustino, & objectum commentum toties convulsum, iterum labefactandum. Et quoniam sophisticam hanc argutationem: *Opinio non est damnata, nititurque gravium Juniorum auctoritate, ergo probabilis, atque adeo segura*, ad ravim usque obtrudunt, placet paulo fusius eam expendere, potissimum, quod non ita pridem rogatus fui, ut, occasione data, ineptum sophisma penitus contererem. Quoniam ejusmodi cavillationem imperitis non levem fucum facere experientia didicimus; porro, ut efficacius hoc præstem, instauranda argutatio est sub validiore suo aspectu. Clamant ergo. Opiniones, quas defendimus, ad Pontificium Tribunal delatæ fuerunt. Quis dixerit, aut opinionem benignam seu minus probabilem, & opiniones contrarias prænunciatis Apostolicis Litteris non fuisse sub examen inductas, aut denuntiatas, aut de eisdem sermonem non incidisse? Profecto, si contrarias sententias sequendas proponit Apostolica Sedes, fieri haud potuit quominus istarum quoque facta mentio fuerit. Ergo eo ipso, quod hanc, vel has opiniones Pontifices Summi expresse non damnarunt, tacite, ut minus, significare voluerunt, easdem sanam continere doctrinam. Non modo itaque ex Pontificiis Decretis opiniones nostræ læsæ non fuerunt, quin ex iisdem novum recipiunt robur, & a cujus-

S
que

que suspicionis nota liberæ evadunt. Poterat ne efficacius exaggerari commentum?

X. Nolo meis verbis illud refellere, sed P. Ignatii de Camargo sapientissimi Hispani Inclytæ Soc. JESU Theologi responsum transcribam, ut discant minus periti, rancidulum valde esse parallogismum hunc. Sic autem P. Camargo respondet *lib. 2. controv. 2. a. 4. §. 2.* „Vulgarem hunc discursum
„millies audivi, sed ab hominibus *levioris notæ*: & qui
„vulgaria quæque sine examine ullo & suscipiunt, & pro-
„ferunt pro sustinendo suo, quem amant, sed non cogno-
„scunt, Probabilismo Porro argumentum hoc nimis ab-
„surdum videtur, cum iidem ipsi Pontifices per sua me-
„morata Decreta illud clare, & signanter reprobaverint, &
„consequenter omnem occasionem, omnemque ipsis excusa-
„tionem præciderint.

„Notorium est, Alexandrum VII. in suo priori Decreto
„damnavisse hunc articulum ordine 27. *Si liber sit alicuius*
„*iunioris, & moderni, debet opinio censeri probabilis, dum*
„*non constat reiectam esse a Sede Apostolica tanquam improba-*
„*bilem.* Insuper Innocentius XI. in ipsa præfatione Decreti
„sui signanter, & expresse declarat, intentionis suæ non
„esse *alias propositiones in ipso non expressas, & Sanctitati suæ*
„*quomodolibet, & ex quacumque parte exhibitæ, vel exhiben-*
„*das, ullatenus approbare.* Quam igitur post hæc excusa-
„tionem habere poterit, qui benignam sententiam (& alias
„quasque) ex eo arguerit non esse damnabilem, immo a
„Sede Apostolica tacite saltem esse approbatam, quod per
„memorata Decreta expresse rejecta non sit, aut cum aliis
„damnatis opinionibus aliqua censura notata?

„Cæterum præscindendo ab his expressis Summorum Pon-
„tificum protestationibus, aut declarationibus, quis Theolo-
„gus cordatus serio arguere potest, aliquam opinionem mo-
„ralem esse vere probabilem, tutam, ac sanam, ex eo so-
„lum, quod a Sede Apostolica patienter toleretur (etiam
„per multum temporis) aut expresse non rejiciatur? Nemo
„profecto ignorat, plurimas opiniones in materia fidei, &
„mo-

„ morum , post diuturnam illarum tolerantiam damnatas
 „ tandem esse ; & a fidelium praxi proscriptas tanquam do-
 „ ctrinas pravas , & noxas . Nemo item audebit affirmare ,
 „ aliquas opiniones , etiam antiquas , quæ modo permittun-
 „ tur , & tolerantur , non posse tandem aliquando damna-
 „ ri , & a tota Ecclesia proscribi . Quid ergo ? & illæ ante
 „ damnationem , & istæ interim , dum non damnantur , hoc
 „ ipso vere sanæ , probabiles , & tutæ sunt ? Hoc ipso ta-
 „ citè approbari censentur ab ipsa Apostolica Sede ? Quis
 „ dicat ? Alioqui Summi Pontifices non nisi falso poterunt
 „ affirmare , illas se ab Ecclesia proscribere , & a fidelium
 „ praxi prohibere , eo quod praviæ , ac noxiæ moribus Chri-
 „ stianis sint , & animarum salutis perniciosæ , .

XI. Allegata satis essent , pauca tamen adjicere lubet . O-
 piniones de non conjungendo jejūnio cum esu carniū ex dis-
 pensatione , de epulis utriusque generis non permiscendis , pro-
 babiles olim habebantur . Quis asseruerit probabiles nunc esse ?
 Nemo sane , nisi illi , qui manus victas dare recusant , nisi
 cum districto anathematis mucrone illorum jugulum petitur .
 Sed nulla nobis cum istis docilitate , & simplicitate destitu-
 tis disputatio est , qui non rationi , sed vi tantum , gladio-
 que fasces submittunt . Ut imperitos , sed dociles , ingenuos-
 que instruamus , iisdem recordamur , Romanos Pontifices Chri-
 sti Domini , cujus vices gerunt , vestigia persequi , exempla
 que imitari . Porro Servator noster Divinus permittit ziza-
 nia simul cum tritico crescere usque dum opportunum oc-
 currerit tempus eradicandi illa , salvo tritico . *Ne forte col-
 ligentes zizania eradicetis simul cum eis , & triticum . Sinite
 utraque crescere usque ad messem &c. Matth. 13* Porro ziza-
 nia & triticum non tantum malos probosque homines , ve-
 rum etiam malam quoque , & bonam doctrinam significare ,
 per quam homines boni , malive fiunt , certum (inquit Ca-
 margo loc. cit.) & obvium est ex sacris Interpretibus : opi-
 niones minus probabiles & falsæ tam similes sunt probabiliori-
 bus & veris , ut discerni vix queant . Verum & inter triti-
 cum (inquit Hieronymus in Matth. c. 13.) & zizania , quod
 S ij appel-

appellatur lolium, quamdiu herba est grandis similitudo est, & in discernendo nulla aut difficilis distantia. Verum quamvis opiniones falsæ simillimæ veris sint, non propterea Deo, non Ecclesiæ probantur, sed cum pravis hominibus in tempore projicientur. Neque sibi indociles homines blandiantur, illudantque, ignorantia excusandos esse usque dum opiniones non damnentur? Quandoquidem, ubi bona fides, ubi sinceritas, cum audias supremum Pastorem contraria jubentem? Quid de filiis diceres, qui Patrum consiliis, quin nec mandatis parere velint, nisi cum evaginato gladio terra marique exterminare illos minantur? Plurima sileo in tempore dicturus. Audiant interim Augustinum lib. de fide, & oper. cap. 17. Retibus enim bonis capi possunt pisces & boni, & mali. Retibus autem malis capi non possunt pisces boni. Quoniam in doctrina bona & bonus potest esse, qui audit & facit, & malus, qui audit & non facit. In Doctrina vero mala, & qui eam veram putat, quamvis ei non obtemperet malus est, & qui obtemperat pejor est. Hanc Augustini Doctrinam amplectuntur Patres omnes, quoniam in Scripturis millies inculcata. Audi nunc quæ scribit P. Antonius Casnedi tom. 2. in dedicatione operis ad Christum JESUM. Cum Magister veritatis sis, adeo humanæ condescendis inscitiae, ut in tuo veritatis Tribunali error inculpatus ipsam coequat veritatem: eum enim non accusas, sed excusas; non plectis, sed præmiaris: ipsam Tuam Legem habendo pro Non-lege: & Tuam Non-Legem habendo pro Lege, si Lex, ut NON-LEX, & NON-LEX, ut Lex invincibiliter proponatur. Audistin? Invincibiliter fornicaris, furaris, pejeras. Præmium a Deo recipies, non secus ac si castus, si justus, si verax fuisses: Quia error inculpatus ipsam coequat veritatem. To coequat uberrimam vim prodit. Hæc obiter. Expedit enim, etiam per transennam errata, quæ nobis videntur imperitis nocere Lectoribus, improbare, & eosdem admonere, ut sibi caveant.

C A P U T XI.

R E S C R I P T. P O N T I F.

„ Cavendum tamen est, ne in expendendis Apostolicæ Se-
„ dis Constitutionibus pro nimia exhauriendi argumenti
„ solitudine nullus fiat differendi, ambigendique Modus.
„ Sedula deinde opera conferenda, ut istiusmodi dubia,
„ quæ facile pro ingeniorum varietate disputando emer-
„ gunt, penitus inter vos dirimantur, ne diuturna un-
„ quam disceptatione fluctuent animi, præsertim cum
„ Constitutiones ipsæ Apostolicæ scopum, quo tendunt,
„ aperte demostrent, & illuc prompte dirigi potest quic-
„ quid dubitando interturbare videatur. Id si animad-
„ vertissent qui de præsentî negotio plura dubitarunt,
„ nodum sibi exolvissent. Patebat enim nihil aliud No-
„ bis in animo fuisse, quam cohibere vivida nonnullorum
„ Theologorum ingenia, qui nimium sacri jejunii fines
„ prætergressi, & non parum oblitit, illud ad retinendum
„ in officio corpus divinitus institutum hosti huic spiri-
„ tus infensissimo blandiebantur. Statim siquidem compe-
„ rissent quid in propositis quæstionibus constituendum
„ esset, nec tibi molestiam exhibuissent, nec Nobis, quos
„ gravissimæ undique circumstant curæ, non parum tem-
„ poris occupassent &c.

§. I.

*Documenta saluberrima in ultimo Rescripti Pontificii membro
contenta explicantur. Consectaria ex nimia de jejuniis
disputandi solitudine.*

I. **B**ene se res habet, ut hoc ultimum caput aureis ver-
bis Cardinalis Bona, sanctitate & doctrina non mi-
nus quam purpura Eminentissimi, atque in scribendo cœ-
le-

lestis unctionis mirabili quadam suavitate perfusi, exordiar, ut sin meo arido, sterilique sermone, Divina saltem tanti Viri eloquentia lectorum corda valeam emollire. Porro hæc ille scribit *Tract. de Divin. Psalm. cap. 9. §. 3. Hic liceat tandem subsistere, & deplorare. Heu quantum a prisco jejuniorum ritu recessimus! Tunc vera jejunia erant, dura, & austera: nunc levia sunt, & vix jejunii nomine digna, ludus, & umbra jejunii. Etiam in ipsis solemnioribus pervigiliis vix meridiem expectamus, statutas Nonæ, & Vesperarum horas in solemni dumtaxat precum recitatione servantes. Utinam quod deest abstinentiæ, aliarum virtutum exercitatione sarciamus. Hic non vetustæ ætatis scriptor quispiam est: sed Doctor, qui proximum elapsam sæculum illustravit.*

II. Itaque, ut hanc collapsam jejuniorum disciplinam instauraret Sanctissimus Pontifex BENEDICTUS XIV. feliciter regnans duo edidit Diplomata. In præsentī vero Rescripto, postquam quæstiunculis super eisdem excitatis, si-bique propositis, responsa præbuit, admonet, ut caveamus interpretamenta nimium subtilia, quæ recidunt in quæstiones inutiles, in contentiones, nullusque sit disceptandi modus. Sed eo diligentius in morum scientia abstinendum a controversandi studio, quod nimix istius generis quæstiones illuc communiter tendunt, ut a legis obligatione homines eximant. Consuluntur Theologi plures, dubitationes, postulata proponuntur, ut experiamur, si via aliqua a legis onere liberi tandem evadere possimus. Perspicuæ sunt communiter leges, manifesta Decreta, & præcepta omnibus, qui bene erga legum observantiam animati sunt, quique sincero propriæ salutis desiderio flagrant: semper vero occasione sunt ambigendi, disputandi, vitilitigandi iis, qui moribus vivere suis vellent, suasque explere appetitiones. Quæ omnia non aliis, quam iis, quæ in manibus sunt, confirmare exemplis volo. Quid quæso primo Pontificio Diplomate *Non Ambigimus* manifestius? Et tamen secundum e-dere ad majorem explicationem necessum fuit? Quid quod secundo evulgato, non propterea cessarunt Disputationes, con-

controversiæ, dubitationes? Quis dixerit, a spiritu pœnitentiæ, ab amore jejuniorum ejusmodi dissidia proficisci? Præsertim cum Constitutiones ipsæ Apostolicæ scopum, quo tendunt, aperte demonstrent, & illuc prompte dirigi potest quidquid dubitando interturbare videatur. Id si animadvertissent qui de præsentî negotio plura dubitarunt, nodum sibi exolvissent. Verum, ut clarius pateant immania consecraria, quæ ex ex Novo opinandi modo jam ab Alexandro VII. improbato, necessario consequuntur, e re mea est distinctis SS. oculis illa subjicere. Paralellum instituam, in quo quorundam Theologorum de jejunio opiniones cum SS. Patrum doctrina conferam.

§. II.

Paralellus, in quo nonnullorum Recentium Theologorum opiniones de ieiunio cum Patrum doctrina conferuntur.

III. **V**ulgari sermone in alio opusculo contuli opinionones de jejunio quorundam Recentiorum cum Patrum Doctrina. Quia tamen argumentum istud hic propriam sedem habet, operæ pretium existimavi illud ad incudem revocare. Nec propterea actum agam. Quandoquidem quæ adducam evidenter demonstrabunt quæ Pontifex Summus bis asserit in suo Rescripto. Patebat enim nihil aliud Nobis in animo fuisse, quam cobibere vivida nonnullorum Theologorum ingenia, qui nimium sacri ieiunii fines prætergressi, & non parum obliti, illud ad retinendum in officio corpus Divinitus institutum, hosti huic spiritus infensissimo blandiebantur. Et prius in Rescripti exordio. Dum prænuntiatas Constitutiones edidimus, non aliud propositum Nobis fuit, ac refrænare paucorum nimis ingenio fidentium Theologorum licentiam, qui opinionum novitate gaudent &c. Efficacius sane evincere nequeo vera esse quæ de quibusdam Theologis hic adfirmantur, quam eorundem Theologorum novas, inauditasque opiniones in medium afferre. Quoniam
vero

vero opponunt eruditi Juniores, Patres Sanctos haud discussisse hodiernas quæstiones: *Quærunt*, inquiunt, *casus temporum Doctores temporum*. *Bellus erit ille Criticus, si ex S. Augustini doctrina dissolvere velit emergentes nodos*; idcirco Patrum testimonia Recentiorum opinionibus contraria promam. Concedendum tamen Recentioribus est, verum partim esse quod opponunt effatum, nempe casus temporum resolvere Doctores temporum. Et sane casuum, quos his temporibus Doctores excogitarunt, nunquam meminere Patres Sancti. Quin nec illis, nec Christianis illorum temporum in mentem venit disputare, essent ne fœminæ quinquagenariæ a jejunio liberæ, vel illi, qui habent duo *cauteria* seu duos *fontes*, aut illi, qui data opera fornicantur, ut debile effecti, sint a jejunio exempti? Hæ, & centum id genus quæstiones, quas eruditi Juniores veluti crearunt, incognitæ prorsus fuere Patribus. Quapropter verum habet, nos non posse hoc in sensu ex Patribus ejusmodi resolvere casus. Sed opponimus, decisiones istorum casuum a Recentibus inventas pugnare cum omnium Patrum principiis. Idque evincam sequentibus paragraphis in jejunii materia, ut hinc colligere quisque possit quæ in aliis controversiis dicere valeamus.

§. III.

Recentiores non pauci absolvunt fere omnes mulieres a jejunii lege.

IV. **A**Ntequam rem ingredior, prævertere interest quæ nonnulli studiosissimi Casuistarum defensores obtrudere solent. Quid, inquiunt, crambem eandem toties recoquis? Nonne sæpius plautinis salibus perfricata sunt festiva Casuistarum de jejunio paradoxa? Sola ergo invidentia vulneribus afferre manus impellit. Ita ne vero? Quid, si Recentissimi Authores in dies pergerent laxiores suorum Antiquorum renovare opinationes, easque lectoribus sequendas propone-

nere? Quid tum? An repetito veneno, repetenda non esset medicina? Adestum. Laxior ne in hoc genere opinio est præ illa, quæ omnes mulieres quinquagenarias vetulas efficit, ut a jejunio illas eximat? Et tamen hæc opinio diebus nostris renovata est. Credere recusas? Audi quid ex una parte Recentissimi Theologi, quid e regione Patres scribant.

P. Dominicus Viva Theologus novissimus hæc scribit *Tom. 1. curs. Theol. p. 1. q. 10. a. 6. n. 8.* In *fœminis autem Probabiliter ex Vallerio, Narbona, Machado, Pellizario, Diana, contra quam plures putantes id non esse tutum, desinit obligatio jejunandi inchoato anno quinquagesimo. Leander, Pasqualigus, & alii benigniores non loquuntur de anno inchoato. Diana saltem advertit tom. 4. tract. 6. Res. 9. n. 2. Doctrinam a Narbona, & Pellizario superius adductam de anno quinquagesimo quoad mulieres..... incepto tantum, & non completo, minime approbari a multis. Ipse tamen probat. Et hanc laxiorem opinionem etiam de anno inchoato propagat P. Viva, qui ibidem simul excusat Viros sexagenarios, etiam robustos. Quia robur senum est illusivum. Et mulieres, inquit Leander, post annum quinquagesimum non sunt idoneæ generationi.*

V. *An excusetur a jejunio fœmina nubere volens, si ex jejunio deperdat formam, & colorem. Affirmant absolute Sanchez, Lopez, quos citat & sequitur Fagundez, Trullench. & Molphesius. Leander disp. 8. q. 53. Quid causæ produnt? Quia deperditio formæ in ordine ad nubendum censetur notabile damnum, quo imminente, non obligat præceptum jejunii. ibi. Hactenus Leander.*

S. Ambrosius *Serm. 34.*

„ Pudet dicere: Senes, & aniculæ
„ Quadragesimam faciunt: juvenes,
„ & juvenculæ non faciunt.

S. Basilius *Orat. 2.*

„ Senibus levem reddit laborem
„ jam olim contracta cum jejunio
„ familiaritas. Siquidem labores, quibus
„ diutino usu assueveris, minus
„ offendunt. [item *Orat. 2.*] Jejunium
„ servat parvulos, sobrium reddit
„ juvenem, venerabilem facit senem.
„ Venerabilior est enim canities
„ jejunio decorata.

S. Vincentius Ferrerius *Ser. 1. Ciner.*

„ Senex octoginta annorum, vel
„ amplius, qui semel bene possunt
„ comedere, tales non excusantur in
„ aliquo prædictorum; quin ipsi peccant
„ mortaliter. Et ideo cum diligentia
„ omnes jejunemus.

S. Basilius *Or. 2.*

„ Porro mulieribus, quam est naturale
„ respirare, tam est conveniens
„ jejunare.... jejunium fœminis
„ natus est congruentissimus. Ætate,
„ ac robore vigentibus pro fræno
„ est. Jejunium Matrimonii custodia,
„ Virginitatis nutritius.

S. Basilius *Or. 1. de jejunio Coniugatorum.*

„ Jejunium... tutus convictor coniu-
„ ga-

VI. Si nuptæ sint, jejunio non subiacent, ut reddere debitum queant. *An coniuges teneantur jejunare, quando jejunium impedit, ne invicem sibi reddant debitum? Ut quid certum Respondeo non teneri.* Leander q. 48. Quid si mulier reddere debitum posset, at minus venusta fieret? *Excusatur mulier, si jejunando sit macilentata, & invisâ viro.* Joannes La Cruz præcep. 3. a. 4. dub. 9. Clarius P. Filliucius tract. 27. p. 2. c. 6. *Uxor non valens se gratam servare viro ob maciem, vel pallorem, Doctores excusant.*

VII. A jejunio laudati Recentiores absolvunt omnes prægnantes fœminas, omnes nutrices, omnes, quæ hauriunt aquam per magnam diei partem, quæ lixivium efficiunt, quæ lineam suppellectilem lavant. Tandem, concludit P. Pasqualigus *Decis*, 304. *Quando autem linea suppellex jam mundata complicatur, adhuc labor est notabilis, quia in ea tendenda, & extendenda, atque premenda, prout opus est, requiritur magnus conatus, unde hoc quoque exercitium tollit obligationem jejunandi.* Invenies nunc mihi velim, quæ sint mulieres in Mundo legibus jejunii astrictæ. Ante vigesimum primum annum jejunii lege solutæ sunt mulieres omnes. Post, aut nuptæ sunt, aut secus. Si secundum, pulchritudinem servare, & fovere debent ut facilius sponso reperire queant. Si primum, venustas,

„ gatis. Non suspicatur quemquam
„ insidias struere coniugio maritus con-
„ spiciens uxori familiare jejunium.
„ Non contabescet uxor zelotypia
„ cernens maritum amplecti jeju-
„ nium.... Jejunium vero in usu
„ conjugii modum, temperantiamque
„ docet, ac voluptatum lege concessa-
„ rum immodicum usum castigans
„ parit concors otium, ut perseve-
„ rent in oratione „.

S. Paulus Apostolus 1. Cor. 7.

Nolite fraudare invicem, nisi forte ex consensu ad tempus, ut vacetis orationi, & jejunio.

S. Ambrosius Serm. 37.

„ Formam dedit nobis Deus in
„ hoc facto, ut juniorum tempore,
„ tanquam desertum habitantes, absti-
„ neamus epulis & voluptate mulieris.
„ Ne coniungatur nobis Eva, ut nos a
„ casta observatione illecebrosa per-
„ suasione subvertat.

S. Augustinus Ser. 78. de temp.

„ Castitatem ante omnia per to-
„ tam Quadragesimam usque ad fi-
„ nem Paschæ cum propriis uxori-
„ bus custodite.

S. Pontifex Nicolaus 1. in Instruct.
Bulgar. c. 9.

„ Si enim ex consensu coniugato-
„ rum, etiam alio forte tempore,
„ mundo corpore vacatur orationi;
„ quanto potius isto, quo Deo etiam
„ carnis nostræ decimas damus, quo
„ ipsum in abstinentia Dominum imi-
„ tamur.

Concilium Toletanum an. 1473.

„ Tempore, quo Sacrorum Cano-
„ num

& thorofulas se maritis exhibere debent, ut eosdem alliciant, valeantque onera sustinere matrimonii. Jure itaque ac merito, immo necessitate cogente, Pontifex Summus eo direxit suas Apostolicas Constitutiones, ut refrænaret quorundam nimis ingenio fidentium Theologorum licentiam, qui opinionum novitate gaudent. Conferantur Patrum Sanctorum effata cum his Recentiorum opinionibus.

„ num Decretis nuptiarum celebratio interdicitur, & carnalis copula prohibetur.

S. Thomas Aquinas *in 4. dist. 32. q. 1. a. 5. q. 4.*

„ Quia quando novæ sponsæ traduntur, animus coniugum magis ex ipsa novitate ad curam carnalium occupatur, & ideo in nuptiis consueverunt signa multa lætitiæ dissolutæ ostendi: & propter hoc illis temporibus, in quibus homines præcipue se debent ad spiritualia elevare, prohibitum est nuptias celebrare. Si plura cupis consule Fagnanum *lib. 2. Decret. cap. Capellan.*

§. IV.

Nonnulli Theologi Recentiores a jejunio absolvunt circiter 50. hominum status, idest fere omnes.

VIII. **N**E suspicio ulla suboriri possit me quidpiam per exaggerationem asserere, nolo Recentiorum opiniones, quibus Christianos cujusque fere status, ætatis, gradus, & dignitatis a jejunii lege absolvunt, referre. Sed id præstabo verbis P. Thomæ Hurtado, qui recenset hominum ordines, quos P. Pasqualigus solutos a jejunii præcepto declarat. Hæc enim scribit P. Hurtado *tom. 2. tract. 10. cap. 9.*

„ IX. Et in primis miror Zachariam, qui, cum in tomo prægrandi jam citato vix sit status hominum in Ecclesia, quem ab obligatione jejunii non excludat, dicat, quod potus iste jejunium frangat, nixus frivolis argumentis, cum alias ea, quæ sunt pro nostra sententia, valde urgentia sint, decis 275. Excusat pauperes. 276. Servos, quibus pa-

S. Basilii *Hom. 2.*

„ Ne quis igitur semet excludat a numero jejunantium, in quo omne hominum genus, omnis ætas, omnes dignitatum formæ censentur. Angeli sunt, qui in singulis Ecclesiis describunt, ac recensent jejunantium capita.

„ Excusationes rejicit hom. 1. Ne

T ij

„ cum

„ parum cibi ministratur . 277. iter
 „ agentes, qui non inveniunt suffi-
 „ ciens viaticum . 278. illos, qui or-
 „ dinarie pane, & aliis sustentantur .
 „ 279. Uxoratos, qui si jejunant
 „ non possunt reddere debitum . 280.
 „ Foeminam, quæ si jejunat *colores*
 „ *perdit*, quibus grata redditur mari-
 „ to . 281. & 285. Virginem spon-
 „ sam, vel sponsalitia tractantem, si je-
 „ junans pulchritudinem amittat . 287.
 „ Omnes illos, qui exercent artes,
 „ vel officia laboriosa, etiam si dies
 „ festivi sint, in quibus laborant .
 „ 293. Portantes onera . 295. Suto-
 „ res . 296. Cocos, qui condiunt ci-
 „ bos . 297. Fornarios . 298. Texto-
 „ res . 299. Molendinarios assistentes
 „ per diem molis . 300. Eos, qui cir-
 „ ca pelles curandas laborant . 301.
 „ Argentarios, & Aurifices . 302.
 „ Qui vendunt per vicos, & plateas
 „ merces per diem integrum .
 „ 304. Mulieres lavatrices, etiam
 „ postquam extendunt, & duplicant
 „ pannos . Sartores, & Barbi-tonso-
 „ res non excusat, sed illos eximunt
 „ Diana, & Fagundez . 305. Picto-
 „ res, & Sculptores . 306. Servos,
 „ & servas nimium laborantes . 307.
 „ & 308. Typographos, qui typis
 „ adstant . 309. Marinarios . 310. Mi-
 „ lites præstantes . 311. Qui templa
 „ adornant . 312. Iter facientes pedi-
 „ tes . 313. Etiam si iter voluntarium
 „ sit . 314. Iter facientes *Caballis*
 „ *currendo* . 315. Qui iter faciunt
 „ *mulabus de Alquiler* . 316. Luden-
 „ tes pila, vel alio ludo nimis labo-
 „ rioso . 318. Qui debiles facti sunt
 „ ex nimio inhonesto coitu .
 „ 319. Prædicatores, etiam si tri-
 „ bus tantum diebus septimanæ ser-
 „ monem habeant, cæteris diebus
 „ eximuntur . 326. Lectores, & Ca-
 „ thedratici cujuscumque facultatis ex
 „ vi muneris eximuntur . Illi qui o-
 „ stentationis gratia legunt ad opi-
 „ nionem acquirendam . 328. Studen-
 „ tes,

„ cunctis corporis infirmam valetu-
 „ dinem; ne dixeris, te jejunium fer-
 „ re non posse . Neque enim mihi
 „ istam excusationem profers, sed
 „ juxta proverbium, Scienti loque-
 „ ris, nimirum Deo, quem nihil fu-
 „ git .

Percurrit hominum status eosque
 jejunio subjicit *hom. 2.*

„ Dives es, ne jejunium affeceris
 „ contumelia, ne ex condemnatione
 „ ad longe majorem inedia adiga-
 „ ris .
 „ Qui pauper est, ne simulatione
 „ utatur erga jejunium, quum illud
 „ jam olim habeat & domus, & vi-
 „ tæ socium .
 „ Pueri, veluti plantæ teneræ, aqua
 „ jejunii, irrigantur .
 „ Jejunium similitudo est hominum
 „ cum Angelis, justorum contuber-
 „ nalis vitæ sobrietas . . . Excipite hoc
 „ pauperes contubernale vobis & men-
 „ sæ socium . Excipite servi, ut res-
 „ pirationem a perpetuis servitii labo-
 „ ribus . Excipite divites, quod noxæ
 „ e luxu contractæ medeatur . . . Ex-
 „ cipite male valentes sanitatis ma-
 „ trem . Qui bona estis habitudine ex-
 „ cipite bonæ habitudinis custodem .

S. Leo

Serm. 2. de Quadrag.

„ Appropinquante festivitate Pascha-
 „ li adest maximum sacratissimumque
 „ jejunium, quod observantiam sui
 „ *universis fidelibus sine exceptione de-*
 „ *nunciat*, quia nemo tam sanctus
 „ est, ut non sanctior, nemo tam
 „ devotus, ut non debeat esse devo-
 „ tior . Quis enim hujus vitæ consti-
 „ tutus in incerto, aut immunis a
 „ tentatione, aut liber inveniat a
 „ culpa ?

S. Ba-

tes, qui conclusiones defendunt,
aut lectionem oppositionis faciunt.
330. Confessores nimium confes-
sionibus assistentes, etiam si id fa-
ciant voluntarie. 331. Etiam si lu-
cri gratia. 332. Studentes conti-
nue. 333. Advocatos, Procurato-
res, Judices, nimium laborantes.
334. Scribas si maiore parte diei
laborant, & Secretarios Princi-
pum diebus, quibus nimium labo-
rant. 335. Episcopos in diebus Or-
dinum, aut quibus exercitia labo-
riosa exercent. 337. Infirmarios,
qui multis infirmis assistunt. 339.
Illos, qui in septimana sancta fla-
gellantur, etiam si flagellatio volun-
taria sit. 340. Peregrinos ad Loca
sancta. 341. Eos, qui nimium vo-
racem habent calorem stomachi.
343. num. 5. Catholicos, qui infi-
delibus inserviunt. 349. Eum, cui
advenit Princeps hospes, ut illi in
mensa assistat, potest frangere je-
junium.

Et Decis. 325. dicit, quod la-
bor ingenii, & nimiae attentionis
excusat ab obligatione jejunii. Un-
de num. 4. concludit: *Ex quibus
colligitur, quod si quis per totum
ferme diem in negotiis difficillimis
occupatur, ut contingere potest in
Oratoribus Principum, Praefectis Ur-
bium, Ducibus exercituum, qui sem-
per per negotia difficilia animo revol-
vunt, non teneri ad jejunium, si-
quidem talis occupatio plurimum con-
sumit spiritus, & inducit notabilem
debilitatem. Et idem censendum est
de ceteris Ministris, qui plurimum
occupantur in negotiis publicis.*

Hæc doctrina valde notanda est,
cum sit nimis conformis rationi, &
sic Præsides consiliorum, & Consi-
liarii viri, & similes, secure sunt
excusati ab obligatione jejunii. Si
enim Lectores, Prædicatores deo-
bligantur a jejunio propter unam
lectionem, aut sermonem unius ho-

ra

S. Bernardus.

Serm. 2. de Quadr.

Haftenus usque ad nonam jeju-
navimus soli, nunc usque ad vespe-
ram jejunabunt nobiscum universi
Reges, & Principes, Clerus, &
Populus, nobiles, & ignobiles, si-
mul in unum dives, & pauper.

„ ræ spatio durantem ; cum isti Mi-
 „ nistri spatio quinque , vel trium
 „ horarum assistunt , tractantes nego-
 „ tia difficilia , & diversa , obligati ad
 „ studendum , ut recte decident cau-
 „ sas , multo magis excusabuntur ,
 „ non solum diebus consilii , sed et-
 „ iam diebus festivis , & feriatis . Ita
 „ respondi interrogatus antequam vi-
 „ derem auctorem istum .

„ Qui cum rationes probabiles in-
 „ veniret ad omnes relatos excusan-
 „ dos , miratus sum , non sibi occur-
 „ risse ad dicendum , quod chocola-
 „ te non frangit ; nisi forsan hoc di-
 „ cat pro Italia , & aliis regionibus ,
 „ in quibus consuetudo ipsum biben-
 „ di non invaluit , sicut invaluit in
 „ Indiis , & Hispania , , .

X. Testimonia , quæ ex Patribus adduxi , non eo omnia pertinent , ut onus præcepti imponant ; sed partim vim legis produnt , partim Christifideles excitant , hortantur , urgentque ad cohibendam concupiscentiam jejunii severitate : ostendunt quam alieni esse fideles debeant a conviviiis , & comessionibus , potissimum Quadragesimæ tempore . Quod iccirco animadverti , ne cavillari quispiam possit , Patrum testimonia nimis probare , nimiumque rigorem invehere . Hac quippe tempestate adeo invaluit relaxandæ legis ausus , & indulgendi appetitionibus carnis , & concupiscentiæ libertas , quo vix , ac ne vix quidem , Patrum , & Conciliorum documenta promere liceat , quin plures inclament : Patrum effata nimiam redolere austeritatem , nisi Casuistica benignitate deliniatur .

XI. Innumera alia Casuistarum testimonia adferre in medium possem . Sed pauca , quæ recensui , satis superque evincunt necessitatem cohibendi , ut inquit Sapientissimus Pontifex , nonnullorum Theologorum licentiam , qui de medio penitus legem jejunii sustulere . Convenit penes omnes Theologos , tum cessare legem , cum majori subditorum parti superflua est . Communitatem enim hominum primum lex respi-

respicit. Recentiores Theologi non pauci, circiter 50. Christianorum ordines a jejunio absolvunt: Nobiles & delicatos a carniū abstinentia eximunt ob stomachi incommodum: Fœminas fere omnes exemptas a lege asserunt. Ne multa. Rationes supputa, & summam conficito. Heinc colliges, Christianos, paucis exceptis, Casuistarum quorundam sententiis communiter a lege jejunii exemptos esse: ergo alterutrum fatendum: aut legem jejunii sublatam esse, quia, cessante fine legis in communi, cessat lex: aut improbanda est plurium Casuistarum doctrina. Quid quod necessitatem coercendi non paucorum Theologorum in opinando licentiam, quo Apostolicæ Constitutiones BENEDICTI XIV. pertinent, agnoverunt & antecessores Romani Pontifices, & Theologi graviores. In Alexandri VII. Decreto an. 1665. hæc leguntur. *Sanctissimus D. N. audit non sine magno animi sui mœrore summam illam luxuriantium ingeniorum licentiam in dies magis excrescere, per quam in rebus ad conscientiam pertinentibus Modus opinandi irrepsit alienus omnino ab evangelica simplicitate, Sanctorum Patrum doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela.* Similia pronuntiavit Innocentius XI. Theologorum duos referam, unum Hispanum, Gallum alterum, ambos insignis Benedictini Ordinis alumnos. Primus est Doctissimus Cardinalis de Aguirre: *Sane insigni Dei beneficio tribuendum, quod non multis annis post inchoatam, aut jam grassantem licentiam opinandi in rebus Moralibus prætextu specioso illius probabilitatis, cœperunt non pauci viri pietate, ac doctrina insignes scribere contra illam ad hæc usque tempora.* tom. 1. Theol. S. Ansel. dis. 2. sec. 6. Alter celeberrimus Benedictinus est P. D. Joannes Mabillon, qui hæc scribit tract. de stud. Monast. l. c. 16. *Postquam Neotericorum plurimi sibi campum vendicarunt de humanis actibus, & peccatis differendi, inconsultis sacris Ecclesiæ Canonibus, eo devenit Moralium opinionum relaxatio, ut nullum pene ex criminibus censeatur, quin aliquo indulgenti colore calamistretur.*

Tan-

Tantum abest, ut istorum Summistarum studium ad Christianae Philosophiae consecutionem quadantenus dirigat, quod potius ex libera ipsos legendi facultate non modicum sequatur detrimentum. Adeo tamen altas radices egerunt in quorundam imperitorum animis adversus Christianam Theologiam praejudicia, & in Ethicam Casuisticam propensio, ut quidam Sacramenti Pœnitentiæ Minister nudius tertius lecto sequenti titulo solo: *Moralis Christiana ex Scriptura Sacra, Traditione, Conciliis, Patribus, & insignioribus Theologis excerpta*, Authore R. P. Jacobo Besombes, edita Venetiis apud Simonem Occhi hoc currenti mense: Lecto, inquam, titulo in volanti pagella impresso exclamavit. *Heu misera temporum conditio! Vi, & terrore ad tartara detrudere Christianos student Rigidiores isti Theologi*. Eccur? Quia Morali Christiana ex Sacra Scriptura, Traditione, Conciliis, Patribus, & insignioribus Theologis excerpta animas dirigunt. Fortasse non verisimile factum apparebit, sed certe verum est, cujus testis est laudatus Bibliopola. In istos hæc scribit S. Bonaventura in prolog. Confessional. *Horrendum profecto est videre quosdam Sacerdotes nostri temporis, qui Sacram Scripturam, in qua præfati Regiminis ars sufficientissime traditur, & jura Canonica, & scripta Doctorum, in quibus plenissime declaratur, vel per torporem legere negligunt, vel per ignorantiam nesciunt, & tamen cordis medicos in audiendis confessionibus se profiteri impudenter non metuent.*

§. V.

Adbortatio ad Jejunium . Funesta Christianorum illusio , quod non distinguunt Literam Legis jejunii ab ejusdem spiritu .

Ab illa , non hoc , Ecclesia dispensare valet .

XII. **I**nnumeri sunt Casuistarum de jejunio libri ; sed qui disputare , non qui ieiunare doceant . Haftenus & nos de ieiunio disputavimus , nunc ieiunium suadendum . Quasi alieno contendendi vitio in vitium prolapsi sumus contentionis . Sed Deo parere studui , qui per Jeremiam populum suum instruens iussit *cap. i. Ecce dedi verba mea in ore tuo , .. ut evellas , & destruas , & disperdas , & dissipes : & ædifices , & plantes .* Prius convellenda præiudicia , dissipandæ laxæ opiniones , disperdendæ distinctiones vanæ , occludenda effugia fuerunt : nunc irriganda sacrae inediae planta , excitandum pœnitentiæ ædificium . Non me latet , præstiturum hæc in plurium censuras incursum . Adeo homines non pauci *Quæstionariis* , ut vocant , libris , seu aridis quibusdam decisionibus sunt innutriti , ut veram de moribus scribendi methodum fastidiant . Si enim non mentem modo , verum etiam cor emollire , & voluntatem inflectere , opportunitate data , studemus , clamitant , nos Concionatores , & Theologos agere . Nec advertunt se ignorantes prodere . Quoniam quæ mores spectant , non sistunt in mentis illustratione ; sed eo potissimum spectant , ut reluctantem concupiscentiam , effrænes appetitiones voluntati , & voluntatem rationi subjiciant . Hæc autem obtineri haud possunt , nisi ea adferantur in medium , quæ ad ciendos affectus necessaria sunt . Quid ergo vitio vertunt usum adhibere artis , ubi vel maxime necessarius est ? Arguendi ne Patres omnes , quod tropis , figuris , cæterisque artis dicendi præsidiiis usi sunt ? Concionatores ne , Rectoresque tantum Patres Sancti fuerunt ? Revera qui concionatorii styli in morum Regulis versandis censuram impingunt , vellenteque

ea, qua Geometrica, & Mathematica Theoremata tractantur, methodo, morum quoque præcepta exponi, mirum in modum hallucinantur. Verum, morosis censoribus neglectis, viam insistamus.

XIII. *Filii hominum usquequo gravi corde? Ut quid diligitis vanitatem; & queritis mendacium? Psal. 4.* An ignoratis, gulam unum esse ex septem capitalibus vitiis? Quin gulæ præstigio usus serpens est, ut priores Parentes nostros perimeret. Esus interdicti pomi universum infecit humanum genus. Voluptariæ epulæ, exquisitæque dapes pabulum vitiis omnibus subministrant, potissimum vero libidini. *Semper enim* (inquit Augustinus serm. 2. in prim. Domin. *Quadr. junctâ est saturitati lascivia. Vicini sibi sunt venter, & genitalia, & pro membrorum ordine ordo vitiorum intelligitur. Ejecit ergo nos de Paradiso cibus? Reducat esuries, reducat jejunium.* Ex gula immanis illa soboles proficiscitur, quam S. Thomas describit 2. 2. q. 148. videlicet mentis hebetudo, scurrilitas, loquacitas, stupor, immunditiæ, multiloquium, ineptiæ. Heinc rei familiaris profusio, morborum series, & tandem accelerata mors tum corporis, tum animæ. *Plures occidit gula, quam gladius.*

XIV. En Sacræ inediae necessitatem. Indomita hæc belua nonnisi pabuli subtractione frænatur. *Si equo uteris, qui te gestiendo posset præcipitare* (inquit Augustinus tract de utilit. jejun. c. 3) *nonne, ut securum iter ageres, cibaria ferocienti subtraheres, & fame domares, quem fræno non posses? Caro mea jumentum meum est. Iter ago Hierusalem. Plerumque me rapit, & de via conatur excludere. Via autem mea Christus est. Ita exultantem non cobibebo jejunio?* An hic non vides, ipsius naturæ legem jejunium præscribentem? An ignoras Divina, & Ecclesiastica præcepta, quæ hocce naturæ jus moderantur, definiuntque? Jejunium est exterioris pœnitentiæ officium præcipuum. Tu errores detestaris Lutheranorum, Calvinistarumque effutientium, *optimam pœnitentiam novam esse vitam, ita ut omnem satisfactionis vim & usum tollant,* inquit Tridentina Synodus. Sed novatores sibi-
lis

lis hanc excipiunt doctrinam, dum te pleno ventre audiunt de jejunio, de laboriosis pœnitentiæ operibus disputantem. Quæso te, ut ad punctum temporis saltem æqui hominis rationem induas, ut ex animi sententia reciproca ineamus colloquia. Si vel ipso Quadragesimæ tempore, quo sacrosancta augustæ Religionis nostræ Mysteria te ad pœnitentiam, ad humiliationem, ad persolvenda Divinæ Justitiæ gravissima pro admissis flagitiis debita, ad imploranda Divina subsidia, ad vindicem placandam Justitiam, ad conciliandam Clementiam undiqueversum alliciunt, invitant, impellunt, nihilo magis non commoveris, quam si hæc ad te nihil pertinerent: Si tot pressus pœnitentiæ corporalis, seu ieiunii aculeis abdomini indulgere sub variis prætextibus pergis, tu Christi Discipulis, & non Epicuri asseclis accensendus eris?

XV. Dispensationis privilegium, inquis, obtinui ab Ecclesia. Esto. At nunquid ab Ecclesia nactus es privilegium, ne tenteris a concupiscentia tua, ne bellua corporis tui sæviat in animam tuam, ne pœnas peccatis tuis debitas Divinæ persolvas Justitiæ? Tam alta est hallucinatio tua, ut non modo temetipsum, sed & Deum ipsum decipere audeas? Distingue paulisper literam, seu corticem, a spiritu præcepti. Jejunii litera delectum ciborum, horam refectionis, & similia præscribit. Spiritus finis, & anima jejunii est carnis cohibere petulantiam, appetitionibus frænum imponere. Jejuniorum austeritatem exteriorem delinivit Ecclesia jentaculi serotini, & vini permissu, & horæ refectionis capiendæ acceleratione. Verum nec tantillum temperavit jejunii spiritum. Hic nec dispensationi Ecclesiæ, nec consuetudinis privilegio, nec Theologorum disputationibus subjacet. Communi hominum imbecillitati indulget Ecclesia, quidquam exterioris severitatis temperando. At non propterea, aut eximit, aut eximere a spiritu pœnitentiæ exterioris potest. Quin, quo major est diminutio macerationis exterioris, eo ferventior sit oportet spiritus pœnitentiæ, & aliarum virtutum officia frequentiora, ut justa fiat compensatio. Mitior est

hodierni jejunii austeritas? At mitior ne concupiscentia; blandiorve carnis rebellio? Minor ne hodie necessitas pugnandi adversus gulam, & tenebrarum potestates? Revol-ve prisca, & recentiora sæcula. Reperturus ne eris Christianorum quempiam Cœlum ascendisse, qui carnem suam ieiuniis, vigiliis, aliisque austeritatibus non afflixerit? Seve-rior ne Divina Justitia primis Ecclesiæ sæculis, quam no-stris? Abundantior ne nunc, quam tum Misericordia? La-tior ne evasit Paradisi via, amplior janua? Pauciora ne sunt tua scelera, quam Sanctorum illorum, qui assiduis je-juniis corpus suum perdomabant? Clementior ne Deus er-ga te, quam erga Sanctos, & innocentes suos? Illusos ne hos pronunciaveris, quod tanta austeritate carnem suam conflictaverint? Ergo te deceptum, te obcæcatum fateare necessum est. Concionatoria ne hæccine sunt? Resipisce miser, & arma lucis indue. Jejuna, quia peccasti: ieiuna, ut non pecces: jejuna, ut accipias: ieiuna ut permaneant quæ ac-cepisti, inquit alicubi Chrysostomus. Oculos, animumque intende in Scripturas, in Sanctorum tum doctrinam, tum exempla, illorumque insiste vestigiis, si quo pervenerunt illi, petere sincere velis. Recentiores Theologos, qui te condocerunt vias, rimas, latebrasque, quibus declinare ieiunii legem queas, quin modum vincendi concupiscentiam doceant, prorsus evita. Et ne suspiceris, me quoslibet in-discriminatim Theologos recentes parvifacere: legendos tibi summopere suadeo Ludovicum Granatensem, Franciscum Salesium, Thomam de Villa Nova, & ut innumeros præ-teream, Cardinalem Bellarminum, qui hæc *Dom. 4. Adv. ser. 9.* scribit. *At vero hodie ita delicati, ita teneri effecti sumus, ut vix paucorum dierum jejunia pro multis sceleribus, atque delictis sustineri possint. Cilicia vero & cineres, vigi-lia & humiliationes, flagella & aliæ carnis afflictationes, non solum in moribus nostris, sed vix jam in LIBRIS repe-riuntur.* Hos libros relinque, qui tibi solida pœnitentiæ ar-ma, quibus devincere hostes valeas, non suppeditant; sed contra, te armis spoliant, ut facilius in hostium tyranni-dem

dem incidas. Gulæ insidiæ quotidianæ sunt, & familiares. Alimenta omnia corpori subtrahere nemo absolute potest. Urget quotidie necessitas edendi & bibendi. Verum hæc ipsa suavis est nobis: & sæpe ipsi ignoramus, utrum alimentum petat inevitabilis corporis cura, an voluptatis fallacia nos decipiat. Ad mensam accedimus cum duobus hostibus pugnaturi: cum fame, ut corpus interitui subducamus: cum voluptate, ne anima concupiscentiæ præstigiis capiatur. Si hoc certamine victor egredi ares, S. Augustinum imitare, qui *lib. 10. confess. c. 3.* hæc scribit. *Hoc me docuisti, ut quemadmodum medicamenta, sic alimenta sumeremus. Sed dum ad quietem satietatis ex indigentia molestia transeo, in ipso transitu mihi insidiatur laqueus concupiscentia. Ipse enim transitus voluptas est Et cum salus sit causa edendi, & bibendi, adjungit se tanquam pedissequa periculosa jucunditas, & plerumque præire conatur, ut ejus causa fiat, quod salutis causa me facere vel dico, vel volo His tentationibus quotidie conor resistere, & invoco dexteram tuam ad salutem meam.* Rides fortasse, quod hæc minuta crimina devitanda suadeam. Verum si ista parvipendas, vix graviora vitabis. Cave ne nimia te fiducia decipiat. Si enim non times, iam lapsus es. Convivia appetere, lautioribus vesci epulis, domos concurrere, ut amicorum mensis opipare instructis accumbas, in ipsa Quadragesima privilegia dispensationis captare; non Christianorum est, sed comissatorum, quorum Deus venter est, quorum finis interitus, & fletus æternus. Nec dicas. Hui tu! Num reformator es Mundi? Tu disciplinæ reparator? Tu ne solus sapias? Tibi ne soli fasces cæteri submittent? Absit. Non mihi, sed Christo, eiusque Vicario, legi, & præceptis subiicienda voluntas est. Pervetustas has nænias, omnibus legum transgressoribus quam familiarissimas, sæpius labefactavimus. Sciant interim prudentissimi homines paucos esse electos, paucos qui arctam viam ambulent. Quid quod rari sunt & veri amici, rari & sapientes, rari & prudentes, rara virtus. Audiant Hieronymum *lib. 2. advers. Jovin.* *Nec turbare*
nos

nos debet, si rari sint hujus propositi sectatores; quia rari sunt & amici boni, & fideles, & pudici, & continentes, semperque virtus rara est. Lege Fabricii continentiam, Curii paupertatem, & in tanta Urbe vix paucos invenies, quos sequaris.

F I N I S.

O P E R A

Reverendi Patris Fr. Danielis Concina Ordinis Prædicatorum
Venetiis impressa, & apud Simonem Occhi Bibliopolam
in via Mercatoria sub signo Italiæ prostantia.

Latine Scripta.

Commentarius Historico-Apologeticus in duas Dissertationes tributus, quarum altera anticriticis animadversionibus refellit ea, quæ adversus paupertatis Disciplinam a D. Patriarcha Dominico in suo Ordine constitutam, intemperantiore critice, scriptis prodiderunt Continuatores Bollandi, in Commentariis, nuper in Acta ejusdem Patriarchæ editis. Altera eandem Disciplinam a laxioribus P. Raphaelis de Pornasio interpretamentis vindicat. Accedunt de origine Disciplinæ Regularis primum in Ord. Præd. per B. Raymundum de Vineis XXIII. Magistrum Generalem ejusdem Ordinis, instauratæ, Dissertatio Historica, & Quæstiuncula Moralis de Regularibus personatis, sub nomine Caroli Antonii Plantamuræ. 1736. 4.

Disciplina Apostolico-Monastica Dissertationibus Theologicis illustrata, & in duas Partes tributa: in quarum prima, de Voto paupertatis Vita Communi circumscripto: in altera, de cæteris ejusdem Disciplinæ præcipuis capitibus differitur. Accedunt selecta quædam veterum Theologorum Monumenta. 1739. 4.

Præfatio ad Lectorem in Dictionarium casuum conscientiæ Joannis Pontas, & Animadversiones Critico-Morales in Menda Pontasiana, sive Observationes quasdam interpretis Augustani, cum Auctario duorum casuum qui in eodem Dictionario desiderantur.

Epistolæ Theologico-Morales ad Illustriss. & Reverendiss. Episcopum N. N. 1744. 4.

In Rescriptum BENEDICTI XIV. P. M. ad Postulata septem Archiepiscopi Compostellæ Jejunii Legem spectantia, Commentarius Theologicus. 1745. 4.

Italice emissa, quorum Titulos hic latine subjicimus.

Disciplina Vetus & Nova Romanæ Ecclesiæ circa Sacrum Quadragesimale jejunium duabus Apostolicis Litteris: *Non ambigimus*, & *In Suprema*, Benedicti XIV. Summi Regnantis Pontificis expressa, atque Historico-Critico-Theologicis Animadversionibus illustrata. 1742. 4.

De

De Probabilismi ac Rigorismi Historia Dissertationes Theologico-Morales-Criticæ, quibus Principia fundamentalia Christianæ Theologiæ explicantur, atque a recentiorum Probabilistarum cavillationibus vindicantur. Opus duobus Tomis digestum. In calce secundi Tomi adjecta est Dissertatio Apologetica adversus Libellum: *Difesa della Dissertazione Tbeologico-Morale-Critica de' Signori Abate Pietro Copelloti, ed Arciprete Bartolommeo Casali &c.* Anno 1743. 4.

Quadragesima a Foro contentioso recentium quorundam Casuistarum ad recti Sensus, bonæque Fidei populi Christiani Tribunal appellans, super jejunii præcepto cum carniurn usu conjungendi, ex eo duntaxat quod noceant cibi Quadragesimales, Dissertatio adversus Libellos duos nuper hac de re editos. Editio prima, 1739. 4. quæ prodiit iterum eodem anno auctior, & emendatior, addita Præfatione Apologetica. Tertia demum editio novis Additamentis locupletata, videlicet duobus Brevibus Pontificiis de jejunio, atque integra Dissertatione, qua refellitur Liber cui Titulus *Difesa &c.* de quo supra in Historia Probabilismi &c. anno 1744 4. lucem aspexit.

C. VII. 5. (20).

